

للنشر الإلكتروني



قطعة مدلله

إكرام يوسف

إكرام يوسف

قطة مدللة

(رواية)

جميع الحقوق محفوظة © عصير الكتب للنشر الإلكتروني

<http://book-juice.com>

قطة مدللة

المؤلف : إكرام يوسف

نشر في : أكتوبر ٢٠١٤



نبذة

الحب

هو تلك النسيمات التي تداعب شغاف قلوبنا

تتسلل بخفة إلى داخله دون أن نشعر

تمد جذورها لتتوغل خلال جميع أوصاله

وترسخ داخله

ثم تتحول إلى عاصفة تهز كل كياناتنا

فلا نستطيع التخلص منها بسهولة

فهل يستطيع هذا الحب أن يبدل ملامحنا؟

أو يغير مسار حياتنا؟

هل يستطيع الصمود أمام عناد عقولنا؟

المقدمة

لن أسمح لك بكبحي

فلتحمي نفسك مني

لن أحنى ظهري أبداً

لن تكسر صوتي أبداً

سأظل أموء دوماً

لاتنسى أني قطة من عائلة السباع

لن أستسلم لقفصك مهما كان المتاع

الفصل الأول

كانت تنام في فراشها مثل الملاك ، عندما دخلت عليها تلك السيدة الرزينة وفتحت الشباك لتدخل أشعة الشمس إلى الغرفة لترسم خيوطاً من النور في أرجاءها وهي تقول:

- اصحى بقى يا بوسى.. الساعة بقيت اتنين.. انا مش عارفة هتصحى امتى يعنى ؟

لترد من كانت نائمة بالفراش وهي مغمضة العينين :

- حرام عليكى يادادة ، سيبينى نايمة شوية

- اصحى يا حبيبتي بابى مستنيكى تحت عايز يسلم عليكى قبل ما يسافر

- مش مهم بقى يادادة يوووه

- بقى كدة ؟ طيب انا بقى هنزل اقوله ، وانتي بقى حرة

فتقوم لتجلس في الفراش بشعرها المتناثر بعشوائية على وجهها وهي تقول:

- لا خلاص نازلة ، عارفة بابى هيزعل

لتقترب منها المربية وتقبلها وهي تقول :

- يلا يا قمر يا جميل انا حضرتلك هدومك ، ادخلى خدى الشاور بتاعك والبسى ، وانا

هقول لبابى انك نازلة حالاً

- اوكى يادادة

وتدخل إلى الحمام ، وتنزل المربية ذلك الدرج المؤدى إلى هذا الجهو الرائع الذى ينم عن الفخامة والرقى ، وتدخل غرفة بها مكتب وثير يجلس خلفه رجل يبدو عليه الوقار ، وقد نمت على إستحياء بعض الشعيرات البيضاء برأسه ، وقد أنزل نظارته الطبية قليلا عن عينيه وهو ينظر فى الأوراق أمامه
تحدثت بأدب قائلة :

- بوسى صحيت يافندم ، ونزلة لحضرتك حالاً

رفع وجهه عن أوراقه قائلاً :

- ماشى يادادة ، مش هوصيكي عليها وأنا مسافر ، ولو حصل أى حاجة تبلغيني على طول

- تحت أمرك يافندم

- روحى قولى لعم حسين يجهز العربية

- حاضر يافندم

شكرى وهو يحتضن إبنته :

- خلى بالك من نفسك يابوسى

- حاضر يا بابى

- ومتغلبيش دادة

- اوكى يا بابى متخافش

ثم يطبع قبلة على جبينها ، ويركب السيارة وهو يوجه حديثه لحسين السائق :

- يلا يا حسين على المطار

تدخل بوسى إلى الفيلا وهى تعبث فى خصلات شعرها المنسدلة ، وتصيح :

- يادادة هاتيلى التليفون

فتأتى المربية به مهرولة وهى تقول :

- اتفضلى ياستى التليفون اهوه

- مرسى يادادة يا قمر

تضغط بوسى وهى جالسة على الأريكة على بعض أزرار هاتفها ، ثم ترفعه إلى أذنها ، وتقول
بدلال :

- صباح الخير ياروحى

ليأتها الصوت من الطرف الآخر :

- حبيبة قلبى ، وحشتينى من امبارح

- وانت كمان يا تامر وحشتنى اوى

- طيب ما تيجى

- انت فين ؟

- انا فى البيت ورايح النادى دلوقتى ، يلا تعالى وأقابلك هناك

- اوكى تمام يا حبي ، سلام

المربية :

- انتى خارجة يا بوسى ؟

- ايوة يادادة

- طيب خلى بالك من نفسك يا حبيبتي

- عيونى يادادة سلام

لتخرج من الفيلا لتركب سيارتها ، لم تكذ تغلق بابها فإذا بها تسمع صوت يقول :

- انسة بوسى

فتنظر خارجها لترى أحمد ابن حسين السائق ، فتقول بلا مبالاه :

- ايوة يا احمد ، فى حاجة ؟

أحمد بقليل من الإرتباك :

- انا انا انا كنت عايز بس أقول لحضرتك لو محتاجة أى حاجة أعملها لك

- لا شكراً يا أحمد

وتنطلق بالسيارة وهى تقول :

- ماله دة ؟

وتنطلق مسرعة بسيارتها ، أما هو فظل ماكثراً مكانه كالتمثال ينظر لها بحب وهو يقول فى

نفسه :

- فوق يا احمد من الوهم اللى انت عايش فيه

ثم يزفر بأسى ويعود إلى تلك الغرفة التي تقع بالحديقة المرفقة بالفيلا ، التي يقطنها مع
ووالده

حسين السائق وهو يقود السيارة :

- ربنا يرجعك لينا بالسلامة، والعملية تتم على خير وتقوملنا بالسلامة

شكرى وهو ينظر من شباك السيارة :

- خلى بالك يا حسين بوسى متعرفش اى حاجة عن مرضى ، هي فاكرة انى مسافر فى
شغل

ثم ينظر بتأثر قليلاً ، وهو يقول :

- لو ربنا كتبلى انى ارجع هبقى اقولها انا

- ان شاء الله يافندم ترجعلنا بألف سلامة ، ومتشلش هم محدش هيقولها حاجة
خالص

فيرن هاتف شكرى فيضغط عى زر الرد ، ويرفعه إلى أذنه قائلاً :

- ايوة يامنصور ، انا خلاص طالع على المطار ، وثقت الورق اللى انا ادتهولك ؟

- ايوة يافندم بس انا قريته ولقيت فى حاجة غريبة هو حضرتك
ليقاطعه شكرى قائلاً :

- المكتوب فى الورق انا اللى كتبه وعارفه كويس ، ومش محتاجك تناقشنى فيه يامنصور

- حاضر تحت أمرك ياباشا ، تروح وترجعلنا بالسلامة
- مش محتاج اوصيك ، انت نسيت كل اللى قرينه فى الورق دة ، مفهوم ؟
- مفهوم اكيد يافندم ، وان شاء الله مش هحتاج للورق دة وحضرتك هترجعلنا بالسلامة
- طيب يلا ، مع السلامة

بوسى وهى تضحك :

- بس ياشيرى بقى بلاش غلاسة
- طيب والله زى ما بقولك كدة ، انا مش عارفة انتى بتحبى فيه اية الواد الرخم دة ؟
- طيب بس بقى بدل ميحى يلزقك فى الحيطه
- نعم ؟ مين دة اللى يلزقنى فى الحيطه ؟
- طيب بس بس يافضيحة ، جاى هناك اهوه
- طيب يابت اتقلى شوية ، بطلى الدلقة دى يخرب بيتك

لتقف بوسى وهى تخرج لسانها لها ، ثم تقول :

- موتى بغيظك

وتتجه مسرعة ناحية تامر الذى اتى بطلته الوسيمة ، وتحوط رقبتة بذراعيها وهى تقول :

- وحشتنى اوى ، كل دة تأخير ؟

فقال وقد أحاطها بذراعيه :

- معلش ياقلبي ، متزعليش

لترد بدلال :

- لا ، زعلانة منك

فيطبع قبلة على وجنتها قائلاً :

- عشان خاطر تامر سماح بقى

فتضحك بحياء قائلة :

- سماح ياقلب بوسى

منصور :

- اتفضل يا أستاذ حسام الورق اللى حضرتك طلبته

حسام وهو يجلس خلف مكتبه ، ويرفع وجهه وينظر له نظرة جادة يشوبها بعض الصرامة
قائلاً :

- ليه التأخير دة يا أستاذ منصور ؟

ليرد منصور ببعض الإنكسار :

- معلش ، انا اسف ، بس حضرتك عارف ان شكرى بيه سافر النهاردة ، وكان مكلفنى

.....

فيقاطعه بخبطة من يده على المكتب وهو يقول بصوت صارم :

- اية علاقة ان عمى مسافر بتأخير الشغل ، هي دى أول مرة يسافر فيها ؟ الشغل شغل
يا أستاذ منصور ، وانت عارف كويس إنى بحب النظام فى الشغل ، ومش بسمح بأى
إهمال

- ما هو حضرتك والله يا أستاذ

ليقاطعه قائلاً ، وهو يشير إلى باب المكتب :

- خلاص اتفضل انت دلوقتى

فيخرج منصور وهو يشعر بالضيق ، أما حسام فقد عاود إلى أوراقه مرة أخرى وهو يضع
نظارته الطبية على عينه ، ويظل يعمل هكذا حتى يرن هاتفه ، فيبتسم وهو ينظر بالهاتف ،
ثم ينزع نظارته ليرد قائلاً :

- ازيك يا حبيبتي ؟

ليأتى الصوت من الطرف الآخر :

- لا انا زعلانة منك

- ليه كدة بس ياست الكل ؟

- مش انا اتفقت معاك انك تودينى النهاردة عند ام فاروق صاحبتى

ليضع يده على رأسه وهو يقول :

- أخ ، تصدقنى نسيت خالص ، معلش انا اسف يا أمى ، للأسف كمان مش هقدر أسيب
الشغل دلوقتى خالص

- خلاص مش مشكلة بس خليك فاكرها

- بكرة إن شاء الله أوديكي عندها ، المهم ست الحبايب تبقى راضية عنى

- راضية عنك يا حبيبي ربنا يكرمك يا بني ويسعد قلبك

- الله ، تسلميلي يا أمي

كانت تجلس بجانب تامر وحولهم أصدقاءهم في ذلك الملمى الليلي وهي في غاية سعادتها ، كانت مثل النجم الساطع بذلك الفستان القرمزي الذي يظهر من جسدها أكثر مما يخفيه ، وشعرها ينسدل على كتفها كضئ السماء في ليلة غاب فيها القمر

فهمس تامر في أذنها قائلاً :

- بس اية الفستان الجامد دة ؟

- الفستان بس اللي جامد ؟

- وصاحبة الفستان طبعاً

ضحكت وهي تقول :

- الله انا بحب الأغنية دى أوى وحياتي يا تامر نقوم نرقص

فيقف معها ويذهبها إلى تلك الساحة التي توجد في منتصف المكان ليبدأ في تلك الحركات السريعة الماجنة التي تشعر من يراهم أنهم قد أصيبوا بمرض يجعلهم يتمايلون هكذا مثل الأفاعى من فرط الألم

في تلك اللحظة مال أحد الجالسين على أذن شيرى وهو عينه مسلطة ناحية بوسى وتامر قائلاً

:

- وبعدين يا شيرى بقالك شهر قايلالى انك هتظبطيلى المزة ، ولسة يعنى مفيش اى اخبار ؟
- ما تتقل يا حبوب ، المصلحة دى عايزة تكتيك ، اصلها بعيد عنك مغرمة اوى بالواد الملزق دة الى اسمه تامر ، بس وحياتك خلاص ، نهايته قربت
- اما نشوف ، ادينى مستنى

ويظل جالس ينفث دخان لفافة من التبغ وهو يحدق النظر ببوسى التى كانت تتمايل فى أحضان تامر ، وهو يشعر برغبته الشديدة نحوها

الفصل الثانی

تامر :

- هتوحشيني

بوسى وهى ثملة قليلاً :

- واننننت كما ان اوييي

- ههههههههه ، ياه دا انتى خفيفة اوى

- اوى اوى اوى ، يلا سلام

فتحت باب السيارة ونزلت منها ، فصاح بها :

- إستنى هنا يا مجنونة جزمتهك

أعطاها إياها ، فدخلت إلى الفيلا وهى تمسكها بيدها ، وهى تترنح قليلاً ، لتستقبلها مربيتها

بقلق قائلة :

- كدة برده يا بوسى ، هو عشان بابى مسافر يعنى تعملى كدة ؟ إية التأخير دة كله ؟

- ييييه يا دادة بقى ، وحياتى وحياتى تسبيني اناااام

- وكمان شاربة ؟ انتى ازاي تعملى كدة ؟

قالت وهى تفتح عينها قليلة وتشير لها بإصبعها قائلة :

- طيب بصى بكرة ، بكرة نتكلم

بدأت للتحرك إلى غرفتها ، فكادت أن تسقط لولا أن المربية أسندتها وأوصلتها إلى غرفتها وساعدتها في تبديل ملابسها ، ثم دثرتها في فراشها كالأطفال ، وجلست بجانبها وهي تتحسس خصلات شعرها وهي تبتسم لذلك الوجه النائم كالملاك أمامها ، ثم ما لبثت أن إرتسمت على وجهها ملامح الحزن لتذكرها

حينما كانت تجلس هكذا على الفراش بجانب رغبة التي كانت في الثلاثين من عمرها ، كانت تتصبب عرقاً والمرض يخيم عليها ، وضعت يدها على جبهتها لتمسح قطرات العرق من على جبينها ، فشعرت بذلك البرد الذي يسرى بجسد رغبة التي كانت لا تستطيع الحراك شعرت رغبة بيد تلك المربية عليها ، فتحت أعينها ، وقالت بصوت متهرج أعياه المرض :

- بوسى ، خلى بالك منها يادادة ، اوعى تسبها أبداً

لترد والدموع في عينها :

- متخافيش ، انتى اللى هتقومى وتربها يابنتى وتشوفها لما تبقى عروسة

إبتسمت بجانب فمها وهي تتكلم بصعوبة :

- عروسة ؟ اوعدينى انك مش هتسيبها

ردت وقد خانتها دموعها وبدأت في النزول :

- اوعدك عمري ما هسيبها

لتفارق عندها رغدة الحياة وتترك إبتها الوحيدة وهي لازالت بعمر السنة ، طفلة لم تشعر بوجود أمها في الحياة ، فقط كل ما تعلمه عنها هو شكلها من خلال الصور

مسحت المربية دموعها التي نزلت منها إثر تذكراها ، وقبلت بوسى قبلة على جبينها بحنان وهي تقول :

- ربنا يهديكى يا بنتى

قالت والدة حسام وهي تضع الأطباق على السفرة أمامه :

- ضحكنا ضحك النهاردة يا حسام مقولكش بقى ، بصراحة ستات الحتة كلهم كانوا واحشيني ، وكلهم وصونى مغبش عليهم تانى

إبتسم حسام وهو يضع قطعة من الخبز فى فمه ، ثم قال :

- حاضر يا ستى مش هخليكى تتأخرى عليهم وهوديكي تانى قريب ، احنا نقدر على زعل الست أم فاروق وأصحابها

- ولد ، انت بتتريق ؟

- ولد ؟ يالهوى لو حد سمعك فى الشركة وانتي بتقوليلى كدة ، اللى قودامك دة دراع عمى اليمين فى الشركة وهو اللى مدوارها كلها ومن غيرى الشركة دى كانت أفلست من

زمان

لتضربة والدته على رأسه مازحة وهي تقول :

- انت هتكبر عليا ولا اية ؟ وبعدين متنساش ان الناس اللي في حتنا القديمة دول هممة الاصل وعشرة العمر ، احنا عشنا عمرنا كله معاهم ، لغاية ما عمك إفتكرنا لما لقي الدنيا بتبوظ منه وقال يخليك تساعده ، وانا كنت مصممة نفضل ساكنين هناك لولا بس انت صعبت عليا من المشوار فرضيت نيحي نسكن في الحطة اللي كلها ناس مش طايقين بعض دى

ليضحك وهو يقول :

- الراجل برده يُشكر انه افكرنا ، فيه ناس بتعيش وتموت من غير ما تفتكر أصلاً ان ليها عيال

- عشنا وشوفنا ، ما كنش فيه أبداً في حنية ابوك الله يرحمه

قالت هذه الكلمات وإغرورقت عيناها بالدموع ، فقام حسام وقبل رأسها قائلاً :

- طيب وليه بس الدموع دى ؟ هو انا يعنى مش مالى عينك ؟ مش انتى دايماً تقوليلى انت الراجل بتاعى ؟ او مال اية بقى ؟

فتبتسم وهى تمسح دموعها قائلة :

- ربنا يكرمك يا بنى

تامر وهو يقوم من على الفراش :

- ما كفاية بقى يابت ، انتى اية مابتهديش ؟

لتقول من كانت تنام بالفراش جانبه وهى شبه عارية :

- اعمل اية في شقاوتك ، جننتيني
- يابت اتقلي ، دة انا لسة عارفك من نص ساعة
- لتقوم خلفه وتحترضه من ظهره وهي تقول بدلال :
- اية ده هو انت مسمعتش عن الحب من أول نظرة ؟
- ليستدير لها وهو يقول :

- سمعت ياختي ، بس سيبيني بقى عايز امشى
- اية دة هو بيتي معجبكش ؟
- لا عاجبني ياجميل ، بس عايز اروح ابات في بتنا ، انا ليا اهل مش صايع زيك
- استنى طيب ، هشوفك امتي ؟
- يابت انتي هاتصاحبيني ؟ لما يهفني الشوق ابقى احى ، سلام
- سلام يا عنيا

فيخرج من باب هذا المنزل الذى دخله منذ أقل من ساعة مع تلك الفتاه التى وجدها تشير له فى الطريق وتطلب منه إيصالها لمنزلها

- وما إن خرج ، حتى اتجهت تلك الفتاه إلى هاتفها ، وضغطت على بعض الأزرار وانتظرت حتى أتاه الصوت من الطرف الآخر :
- ابوة يا تهانى ، عملتى اية ؟
 - كله تمام ياريسة

- يابنت الإية ، استاذة ، قابلينى دلوقتى فى الكافية عشان تاخدى بقيت حسابك

كانت تشعر بألم رهيب فى رأسها ، حاولت أن تفتح عينها وهى فى فراشها ، فرأت الضوء يتسلل من خلال الشباك المغلق ، نظرت فى الساعة بجانبها فوجدتها الساعة الرابعة عصراً قامت من الفراش بخطى متثاقلة دخلت إلى الحمام وأبدلت ملابسها ، ونزلت لتجد مربيتها تجلس بصحبة منصور محامى والدها

وتعبيرات وجههم توحى بأن هناك أمر ما ، دخلت وهى تقول :

- مالكو فيه اية ؟

ليقع قلب مربيتها فى إخمص قدمها وهى لا تعرف ماذا تقول لها

كررت بوسى سؤالها فى قلق :

- حصل اية يادادة ؟

- تعالى يا بوسى اعدى

- خير يادادة بجد شكلكوا قلقتنى ، فيه اية ؟

لتمسح مربيتها على شعرها وهى تقول :

- بوسى انا عايزة اقولك حاجة ، بابى ماسافرش عشان يشتغل زى ما انتى فاكرة

بوسى بقلق أكثر :

- او مال مسافر لية ؟

- مسافر عشان عشان يعمل عملية فى المخ

بوسى والذعر يملئ وجهها :

- عملية ؟ هو بابى كان تعبان ؟
- بابى مكنش عايزك تزعل بقاله سنتين عارف ومخبي عليكى

قالت بصدمة :

- مكنش عايزنى ازعل ، وهو دلوقتى عامل اية ؟

قالت كلمتها الأخيرة وقد نزلت الدموع من عينها

ربتت مربيتها على كتفها وهى تقول :

- هو خرج من العمليات ، بس حالته مش مستقرة ، ادعيله يابنتى ربنا ينجيه

أجهشت بالبكاء ، فأخذتها المربية فى حضنها

شيرى عبر الهاتف :

- ياريت متقولش لبوسى اننا هنتقابل

ليرد تامر من الطرف الآخر :

- هى الحاجة اللى انتى عايزانى فيها متنفعش فى التليفون

- لا خالص بجد يا تامر ، يلا مستنياك ، سلام

لتغلق الخط وهى تبسم بسعادة

لحظات ويأتى تامر وهو يقول فى عجلة من أمره :

- خير ياشيرى فى حاجة ؟

- طيب اعد الاول ، مالك كدة متسريع على اية ؟

فتشير إلى النادل وهى تقول :

- اتنين لمون هنا لوسمحت

ثم تنظر إلى تامر وهى تقول :

- لمون برده مش كدة ؟ انا شايفة انك اكيد هتحتاج للمون

ينظر لها تامر دون أن يرد ، ثم قال ببعض الضيق :

- خير ياشيرى ؟

- كل خير يا تمورة ، انا بس كنت عايزاك تشوف الفيديو دة ؟

قالت تلك الكلمات وهى تمد يدها بهاتفها أمامه

أخذ منها الهاتف بلا مبالاه ، ثم بدأ فى تشغيل الفيديو ، وما إن يبدأ الفيديو حتى يتبين من فيه ، فهو فيديو له هو وتهانى فى منزلها فى الفراش ، يصعق لهول ما يرى وتتسع حدقة عينه

فينظر لها وهو غير مصدق لهذا الفخ الذى نُصب له ، وكيف وقع فيه بإرادته ودون أى مقاومة ؟

نظر لها فوجد على وجهها إبتسامة النصر ، وقالت وهى تمد يدها لتأخذ منه الهاتف :

- طبعاً أنت عارف ان مش دى النسخة الوحيدة اللى معايا للفيلم دة

ليرد وقد هزته الصدمة ولكنه لا يريد أن يجعلها تشعر بذلك :

- واية يعنى ؟ عايزة توريه لبوسى وريهلها طظ

لتستند بظهرها على المقعد وهى تعبت بخصلات شعرها وتقول بلا مبالاه :

- الصراحة فى الأول انا كنت بفكر فى كدة ، وبعدين فكرت أستغله أكثر من كدة

نظرت بعينه وهى تستطرد :

- يعنى مفيش مانع أبداً بتكة ماوس صغيرة يكون الفيديو دة منشور على اليوتيوب ، ويا

سلام بقى لو نبعث منه نسخة للوالد على الفيس ، يااه كدة بقى يبقى فل الفل

نظر لها تامر بغیظ قائلاً :

- طلباتك ؟ وكل نسخ الفيلم دة تكون عندى

لتتسع إبتسامتها وهى تقول :

- ايوه كدة فهمتنى ، بص ياسيدى هو طلب واحد صغير

- مmmmmmmmm

- بوسى

- اشمعنى ؟

- عايزاك تسلمهاالى

- ازاي يعنى ؟

- يعنى عايزاها توصلنى مستوية ، تسكرها بقى ، تديها حباية ، هو انا برده اللى هقولك

تعمل اية ؟

- وانتي عايزانى اعمل فيها كدة ليه ؟

- وانت مالك بقى ، الحكاية دى انت ملكش فيها خالص ، انت تسلمنى وانا اسلمك ، تمام ؟

إبتلع تامر غصته ، ثم قال وهو فى غاية القلق :

- تمام

الفصل الثالث

بوسى بحزن شديد ودموعها تغرق وجهها :

- يعنى بابى مات خلاص يادادة ؟

لتحتضنها مربيتها وهى تقول :

- متعيطيش يا حبيبتي ، دة ربنا رحمه من المرض

- انا مش عارفة هاعيش من غيره ازاي ؟ انا مليش حد فى الدنيا دى غيرك انتى وهو ،

اوعى تسبيني يادادة

- متخافيش يا حبيبتي ، انا عمري ما هسيبك أبداً

فقدت والدها بعد أن كان سندها فى تلك الحياة ، فها هى الآن يتيمة الأم والأب ، تشعر بأنهم

تركوها وحدها فى منتصف الطريق الذى لا تعلم معالمه ، كل ما تشعر به الآن أنها لازالت

تحتفظ بذلك الحزن الدافئ ، حزن مربيتها الحنون

كان يقف ليأخذ العزاء فى عمه بوجه حزين ، يمد يده ويسلم على المعزين بشكل روتينى

وما إن إنتهت تلك المراسم ، ورحلوا جميعاً حتى دخل ليأخذ والدته من الفيلا ويرحل ، فهو لا

يريد أن يحتك بإبنة عمه ذات اللسان السليط والتي لا تقبله بدون مبرر

دخل رآها مثل الطير المجروح وهى جالسة منكسرة بدموعها التى تنزل على وجنتيها ، يا لها من ملاك برئ وهى تجلس هكذا هادئة ، كانت بريئة فى سكونها وحزنها ، دموعها ذكرته بدموعها السابقة

عندما كانت تجلس على درج تلك البناية فى ذلك الحى الشعبى بذلك الفستان الزهري القصير وتلك الشريطة التى تزين نهاية ضفيرتها المنمقة كان ينظر لها فى أسى قائلاً :

- خلاص بقى يا بوسى كفاية عياط ، مبحبش اشوفك بتعيطى
- خلاص يا حسام هنسافر ومش هشوفك تانى

ليجلس بجانبها على الدرج وهو يقول :

- انا كمان زعلان اوى ، بس حاسس ان انتو اكيد مش هتتأخروا وهتيجو بسرعة ، واول ما تنزلوا مصر هنيجي نقابلكم فى المطار ، وهاجبلك معايا العسلية الى انتى بتحبيها

إبتسمت وهى تمسح دموعها بكفها الصغير وهى تقول :

- يارب يا حسام نرجع بسرعة

ليخرج من جيبه تلك التى تسحرها وتجعلها سعيدة قائلاً :

- طيب خدى بقى دى ، واوعى تنسينى

لترد وهى فى غاية السعادة :

- عسلية ، انت طيب اوى يا حسام انا عمري ما هنسالك

وكان هذا آخر لقاء بينهم ، وبعدها سافر والدها بها إلى الخارج ولم يعد إلى مصر إلا بعد خمسة عشر عاماً

خمسة عشر عاماً لم يراها فيهم أبداً لكنه لم ينساها

لم ينسى طفلته الجميلة ذات الضفائر ، لم ينسى ضحكتها ، برائتها ، رقتها

إلى أن أرسل له عمه مرة أخرى بعد أن عادوا وكان يحتاج إليه لكي يدير له أعماله

ولكنه يتذكر أول مرة رأى فيها بوسى كم صُدم لمظهرها المتحرر ، فقد كان متخيل أنه سيرى ذلك الملاك البرئ الذى كان يخلد في ذاكرته

ولكنه وجدها وقد تطبعت بصفات من كبرت وسطهم في ذلك المجتمع الغربى

لم تعد ذلك الملاك الذى كان ينتظره ، أصبحت حادة الطباع ، تفتقر إلى الأدب ، نموذج للفتاة المتفتحة كما يقال عليها بين أناس طبقتها ، ذلك النموذج الذى لا يشرفه أن يكون أحد أقاربه

ومنذ ذلك اليوم لم يعد يفكر بها ، وبدأ يشغل نفسه فقط بعمله وأزالتها من تفكيره نهائياً ، وقد نجح بمهارة في العمل وكسب ثقة عمه رغم حقد وغيره من حوله بالعمل

عاد من عالم ذكرياته على صوت مربية بوسى وهى تقول :

- اتفضل يا بنى

دخل إليهم وسلم عليها بإقتضاب وقام بواجب العزاء ، وإنصرف هو ووالدته

باتت بوسى ليلتها فى أحضان مربيتها ، التى قالت وهى تمسح على شعرها :

- كفاية عياط بقى يابوسى ، العياط مش هيفيد بحاجة ، ادعيله يابنتى ربنا يرحمه ويجعل مثواه الجنة
- ربنا يرحمه يادادة
- يلا يا حبيبتي نامى انتى دلوقتى ياقلبي

تامر :

- يعنى انتى مش عارفة ان ابوها لسة ميت مكملش اسبوع ؟
- عارفة ياسيدى وفيها اية مهمى دى فرصة كويسة انك تقولها تعالى نخرج نغير جو وكدة
- شيرى ، سببى اتكلكها صح عشان متشكش فيا
- ماشى يا تامر ، بس خلى بالك اوعى تلعب بديك كدة ولا كدة
- حاضر يا ستى عرفنا

منصور :

- بس حضرتك لازم تحضر ، دى وصية المرحوم ، ان حضرتك ووالدتك لازم تكونو موجودين ساعة فتح الوصية
- هو عمى كتب الوصية دى امتى ؟
- قبل ما يسافر بأسبوع

- تمام انا هروح اجيب والدتي وهحصلك على بيت عمى

المربية :

- يلا اصحى يا بوسى الناس كلها تحت

بوسى وهى تحاول أن تفتح أعينها :

- ناس مين ؟

- الاستاذ منصور المحامى والاستاذ حسام ابن عمك ووالدته

- اه انا نسيت دة الاستاذ منصور كلمنى امبارح ، طيب انا ثوانى وهنزل

كانوا جميعاً يجلسون بانتظار بوسى ، وتوجهت الأنظار تجاه صوت كعب حذاءها وهى تنزل الدرج ، حتى وصلت وجلست بينهم بعد أن ألقى عليهم التحية ، قال حسام فى نفسه وهو ينظر لها بإشمئزاز : أومال لو مكنتيش حزينه على والدك كنتى لبستى اية ؟ يا خسارة يا بوسى فقد كانت ترتدى فستان من اللون الأسود بالتأكيد حفاظاً على الحداد لكنه كان قصير جداً وبلا أكمام

بدأ الأستاذ منصور قائلاً :

- الأستاذ شكرى الله يرحمه كتب الوصية دى قبل سفره بأسبوع ، وسلمها لى قبل سفره

بيوم وطلب منى انى أوثقها ودة فعلاً حصل ، ولولا كدة مكنتش هقدر أتطلع على

محتواها غير وأنا بقراها معاكو ، وطبعاً وصانى وجود حضرتك يا أستاذ حسام
ووالدتك ساعة فتح الوصية

أما حسام إيماءة خفيفة برأسه ، فتابع منصور قائلاً :

- في البداية في رسالتين هو موصيني اسلمهملكم بنفسى ، واحدة لبننته الأنسة بوسى
إتفضللى

فأخذتها بوسى بإستغراب

فتابع منصور :

- وواحدة للأستاذ حسام إتفضل

أخذها حسام وهو مستغرباً أيضاً

فأكمل منصور ، وقد فتح الوصية وبدأ يقرأ ما بها :

- بسم الله الرحمن الرحيم

الحمد لله رب العالمين والصلاة والسلام على أشرف الأنبياء والمرسلين ، نبينا محمد وعلى
آله وصحبه أجمعين وبعد :

فهذا ما أوصي به أنا الفقير إلى الله / شكرى محمد نور الدين

وأنا في حالتي المعتبرة شرعاً من سلامة عقلي وحسن إدراكي

أوصى بأن تقسم تركتى وهى عبارة عن :

شركة نور الدين للإستيراد والتصدير

مصنع نور الدين للبلاستيك

فيلا تقع بالتجمع الخامس

مناصفةً بين : إبنتي
بوسى شكرى محمد نور الدين
وابن أخى
حسام مجدى محمد نور الدين

كل هذا يتم فقط إذا نفذوا وصيتى ، أما إذا لم ينفذوها خلال شهر من وفاتى سوف
تذهب كل أملاكى إلى الجمعيات الخيرية

نظر الجميع إلى بعضهم فى دهشة ، وظلت أعينهم معلقة بمنصور كى يكمل ، فأكمل بحذر
قائلاً :

- أوصى بأن يتزوج حسام مجدى محمد نور الدين
من إبنتي بوسى شكرى محمد نور الدين
وذلك خلال شهر واحد من بعد وفاتى

لم يستمع أحد لتلك الجملة الأخيرة عندما قامت بوسى صائحة وهى تنظر إلى منصور وحسام
قائلة :

- اه دا انتوا مظبطنها سوى بقى ، وحضرتك يا أستاذ حسام إيه مش مكفيك نص الورث
؟ عايز تاخده كله

ليرد بعصبية :

- اية مظبطها دى ؟ انا معرفش اى حاجة عن الوصية دى غير دلوقتى زى زيك بالظبط
- قالوا للحرامى إحلف

ليستشيط حسام غضباً وهو يقول :

- حرامى ؟ انا مسكت شركة ابوكى وهى بتخسر بقالى خمس سنين تعالى شوفى المكاسب
- بقيت اد اية دلوقتى وفى الاخر تقولى عليا حرامى ؟

ليرد منصور لتهدأتهم :

- يا انسة بوسى الحقيقة الأستاذ حسام فعلاً ميعرفش حاجة عن الوصية دى خالص
- انا الكلام دة ميلزمنيش ، والوصية دى تبلها وتشرب ميتها ، ونص الميراث الأستاذ
- حسام هياخده وميحلمش بأكثر من كدة

ليرد حسام بعصبية أكبر :

- وانا متنازل عن ورثى وكدة كدة هيروح للجمعيات الخيرية ، ومش عايز من وشك
- حاجة ، يلا يا أمى

فتقول والدته :

- استنى بس يا حسام يا بنى ، استهدى بالله
- معلىش يا أمى يلا بعد إذتك ، مش هقدر استنى هنا اكثر من كدة
- ويخرجنا من الفيلا وسط نظرات البُغض من بوسى التى كانت فى قمة ثورتها

فيقول منصور :

- يا انسة بوسى ، وصية المرحوم دين فى رقبتي ولازم أنفذه ، القرار فى الأول والاخر ليكى

ويغادر هو الآخر ليتركها على حافة الهاوية ما بين التنازل عن المال أو عن حريتها

حسام بعصبية :

- انا مش عارف ازاي عمى يعمل كدة ؟ هو فاكر اية يعنى ؟ ولا هو هيشترينى بفلوسه ؟
- مش عايز ورث ، ان شا الله حتى اشحت بس متجوزش المجنونة دى

والدته :

- يابنى إهدى ، ومتعملش فى نفسك كدة محدش عارف الخير فىين
- انا هتجنن ، ازاي تقول عليا حرامى ؟ بقى بعد اللى عملته فى الشركة تقول عليا كدة ؟
- معلش يابنى هى بس كانت فى ساعة غضب
- هى مفكرة نفسها مين ؟ انا اصلا استحالة اتجوز واحدة زيها

بوسى بغيظ :

- ازاي بابا يعمل كدة ؟ هو انا خلاص بايرة وبيدلى على عريس ؟ وبعدين اية حسام دة
- كمان دة دمه يلطش وسمج

لترد مربيتها :

- يعنى ناوية تعملى اية ؟
- قانوناً انا من حقى انى اورثه

- بس دة لو مكانش فى شرط فى الوصية
- بس احنا ممكن نعتبرها مش موجودة ونراضى منصور دة بقرشين وخلص ، وأظن كفاية على حسام اوى النص هيعوز اية تانى ؟
- طيب ووصية المرحوم مش هتنفذها ؟

لترد بوسى بأسى :

- خلاص نشحت بقى وندى كل الفلوس للجمعيات الخيرية وهمت بالبكاء ، فإحتضنتها مربيتها وهى تقول :
- سبها على ربنا يا حبيبتي وهو هيدبرها بأمره

يرن هاتف حسام فينظر له بتملل دون أن يرد ، فتقول والدته :

- الشغل برده ؟

فيومئ برأسه بإيجاب دون أن يرد

فتسطرده قائلة :

- انت مش ناوى تروح برده ؟
- واروح ليه الشركة خلاص اخر الشهر هتتباع وفلوسها هتروح للجمعيات الخيرية

ثم إبتسم بجانب فمه قائلاً :

- وبعدين انا حرامى ، خليم بقى يدوروها من غيرى
- يا بنى حرام عليك دة مال عمك هتسيبه للغرب ينهبوه

- خلاص ياماما مبقاش مال عمى ولا حتى مال الورثة
- بس انا عمري ما تعودت عليك كدة ، حسام ابني بيواجه مشاكله مش بيهرب منها
- مشكلتي انا هواجها يا امى وهنزل ادور بكرة على شغل فى اى مكان تانى
- طيب وبنت عمك ؟ هتتخلى عنها هتسيبها للغرب ينهشوها ، يعنى عمك مش مأمّن عليها مع حد غيرك وانت بتتخلى عنها وتسيبها

قال ببعض التوتر لشعوره بحقيقة ما تقوله والدته :

- عمى عرض علينا عرض واحنا اخترنا
 - وتفتكر هو كان يتمنى انه يحرم بنته من الميراث ؟
- لم يرد ، فقط أخرج تنهيدة حارة من صدره تنم عما بداخله
- لتباغته والدته بسؤال :

- قرئت الجواب اللى كتبهولك ؟

نظر لها وكأنه تذكر أمره لتوه :

- لا مقرتهوش

لتربت على كتفه قائلة :

- اقراه يابنى ، يمكن تلاقى فيه اللى يريح قلبك

وتتركه لحاله ليتخبط بين مشاعره المتناقضة

كانت تمسك ذلك المظروف بقلب يخفق وهي جالسة في فراشها ، فتحتته وهي تشتتم رائحة والدها به ، نزلت عبرة منها تعبر طريقها على وجنتها وهي لا تعرف أى معلم واضح لشكل حياتها القادمة

فتحت الرسالة وبدأت تقرأ ما بها

أنا عارف إنك أكيد دلوقتى مستغرب أنا ليه عملت كدة

إنت ممكن متحسش باللى أنا حاسس بيه لإنك عمرك ما كنت أب

أنا عارف إنى دلعتها زيادة عن اللزوم ، بس موت أمها أثر فيا أوى ، لما كنت بشوفها فى المدرسة وسط أصحابها وكلهم معاهم أمهاتهم كان قلبى بيتقطع عليها ، وهى واقفة تدور عليها ومش لاقياها ، لما جت سألتنى مرة : ليه ماما مش راضية تجيلى ؟

حسيت ساعتها بنار بتقيد جوايا ولسانى عاجز عن الرد

عارف إنى ربته غلط وعمرى ما قتلها لا على حاجة ، كنت فاكر إنى كدة بعوضها عن حنان أمها اللى إتحرمت منه

انا عارف انك ممكن تكون زعلان منى ، بس هى بجد محتجالك دلوقتى جميعا ، انا عارف كويس إنك هتنفذ وصيتى ولو على رقبتهك لأنك راجل ، لكن عملت كدة عشان عارف دماغها الناشفة

خلى بالك منها واوعى تتخلى عنها

هى اه مدلعة بس طيبة صدقنى

دى وصيتى ليك يابنى اوعى تسبها مهما حصل ما بينكم

أنزل تلك الرسالة وهو ينظر أمامه بوجوم ، لا يعلم كيف سيحقق تلك الوصية التي أصبحت دين برقبته ووجب عليه أن يسدده

بوسى وهى تبكى :

- مش فاهمة يادادة حاجة ، حتى لو بابى كان شايف ان مصلحتى بجوازى من حسام ، ازاي يفرض عليا رأيه كدة ؟ كل اللى قاله فى الجواب متزعليش منى وانا عملت كدة لمصلحتك ، هى فين مصلحتى دى وانا بتجوز من واحد مبقبلوش ؟

لتحتضنها مربيتها وهى تقول :

- مش يمكن لما تعرفيه تقبلية
- هو بابى يعنى ادانى فرصة اعرفه ما يا اما نتجوز قبل ما يعدى شهر يا اما مفيش ورث ، وبعدين ازاي هتجوز واحد ما بجهوش ؟
- متعيطيش يا حبيبتي كفاية ، ربنا وحده اللى عالم الخير فين

ثم تتركها مربيتها لتنام وهى تشعر أنها تقف على أرض متحركة ، لا تعلم متى ستقع ؟

ليخرجها من أفكارها المختلطة هذه صوت هاتفها معلن عن وصول رسالة ، فتفتحتها وهى تبتمس لرؤيتها لإسم المرسل

تامر :



وحشتينى اوى يا حياتى
الدنيا من غيرك وحشة اوى
نفسى ترجعى تنورى دنيكى من تانى
فتحتضن الهاتف بسعادة وهى تشعر بالحب

الفصل الرابع

لم ينم حسام ليلته وظل يفكر فيما سوف يفعله ؟ كيف له أن يحافظ على تنفيذ وصية عمه مع المحافظة على كرامته ؟

وإذا تمت تلك الزيجة كيف سيتعامل مع تلك القطة المدللة التي تركها له عمه ؟ وما قد أصبحت مسئولة منه الآن وليس له أى إختيار

لم يعد يقدر على الرجوع ، فقد وضعها عمه فى طريقه وحدها دون سند يحميها من غدر الزمن

فى الصباح قرر أن يذهب لها ويتحدث معها فيما قرأه فى رسالة والدها

ولكن كيف يرجع ويتحدث معها بعد ما أهانته ؟

كاد أن يجن من التفكير فى هذا الأمر

بوسى بدهشة :

- وهو جاى عايز اية ؟
- ودة كلام برده يابنتى يعنى هقوله اية اللى جابك ؟
- طيب يادادة انا نازلة اشوفه عايز اية ؟

كان يجلس في إنتظارها في قمة توتره ، وكان يلوم نفسه ألف مرة على مجيئه مرة أخرى إليها
 سمع صوت قدومها تلك القرعات المستفزة لكعب حذاءها الذي يقرع على الأرض بلا هواده
 نظرت له دون أن تتحدث ، ثم جلست أمامه بترفع ونظرة متكبرة وهي تضع قدماً فوق أخرى في
 تعالى ، ثم قالت :

- خير ؟

كان ينظر لها وهو يحاول أن لا يفقد أعصابه ، ثم قال بطريقة جادة :

- قريتي الرسالة اللى سابهالك عمى ؟

- انت جاي مخصوص عشان كدة ؟ اطمئن قريتها

- انا مش جاي عشان كدة وبس

قام ووضع على الطاولة أمامها رسالة عمه إليه وهو يقول لها :

- انا قررت أنفذ وصية عمى

وتركها ورحل

كانت في قمة دهشتها ، مدت يدها لتفتح تلك الرسالة ، لتنزل دموعها لما شعرته من خوف

والدها عليها من خلال كلماته التى تركها لحسام داخل الرسالة

طوت الرسالة وهي تزرف دموعها ، لا تعلم كيف ستتقبل ذلك الرجل الغريب الذى نُج به إليها

لكى يصبح زوجاً لها ؟

ذهب إلى عمله بالشركة بعد غياب أسبوع ، إستقبل بحفاوة من العاملين معه مع بعض
البسمات الخداعة التي أحياناً تحمل معها حقداً لما وصل له ، ولما سيصل له بعد زواجه من
ولية العهد ابنة عمه

قررت أن تخرج من تلك الدوامة التي لا تستطيع أن تبتعد عنها ، فكرت أن تذهب إلى النادي
لترى أصدقاءها الذين تفتقدهم كثيراً ، كما إنها قد إفتقدت تامر كثيراً
ذهبت إلى النادي وقابلتهم ، وسعدوا جميعاً برجوعها إليهم مرة أخرى ، وخاصةً شيرى التي
علمت أن خططها سوف تُنفذ قريباً

قالت مربية بوسى عبر الهاتف :

- ايوة لسة خارجة دلوقتي ، وأول ما خرجت اتصلت أبلغك زى ما قلتلى
- طيب مقالتكيش راحة فين ؟
- رايحة النادي
- طيب يادادة ، زى ما اتفقنا بوسى متعرفش اى حاجة عن إتفاقنا دة
- تمام خلاص اكيد متقلقش

أغلق حسام الهاتف ، وإنطلق مسرعاً وسط زهول العاملين بالشركة لتركه عمله في منتصف
اليوم بعد أن كان يداوم إلى بعد ساعات العمل بكثير
ركب سيارته متوجهاً ، إلى النادي

ظل يبحث عنها إلى أن وجدها برفقة بعض من الفتيان والفتيات

فضّل أن يجلس بعيداً يراقبها

بدأت أشعة الشمس في الإنسحاب من على الأرض وبدأت التموجات الزرقاء الداكنة في السماء في إسدال ستارها على الكون

كان حسام قد مل من جلسته وهو يراقبها وهي تضاحك هذا وتصافح ذلك وكان مستغرباً لذلك الشخص التي كانت جالسة ملصقة به طوال الوقت بدأوا يتحركوا ، فتمتم وهو يأخذ أشياءه من فوق الطاولة لهم بالرحيل :

- الحمد لله

ركبوا السيارات ولاحظ أنها تركت سيارتها وإستقلت سيارة ذلك الشخص نفسه الذي كان ملازماً لها طوال الوقت

قال في نفسه وهو يراقب ما يحدث من بعيد قبل أن يركب سيارته هو الآخر :

- إية يا بوسى ناوية تعزميه على العشا عندكوا ولا اية ؟

ركب سيارته وإنطلق خلفهم وهو يزفر بشدة قائلاً :

- ماشى ، اما نشوف آخرتها يا بوسى

لاحظ أنهم لم يسلكو طريق العودة إلى المنزل ، وأخيراً إستقر بهم المطاف إلى تلك البناية التي تعج بالأضواء خارجها ويقف على بابها رجلين أشبه ببوابة منزلهم

دلفوا جميعاً إلى الداخل في مرح ، كان ينظر إليهم حينما قال :

- والله عال ياست بوسى من النادى للديسكو ومن الديسكو للنادى ، شئ عظيم

أغلق باب سيارته بعنف وهو خارجها ، كأنه يفرغ شحنة الغضب التي بداخله ، ودلف هو أيضاً داخل هذا المكان الذى لم تتطأه قدماه من قبل

كان المكان مظلم مع بعض الأضواء التي تتراقص في ميوعة ، وذلك الصخب الذى يصم الآذان من موسيقى سريعة ، يتراقص عليها البعض بطريقة هستيرية

جلس بمنأى عنهم لكنه يراهم جيداً ، جلس يتابع ما يحدث في ضجر وهو يمسك أعصابه

حاول إرجاع نفسه كثيراً عن أن يقوم من مكانه ويجذبها من شعرها خارج هذا المستنقع ليعيدها إلى منزلها ، ولكنه فضل ألا تكون هذه هي البداية بينهم ، فهو يعلم أنها لم تعتاد تلك المعاملة حتى من والدها الذى أفسدها بدلاله ، زفر وهو يقول :

- ربنا يرحمك ياعمى ، تدلعيها انت والبسها انا ، يلا اهي دى بقى هتبقى تخليص لذنوبى

كادت أسنانه أن تطحن من كثرة جزه عليها وهو يضغط على أعصابه وهو يراها تتمايل راقصة بين يدي هذا الشاب التافهة

أخذ يهدئ نفسه قائلاً :

- إتقل ، وإهدى كدة أبوس ايدك متبوظش الدنيا

أخيراً بعدما تجاوزت الساعة الثانية صباحاً قرروا الرحيل

أخذاً نفساً عميقاً وكأنه كان في حرب ضارية بينه وبين أعصابه الثائرة ، وهم بالرحيل خلفهم

كاد يجن من تصرفاتها الطائشة ، كان يحدث نفسه كالمجانين وهو يقود سيارته خلف سيارتهم وهو يرى تامر يقود السيارة وهي مستندة برأسها على كتفه طوال الطريق :

- ناويين تروحوا فين يا أمامير ؟ لسة سهرتكم مخلصتتش ؟ ولا ناويين إستغفر الله العظيم تحترموا نفسكم تروحوا على بيوتكم

أخيراً بعد يوم كامل من التسكع قررت العودة إلى المنزل ، كان حسام خلفهم بالسيارة حين أوقف تامر السيارة أمام منزلها ، وهي لم تنزل بعد

رآه حسام وهو يقترب منها كأنه سوف يقبلها ، قفز حسام من سيارته وهو يقول :

- لا مبدهاش بقى ، دة إية النيلة اللى أنا هتجوزها دى ؟

توجه مسرعاً إلى سيارة تامر وفتح الباب بجانب بوسى ، ففزعت لفعلته ، وكادت أن تصيح به لولا أنه أمسكها من ذراعها ونزعها نزعاً خارج السيارة بحركة مفاجأة وسط ذهول تامر

صاحت به وهي تحاول نزع ذراعها من يده القابضة عليها :

- سيبنى يامتخلف ، اية اللى انت بتعمله دة ؟

ولكنه لم يرعها أى إهتمام ، بل إنه يكاد يكون لم يسمعها ، وأخذ يصفع سقف سيارة تامر بيده الأخرى وهو يصيح :

- يلا يا حبيبي من هنا

إنطلق تامر وهو فى قمة ذهوله ، أما حسام فبدأ يدفع بوسى إلى الداخل وهو غير مبالي بما تثرثر به ولا بمحاولتها لأن تنزع ذراعها من يده

هرعت مربيتها على صوتها العالى فإتجهت إليهم لكي تستفهم ما يحدث حينها صاح حسام أخيراً بها وهو يترك ذراعها بدفعة خفيفة :

- إنتى كمان ليكى عين تعلق صوتك ؟

مسكت ذراعها متألمة وقد طبعت عليه أثار أنامل حسام بشكل مؤذى وهى تقول :

- انت مالك ومالى ، وازاى أصلاً تعمل كدة ؟

- واضح انك مخدتيش بالك من اللى انا قلتها لك الصبح

- لا خدت بالى ، انت قلت انك هتنفذ وصيت عمك وانا كمان موافقة ، واخر الشهر

هنتبرع بفلوسنا للجمعيات الخيرية

رد بتحدى قائلاً :

- اوكى تمام ، بس دة برده مش هيلغى اللى وصانى بيه عمى ، انى مسئول عنك حتى لو

مش هتجوزك

نظرت إليه بغيظ وهى تقول :

- يعنى اية ؟ هو انا مش مخلص منك ابدأ؟

عقد يديه أمام صدره ونظر لها بانتصار قائلاً :

- عليكى نور ، انتى من هنا ورايح مسئولة منى ، ومفيش أى تصرف تعمليه غير لما

ترجعيلى

قالت وهى تهتم بالصعود إلى غرفتها :

- دة فى أحلامك

- جربي كدة ، وشوفي هيصصل اية ؟

لم ترد عليه وهمت بالإنصراف وهي تضغط على أسنانها من الغيظ

فإستطرد قائلاً بصرامة :

- الواد الملق اللى كان برة دة مشفكيش معاه تانى

إستدارت والشرر يتطاير من عينها وهي تقول :

- انت زودتها اوى ، تامر دة يعتبر خطيبي وقريب اوى هنتجوز

- تمام ، لغاية بقى ما يحى يطلبك منى وانا اوافق ، مشفكيش معاه تانى

قالت بحروف متلعثمة من صدمتها لما تسمع :

- انت اية اللى بتقوله دة ؟ انت فاكر نفسك ولى أمرى ؟

- ايوة ، فعلا أنا ولى أمرك ، ودى وصية عمى

هم بالرحيل حتى ينهى هذة المناقشة السخيفة ، وعند الباب إستدار بجسده وهو يقول :

- مفيش خروج من غير اذنى خليكى فاكرة ، وعلى فكرة أنا زعلى وحش ، وأنصحك

متحاوليش تزعلينى

وتركها ورحل وهي فى قمة غضبها وكأنها كالبركان الذى حركه هو بكلماته التى أسقطها علي

مسامعها ، فما إن غادر حتى بدأت بالصراخ وهي تكسر كل ما يقابلها ، وبدأت مربيتها فى

محاولات لتهديتها

حتى أقنعتها بأخذ حماماً دافئاً لتهديتها

خرجت من الحمام ، وإستكانت في فراشها كاملاك ، من يرها في هذا الوضع لم يعرف أنها من كانت نائرة منذ لحظات ، لم تحاول التفكير بشئ فقد غلبها النعاس من تعبها طوال النهار وإجهادها العصبى بعد ما تلقتة من حديث حسام

جلست مربيتها بجانبها وعلى وجهها إبتسامة رضا وهى تقول في نفسها :

- الحمد لله ، أهو أنا دلوقتى بس مش خايفة عليكى يا حبيبتي

وبدأت تدعو ربهما أن يهدى بوسى ويتم زواجها بحسام

كان حسام يشعر بالضيق ، فهو لم يكن يريد أن يبدأ معها أول صدام بهذا الشكل

ولكنه برر فعله بأنها هى من دفعته لهذا بتصرفتها المبالغة فى الإستهتار

أنب نفسه كثيراً أنه تعامل معاها بهذه الخشونة وهو لم يتعود على هذه المعاملة مع أحد خصوصاً لو كانت من الجنس اللطيف

تذكر شكل ذراعها المتأذى من أثر يده عليه ، إبتسم وهو يقول فى نفسه :

- اداية رقيقة يا بوسى ، بس تستاهلى

قال أحمد بغضب :

- يعنى هتجوزه بالعافية ؟ ازاي ابوها يعمل فيها كدة ؟

ليرد حسين والده :

- واحنا مالنا يابنى ، بس بصراحة البت دى متستاهلش غير واحد زى الأستاذ حسام هو اللى هيعرف يشكمها
- ازاي بس انت مشفتش كان بيتعامل معاها ازاي لما خرجها من عربية اللى اسمه تامر دة ، دة أنا سامعها قعدت تصرخ يجى ساعتين بعد ما هو مشى
- يلا خليه يأديها ، يمكن يكون دة فى مصلحتها محدش عارف الخير فين ولا هي حتى عارفة مصلحتها فين

نظر أمامه بعيون ماكرة وهو يقول فى نفسه :

- انا بقى عارف مصلحتها فين

الفصل الخامس

شيري بتأفف :

- يعنى اية بقى ؟

تامر وهو يضرب على المنضدة بيده :

- بقولك ابن عمها زعقلها وشدها من العربية ، اية يعنى كنتى عايزانى اقف قودامه

بصفتى اية ؟ صاحب الهانم

- انا مقلتش انك تقف قودامه ، بس انت يعنى مكلمتهاش تانى بعدها

- موبيلها مقفول من ساعتها

- وبعدين ، كدة مش هنقدر ننفذ اللى اتفقنا عليه

- انا عملت اللى عليا وكنت ناوى اسلمها لك ، بس مش بايدي ، يعنى هعمل اية ؟ ادينى

بقى حاجتى اللى معاكى وقفلى على الموضوع دة

نظرت له نظرة سخرية وهى تقول :

- يا سلام ، بسهولة كدة ؟

ثم نظرت بتحدى أمامها وهى تقول :

- وحياتك انت انا هفضل ورا الموضوع دة لغاية ما يتم ، اما نشوف بقى يا انا يا هي

- انتى بس لو تفهمينى اية اللى وراكى كنت ريحتك

- ربح نفسك انت بس وشوف هتعمل اية مع حسام الى طلعلنا في البخت دة

ضحك تامر بصوت عالي

نظرت له مستغربة وهى تقول :

- بتضحك اوى كدة على اية ؟

أسند مرفقيه على المنضدة أمامه وهو ينظر بعينها قائلاً :

- تعرفى انى كنت فاكرك بتحبيها بصحيح ، بس طلعتى بتعرفى تمثلى كويس

قالت وهى تضع نظارتها الشمسية على عينها وتهتم بالرحيل :

- وانا كمان كنت فاكراك بتحبيها

إتجهت ناحيته ورتبت على كتفه قائلة :

- فكر كويس هتعمل اية ؟ وخليك فاكر ان روحك فى ايدى

ثم غادرت بخيلاء وهى غير مكترثة له وهو ينظر إليها بغل قائلاً :

- ماشى يا شيرى ، صبرك عليا

لم تخرج من غرفتها ظلت ماكثة بها طوال اليوم ، لم تكن تريد أن ترى أى أحد ، وأغلقت

هااتفها فهمى لا تريد أن تتحدث إلى أى شخص أيضاً

فقد تصارعت المشاعر داخلها ، ولكن أكثر ما كانت تشعر به هو الغضب

سمعت طرقات على باب غرفتها قالت وهى متوسدة فراشها :

- ايوة يادادة

فتحت المربية الباب ، وهي تقول :

- وكمان قاعدة في الضلمة ؟ ليه كدة يا حبيبتي ؟

أشعلت الضوء وهي تستطرد :

- انا مكنتش اعرف ان زعلك وحش اوى كدة ؟

لم ترد بوسى ، ظلت صامتة تنظر أمامها في وجوم

ذهبت المربية وجلست بجانبها وهي تمسح على شعرها قائلة :

- بقى هي دى بوسى بنتى اللى مبتخليش حاجة تأثر عليها ابداً

- متخافيش يادادة ، انا مش في دماغى اللى اسمه حسام دة اساساً ، انا بس مخنوقة

شوية ، وحاسة ان بابى وحشنى اوى

لتحتضنها مربيتهما وهي تقول :

- يا حبيبتي يابنتى ، دة ربنا رحمه من المرض المفروض تفرحيله إنه معادش بيتألم

مسحت عبرة هربت من عينها وهي تقول :

- الله يرحمه

أرسلتها المربية وهي تقول بوجه باسم :

- يلا بقى تعالى نعد في الجينية شوية ، دة أنا عملاك أم على اللى انتى بتحبيها

لتبتسم بوسى وهي تقول :

- يا حبيبتي يادادة ربنا يخليكي ليا ، تمام انا هغير هدومي وننزل نعد في الجنينة

شيري وهي تعتدل في الفراش وتعدل من ملابسها بتأفف وهي تقول للجالس بجانبها على الفراش بصدرة العارى :

- هي لدرجادي شغلاك ؟ انت حتى مش مركز معايا خالص

لينظر لها ياسر شذراً بعد أن أشعل سيجارته قائلاً :

- هو انتى مبتتعيش من الكلام دة ياشيري ؟

إقترب منه واضعة يدها على صدره وهي تقول بدلال :

- عشان بحبك ، ووافقك بس على الموضوع دة عشان أرضيك ، انت عارف انى مقدرش اشوف حبيبي نفسه في حاجة وما جهلوش

ليقوم من جانبها وهو ينظر من زجاج النافذة وهو يقول :

- وهي فين الحاجة دى ؟ انتى بقالك اد اية قايلالى انك هتجيبها ، ومفيش حاجة جت

لتنجيه له وهي تحتضنه من ظهره قائلة :

- معلش يا حبيبي ، انت عارف الظروف اللى مرت بيها ، وموت باباها

ليصبح بها وقد إستدار ليصبح في مواجهتها :

- وأنا مالى بطروفها ؟ هو حد قالك انى هفتحلها ملف في الشئون الإجتماعية ؟

لتنتمس وجهه بدلال قائلة :

- خلاص يا حبيبي متعصبش نفسك ، انا هجيبالك قريب أوى

فينزع يدها عن وجهه وهو يتجه إلى الحمام قائلاً :

- إما نشوف

فوقفت هى تنظر من النافذة وسقطت من عينها عبرة تعبر عن ما بداخلها من نار

كان يتابعها من غرفته وهى جالسة فى الحديقة ، كان منظرها فى وسط تلك الخضرة والزهور
المتفتحة كاللوحه الفنية التى خرجت من يد فنان مبدع ، كان شعرها يتطاير فى الهواء ويخفق
معه قلبه ، أغمض عينيه فى نشوة وهو يتخيل أنها بين أحضانها ، يتنفس عيبرها ، ويشعر
بدقات قلبها

أفاق من أحلامه على صوت والده وهو يقول :

- الأستاذ حسام إتصل بيا يا احمد وقالى أروح أجيب عربية الأنسة بوسى من عند
النادى

- لا خليك انت يا بابا ، هروح انا اجيها

- ماشى يا بنى ربنا يكرمك

ذهب فرحاً فهو يريد أن ينعم بنفحة من ذلك المكان الذى يحمل رائحتها

جلس داخل سيارتها وهو مبتسم ، فهو يجلس على المقعد الذى جلست عليه ، ويمسك المقود
الذى عانقته أناملها

كان في قمة سعادته ، شده الفضول إلى أن يعبث في تلك الأشياء التي كانت تحتفظ بها داخل السيارة ، وجد عطرها الساحر فابتسم لرؤيته وبخ منه في الهواء وبدأ يستنشقه في سعادة ، ووجد بعض من صورها فاحتفظ بواحدة بجيبه بعد أن طبع عليها قبلة، وانطلق بعدها إليها ليسلمها مفاتيح سيارتها

حسام عبر الهاتف :

- ايوة يادادة ازيك ؟
- أنا الحمد لله يابني ، بس بصراحة مش عارفة اقولك اية ، اصل صاحبة بوسى جت خدتها ونزلوا
- ماشى يادادة دى حاجة انا كنت متوقعها ، اللى زى بوسى إستحالة هتقبل أوامرى كدة بسهولة ، تمام يا دادة انا عارف هي هتكون فين دلوقتي ، شكرا يادادة
- الشكر لله يابني ، بس ربنا يكرمك براحة عليها

ليضحك حسام وهو يقول :

- متخافيش عليها يادادة مش هكلها
- لا مش قصدى يابني ، ربنا يصلحك الاحوال ويوفقك
- يسلاااا على الدعوتين الحلوين دول ، ربنا يخليكى لينا ياست الكل

كانت تراقبها وهي تتراقص سعيدة بين يدي تامر بعيون يملؤها الحقد

كانت تقول في نفسها :

- كلمهم بيحبوها هي ، هي وبس ، تامر سابني وراحلها ، حتى ياسر حب عمري وأغلى ما في حياتي ما بيتمناش غيرها ، ماشي يا ياسر اما نشوف لما تاخذ غرضك منها هتفوقلي ولا برده هتفضل سحراك ؟ نفسي تنتهي من الوجود يا بوسي ، اشمعني انتي كلمهم بيحبوكي ؟

إنتهت على صوت ياسر وهو يقول :

- خير ، العروسة وصلت لغاية فين ؟

نظرت له وهي تحاول أن تخفى حزنها :

- جيت في وقتك ، لسة مبلبعة حبيتين تمام حالاً ، وجاية نفسها مفتوحة على الشرب

ليريت ياسر على كتفها قائلاً بإبتسامة ماكرة :

- تمام ، هایل ياشيري

فتقترب منه بجسدها قائلة :

- عايزة ارقص ، ممكن ترقص معايا ؟

- اكيد يا حبيبتي اكيد ، النهاردة لو طلبتي عنيا ادهالك

كانت ترقص بين يديه كالطائر الذي يرفرف بجناحيه وهو يحتضر بعد إصابته في مقتل ، وهي ترى عيناه لم تنزل عن بوسي وهو يأكلها بنظرات الشهوة غير مبالي بمن بين يديه ، كانت تود لو إستدارت وهجمت على بوسي وإنهالت عليها بالضرب حتى الموت ، فهذا هو حبيبها ، ولها وحدها وليس من السهل عليها أن تتخيلها في أحضانه ولا أن تستثيغ تلك النظرات التي تراها في عينه الآن

إبتلعت غصتها بمرارة وهي تقول له :

- بحبك أوى

إنته لصوتها وإبتسم لها إبتسامة ودودة وهو يقول :

- وانا كمان بحبك أوى يا روحى

وإحتضنها وهو لا يزال ينظر لبوسى بوجه مبتسم وهو يرسم بخياله ما سوف يحدث بينهما بعد قليل ، أما شيرى فأغمضت عينها بألم وسقطت من عينها عبرة بللت ملابسه دون أن يشعر

كان ينام فى فراشه ليلاً ، نظر إلى والده فوجدته فى فراشه يغط فى سبات عميق ، فأخرج صورتها من تحت وسادته وأخذ ينظر لها بوجه مبتسم ، بدأ يتحسسها ، شعرها الطويل المنسدل على كتفها كالحرير ، وجهها الجميل ، وجنتها الورديتين ، شفتاها الكرزيتين ، وهو يقول :

- مش هتبقى لحد غيرى يا بوسى ، يا اغلى ما فى حياتى

ثم قبلها ونام وهو محتضنها فى يده

وصل حسام إلى ذلك المكان الذى كان به بالأمس ليلاً يراقب بوسى ، فهو يعلم أنها بالتأكد هنا الآن

كان ينوى هذه المرة أن يدخل وينتزعها من هذا المكان ويضعها في بيتها حتى لو كلفه الأمر ضربها وحبسها بالمنزل ، فهي غير مبالية له وغير مقدره لما يفعله من أجلها ، وحتى يحافظ على سمعتها حتى وإن لم تصبح زوجته فهي أيضاً ابنة عمه

كان يخرج من السيارة حين رآها تخرج برفقة تامر وهي تستند عليه ويظهر عليها أثر السكر ، هم للحاق بها ولكنهم ركبوا السيارة بسرعة وإنطلقوا ، فرجع بسرعة إلى سيارته وإنطلق خلفهم

كان محافظ على مسافة مناسبة بينهم هذه المرة حتى لا يراه تامر ويعرفه وخاصة أنه لاحظ أنه لا يسير في طريق المنزل

كان قلبه يدق سريعاً خوفاً على بوسى ، فقد هاله منظرها وهي شبه فاقدة الوعي

كان يضرب على المقود أمامه من فرط عصبيته منها ، فكيف تسمح لنفسها أن تصل إلى تلك المرحلة من السكر ؟

ألهدا الحد كانت فاقدة للتربية ؟ أم هو الدلال المفرط هو من فعل هذا بها ؟

بدأ يهدئ من نفسه حتى يستطيع أن يحسن التصرف ، وهو يتمتم :

- الله يرحمك يا عمى ، شركتك تبوظ تبعتى ، بنتك تبوظ تبعتى ، هو كان حد قالك

عليا ميكانيكى ؟

دخل تامر بسيارته منطقة سكنية وركن السيارة أمام بناية ، وركن حسام أيضاً على الطرف الآخر من الشارع وهبط من سيارته مسرعاً وهو يرى تامر وهو بهم بحمل بوسى ليصعد بها إلى تلك البناية

كان تامر غير منتبه حينما باغته حسام بلكمة قوية على وجه وهو يقول :

- واخذها ورايح بيها على فين ؟

حاول تامر أن يسد الضربة في حين منعه حسام بأن أمسك ذراعه قبل أن يحاول ودفعه بلكمة من يده الأخرى أسقطته على الأرض ، لم يكد تامر أن يفيق من الصدمة حتى حمل حسام بوسى من السيارة وهي فاقدة الوعي تماماً ، ووضعها في سيارته ، وإنطلق عائداً إلى المنزل وهو في شدة القلق عليها

في حين وصلت شيرى بسيارتها ووجدت تامر يجلس على الأرض وأنفه تنزف ، قالت بخوف :

- اية اللى حصل ؟ وفين بوسى ؟

إستقام وهو يحاول أن يمسح الدماء من على وجهه قائلاً :

- المتخلف اللى اسمه حسام شكله كان مراقبنا وقبل ما نطلع جه وأخذها

قالت بصدمة :

- نعم ؟ وإنت ازاي ما أخذتش بالك إنه مراقبك ؟

قال بعصبية :

- هو حد قالك انى بشتغل فى المباحث قبل كدة ؟ اهو كان مراقبنا وخلص

- وكمان ليك نفس تهزر ؟

- المهم انا كدة تمام ، أظن عملت اللى عليا ، ومليش دعوة بقى ، ولو مخدتش حاجتى

انتى حرة فى اللى هعمله

قالت وهى تبتلع غصتها لتذكرها ياسر وما سوف يفعله بها :

- طيب أأ... روح انت دلوقتي وبعدين نتكلم

قال وهو يركب سيارته :

- ماشى يا شيرى ، الكلام لسة مخلصش ، اوكى ؟

أماءت برأسها بإيجاب وهى تنظر له فى وجوم ، إنطلق بسيارته أما هى فرفعت نظرها تنظر إلى شرفة غرفتها المضيفة وهى تعلم أن ياسر بها ينتظر فاتنته بوسى ، أخذت تفكر فى ردة فعله لو علم بما حدث

صعدت إلى بيتها وطرقت الباب ، فتح ياسر بلهفة وهو يبتسم

رأته وهو يرتدى إزاره ويضع عطره الخلاب إستعداداً لليلة سيقضيها منتشياً وهو يرتشف رحيق بوسى غريمتها

إبتسم لها وهو يقول :

- الجماعة وصلوا ؟

أماءت برأسها بإيجاب ، فهم ينظر إلى الخارج فأغلقت الباب وهى تقول :

- ومشىوا

نظر إليها والشرر يتطاير من عينه ، ثم قال بحدة :

- نعم ياختى ؟

لم يعطيها فرصة للإجابة ، فأمسك بشعرها المنسدل على ظهرها وهو يصيح بها :

- أنا كنت عارف يا واطية إنك بتشتغليني ، فاكراى مش عارف انتى أد اية بتحقدى عليها ، لكن ودينى ما انا سايبك النهاردة ، بدأت تصيح من الألم وهى تقول :
- والله دى الحقيقة تامر جابها لحد هنا وهى نايمة ، بس ابن عمها كان بيراقبه وجهه وأخذها من تحت البيت
- جذبها من شعرها إلى الغرفة وبدأ يكيل لها الصفعات وهو يقول :
- فاكراى هصدق الفيلم الهندى دة يا بت ؟
- قالت من بين دموعها وهى تحاول أن تخفى وجهها بكفيها بعيداً عن سياط يديه التى تنهال عليها بالضرب :
- والله هو دة اللى حصل ، صدقنى هو دة اللى حصل
- قذفها على الفراش وبدأ فى فك إزاره وهو يقول :
- أنا بقى هوريكى الوش التانى لياسر اللى انتى متعرفهوش

الفصل السادس

كان متوتر جداً وهو يقود السيارة عائداً للمنزل وكان ينظر من وقت لآخر لتلك النائمة بجانبه فاقدة الوعي وتهمهم ببعض الكلمات التي لا يفهمها

وصل إلى المنزل وحملها ودخل بها إلى الداخل وما إن رأته المربية حتى ركضت عليه بفرع لرؤيتها لبوسى بهذه الحالة

قالت وهي تركض وراءه على الدرج :

- هي مالها يا بنى ؟

- مش عارف يادادة ، تقريباً شاربة حاجة

صعقت المربية لمعرفته بذلك ، أما حسام فوضعها في الفراش وهو يحاول أن يجعلها تفيق وهو يصفعها على وجهها برفق وهو يقول :

- بوسى ، فوقى يا بوسى ، بوسى انتى سمعانى ؟

كاد التوتر أن يقتله ، وقف وهو ينظر حوله وقال :

- هاتيلى يادادة اى برفيوم بسرعة

أحضرت المربية زجاجة من عطر بوسى ، فبدأ يبخ بها على يده ويضعها تحت أنفها ، بدأت تلك الرائحة تزعج بوسى فبدأت فى إبعاد رأسها وهي تزوم دون أن تفتح أعينها

تمتم حسام :

- الحمد لله ، حاسة بينا

ثم حملها بيده قائلاً للمربية :

- مش هينفع نسيها كدة ، فين الحمام يادادة ؟

ردت وهي تشير إلى ذلك الباب المغلق داخل غرفة بوسى :

- هنا اهوه ، هتعمل اية ؟

- لازم افوقها

أجلسها على حافة حوض الإستحمام وفتح الصنبور المتحرك ووجهه على رأسها وهو يحيطها

بذراعه حتى تفيق ، ويملى وجهه ملامح الذعر والقلق عليها

شهقت لفعلته ، وبدأت تفيق تدريجياً ، أنزل الصنبور عنها ، وبدأ يزيل شعرها المبتل عن

وجهها وهو يقول :

- بوسى إنتى سمعانى ؟

رفعت رأسها وهي تشعر بثقل كبير برأسها ، فتحت أعينها ببطئ شديد وهي تشعر به يحيطها

بذراعه كالطفلة ، قالت وهي غير مستوعبة لشيء :

- انا فين ؟

تنهد ببعض الراحة وهو يقول :

- حمد الله على السلامة ، وقعتى قلبى

حدقت بوجهه قائلة :

- انت جيت هنا ازاي ؟

نظر لها وهي مبتلة وإلى ملبسه التي إبتلت بعض الشئ ، وقد لاحظ أنه ملتصق بها ، أبعاد نفسه عنها قائلاً ببعض الخجل :

- لا دى حكاية طويلة ، ابقى احكها لك لما تفوقى

ثم نظر إلى مربيتها قائلاً :

- هاتلها يادادة هدموم بدل اللى اتبلت دى

نظرت بوسى إليه فى دهشة ، ثم نظرت إلى المربية قائلة :

- استنى يا دادة متسبنيش

إبتسم وهو يحاول ألا ينظر إليها وهي تحاول أن تنكمش فى ملبسها المبتلة حتى تخفى ما ظهر من جسدها إثر إبتلالها بالماء ، وهو يقول :

- على فكرة لما تعرفى اللى حصل ، هتتأكدى إنى آخر واحد ممكن تخافى منه

ثم أشار للمربية قائلاً بحسم :

- روحى يا دادة ، وانا هفضل هنا معاها لغاية ماتيجى

نفذت المربية ما أمرها به ، أما بوسى فنظرت له بغل وهي تتمنى فى داخلها أن تكون قادرة على أن تقف لتعطية ما يستحقه من توبيخ لتجرؤه عليها إلى هذا الحد

جاءت المربية بيدها ملابس بوسى ، فهم حسام بالخروج من الحمام وهو يقول :

- انا هستناكي تحت يا دادة

حاولت أن تفتح عينها وهي لا تشعر بجسدها من شدة الألم ورأته وهو يصفف شعره وهو
يدندن بأريحية دون أن يشعر بها وهي ملقاه في الفراش أشبه بالجثة يظهر على جسدها آثار
الضرب بعد أن قضت معه لحظات قاسية كانت أشبه بالإغتصاب
حاولت أن ترفع جسدها لتقوم من الفراش ولكنها لم تقوى على ذلك
إستدار ينظر لها وقال بتهكم :

- عشان بعد كدة تبقى تفكري ألف مرة قبل ما تلعبى مع ياسر

وتركها وغادر المنزل ، أما هي فلم تستطيع كبح لجام عبارتها التي إنهمرت منها بشدة وهي تشعر
بالذل والمهانة ، فها هو حبيبها يبطش بها بكل قسوة ويتركها وحيدة تصارع أهاتها

حسام :

- نامت خلاص يا دادة ؟

- اه يابنى نامت الحمد لله

حسام وهو يشير إلى المقعد المقابل له :

- اعدى يا دادة عايز اتكلم معاكي

جلست وهي تبتلع غصتها وهي تعلم ما ينوى التحدث به إليها

قال وهو ينظر لها :

- انتى عارفة كويس يادادة انى من هنا ورايح انا المسئول عن بوسى ، حتى لو متجاوزناش ، فهى مسئولة منى ،
- ابوة يابنى ربنا يحرسك ، انا فرحانة ان بوسى هيبقى ليها سند زيك
- ربنا يخليكى يادادة ، بس انتى عارفة انى لازم اعرف كل حاجة عن بوسى عشان اعرف انا بتعامل مع مين
- اه طبعا يابنى
- انا عارف انك هتساعدينى
- اكيد يابنى ، دة انا بحمد ربنا ان بوسى ربنا هيمديها على ايدك ، بعد ما شكرى بيه الله يرحمه ما دلعها
- تمام ، انا عايز اعرف هى بوسى كانت بترجع البيت سكرانة قبل كدة ؟

قالت بتوتر قليلاً :

- الحقيقة ما كنتش بتعملها غير لما بيكون باباها مسافر ، بس هى والله طيبة وعلى نياتها ، بس هى ملمومة على شلة بايظة
- إبتسم حسام لمحاولات المربية لإصلاح صورة بوسى أمامه ، فرد :
- عارف يادادة ومتقلقيش انا كدة كدة مش هسيبها
- إبتسمت بسعادة وهى تقول :
- الحمد لله ان ربنا وقفها فى طريقك

نظر حسام أمامه وهو يفكر بجملة المربية ، إن الله أراد لهما هذا القدر وضعها أمامه على نفس الطريق ، ويجب عليه أن يكمل الطريق بها ولا يتركها تسقط منه

بوسى بغضب :

- اية الكلام اللى انتى بتقوليه دة يادادة ؟
- يابنتى دة الكلام اللى قاله الاستاذ حسام
- كداب ، استحالة تامر يعمل كدة
- طيب وهو هيكذب ليه ؟
- عشان عايز يوقع بينى وبين تامر ، عشان أرضى اتجوزه
- يا حبيبتي انتى ما شفتيش كان قلقان عليكى ازاي امبارح
- كان قلقان عليا عشان الورث ميضعش منه لو متجوزنيش
- يابنتى إن بعض الظن إثم ، حرام عليكى تتهميه بالباطل
- انا مش مصدقة ان تامر يعمل كدة وانا هثبتلك دلوقتى الحقيقة

أمسكت هاتفها وضغطت على بعض الأزرار لتهاتف تامر ولكنه لم يرد عليها ، أنزلت الهاتف عن أذنها وهى تقول :

- أكيد نايم ولما يصحى هيكلمنى

حسام بعصبية :

- ان شا الله ما عنك صدقتى ، بس اعملى حسابك الواد دة لا يمكن هتتجوزيه ، دة لو
اخر واحد فى العالم مش هجوز هولك

بوسى وهى تقول بغل :

- انا عارفة ان دى خطتك من الاول ، ودة الى انت بترسمله ، مش عايز الورث يضيع
منك

نظر لها بحزن قائلاً :

- واضح انك مصممة على رأيك فىا ، وانا مش هدا فع عن نفسى ، انتى حرة افهمى زى ما
تفهمى ، بس الى انا قلته هيتنفذ بمزاجك او غصب عنك

وتركها وهم بالمغادرة ، فإستوقفته قائلة :

- انا محدش يقدر يغصبنى على حاجة

إستدار وهو ينظر لها بتحدى قائلاً :

- هنشوف

لم يستطيع النوم ، فقد أحزنه ما تظنه به بوسى ، فكيف لها أن تظن هذا به وهو يفعل كل
هذا لأجلها ؟

كان يظن أن المهمة أسهل من هذا ، لقد قال لها أنه لا يهتم بالدفاع عن نفسه لإنها لن
تصدقها مهما قال لها ، ولكنه تأثر كثيراً بتلك الصورة التى رسمتها له ، ذلك القريب الذى
يطمع بابنة عمه اليتيمة ، الذى يريد أن ينهبها ويفر

زفر بحرارة تملئ صدره ، وقام من فراشه ووضع رأسه أسفل صنوبر المياه ليطفئ ما فيها من نار إثر تلك الأفكار التي تتقاذف داخلها كالحمم البركانية

ظلت ببيتها لعدة أيام لا تستطيع مغادرته ، فلا تريد لأحد أن يرى وجهها وعليه أثار الضرب كانت وحيدة تكثر الألم والحزن ، فهي دائماً وحيدة منذ سفر والديها للعمل بالخارج لجنى المال ، ظناً منهما أن الأموال فقط هي ما تحتاجه، وإبتعاد جميع أقاربها عنها متخذين مشاغل الحياة حجة لبعدهم ، وظلت هكذا إلى أن إنقطعت العلاقات تماماً بين من لها داخل بلدها وها هي الآن وحيدة فريسة سهلة للشيطان يسلب إرادتها ويحركها كيف يشاء لتقع في بئر ياسر بكامل إرادتها

كانت تنتظره ، وظنت أنه سوف يأتي ليطمئن عليها ولكنه لم يفعل ، ولم يسأل عليها حتى بمكالمة هاتفية

كان أكثر ما يؤثر عليها هو بعده عنها ، فرغم كل شئ كانت تعشقه وتتمنى رؤيته أخيراً رن هاتفها ، ركضت مسرعة إليه إعتقاداً منها أنه ياسر ، ظهرت ملامح الحزن على وجهها حينما علمت أنه ليس هو وقد كان المتصل بوسى ، لم ترد وقالت في نفسها :

- ياترى عرفتى اية يا بوسى ؟

وهمت بالاتصال بتامر الذى رد مسرعاً :

- اية يا هانم مبترديش عليا ليه ؟ ولا خلاص هتفضلى حاجزة حاجتى عندك ؟

- فيه اية؟ قلتك لما افضى هنتقابل ونتكلم ، المهم دلوقتي انت كلمت بوسى بعد اللى حصل؟
- لا طبعاً ، دى بتتصل بيا طول الوقت وانا مبردش ، اكيد ابن عمها قالها انى كنت مخدرها ومطلعها شقة
- يعنى هى دلوقتي متعرفش ان انا فى الصورة؟
- لا ياستى متخافيش ، المهم بقى خلصيني وهاتى نسخ الفيلىم اللى عندك
- استنى انا هكلمها واعرف اية اللى وصلها بالظبط؟

مد يده بورقة قائلاً لمن يقف أمامه :

- الورقة دى تروح الفيلا تخلى الانسة بوسى تمضى عليها ، وبكرة الصبح توثقها فى الشهر العقارى

نظر إلى الورقة ببعض الإستغراب ثم قال بطريقة روتينية :

- تمام يا استاذ حسام
- حالاً يا منصور تسيب أى شغل فى ايدك وتروح
- حاضر يافندم

شيرى عبر الهاتف :

- ما قلتك مش مصدقاه متخافش
- طيب وانا هبررلها انى مكنتش برد عليها ليه؟

- هو انا الى هقولك برده يا تمورة ؟

- تمام ، خلاص

بعد ما أنهت إتصالها مع تامر ، قامت بالإتصال بنفس الرقم الذى تطلبه من عدة أيام بلا مجيب ، فنظر هو فى الهاتف بتأفف ليرد أخيراً :

- نعم عايزة اية ؟

لترد بصدمة :

- كدة برده يا ياسر هنت عليك ؟ حتى مش عايز ترد عليا ؟

- وانتي بقى متصلة عايزة اية ؟ وحشتك ؟ ولا وحشك الى انا عملته فيكى ؟

نزلت الدموع من عينها دون أن تشعر وهى تقول :

- والله وحشتنى

- طيب اقفلى دلوقتى ولما افضى هكلمك

لم يسمح لها بالرد ، فأنهى الإتصال بعد جملته الأخيرة

وقفت فى المرآه وهى تمسح دموعها ، وتنظر إلى أضعف إنسانة بهذا الكون ، دمىة ياسر التى

يحركها بخيوطه كيفما يشاء ، قالت لنفسها فى المرآه بمرارة :

- نعم أنتِ تلك الماريونت ، أنتِ من يتلاعب بكِ بخيوطه التى يعبث بها ، يحركها يميناً

ويساراً ، وتترنحى معه ولا تستطيعى المقاومة ، يتراقص بكِ كالريشة فى مهب الريح ، أنتِ

دميته

نظرت إلى الورقة بدهشة وهي تنظر إلى الجالس أمامها قائلة :

- هو قالك كدة ؟

ليرد منصور المحامى :

- ايوة يا أنسة بوسى ، واكد عليا انك لازم توقعيها

نظرت إليها مرة أخرى تقرأ ما بها ، ثم ضغطت على بعض الأزرار بهاتفها ورفعته إلى أذنها قائلة
بتهمكم :

- اية اللى انت بعتهولى دة ؟

ليرد بإبتسامة ساخرة :

- ما تخافيش دى مش تمثلية مظبطنها مع بعض ، الورقة اللى فى ايدك عليها إمضتى

وبعد ما تمضى عليها هتتوثق فى الشهر العقارى

- انت عايز تفهمنى انك هتتنازل عن ورتك كدة بسهولة ؟

لنتعالى ضحكاته ، ثم يقول :

- كنت واثق انك مش هتصدقنى ، بس هى دى الحقيقة يا بوسى انا مش همى الفلوس انا

همى أحافظ عليكى يا بنت عمى

كانت تتقلب فى الفراش وهي تعيد على مسامعها ما قاله لها ، فهى غير مصدقة حتى الآن لما
فعله

إذا لم يكن يطمع في المال ، إذاً لماذا يفعل كل هذا ؟ أَلحمايتها حقاً ؟ لماذا ؟ ولماذا يتحمل معاملتها السيئة له ؟ لا تفهم تلك العادات والتقاليد ، أحقاً تلك هي صلة الرحم ؟

لم تستطيع النوم فقد هالتها الأفكار ، وكان لزاماً عليها أن تعرف ما ينوي عليه ؟

إرتدت ملابسها سريعاً ، وخرجت من البيت تقود سيارتها إلى منزله ولم تهتم إلى أن الوقت قد تعدى منتصف الليل

وقفت أسفل البناية وهي لا تعلم هل هي وصلت إلى الوجهة الصحيحة ، فهي لم تأتي لزيارتهم مسبقاً ، فقط تعرف العنوان من خلال ورقة التنازل التي أرسلها لها صباحاً

دقت الباب بحذر وانتظرت قليلاً حتى رآته يفتح الباب وينظر لها بدهشة ممزوجة بخوف لم تعهده من أحد غير والدها ، قال وهو على حالته :

- في حاجة حصلت ؟ انتي كويسة ؟

ردت وهي تنظر له بعمق تريد أن تسبر أغواره :

- ليه عملت كدة ؟

إبتسم بأريحية بعد أن هاله مجيئها في هذا الوقت المتأخر من الليل ، وقال وهو يتنحي جانباً :

- طيب تعالى الاول ، مش عايزة تسلمى على مرات عمك ؟

دخلت وهي محرجة قليلاً وتلوم نفسها على إنها جاءت إليهم في تلك الساعة المتأخرة

بعد أن رحبت بها زوجة عمها وصممت أن تجلس لحين تحضر لهم العشاء
كان يشعر بحيرتها وتخبطها ، فهي لا تعرف لماذا فعل كل هذا ؟ ولماذا مازال يحوطها برعايته
حتى ولو من بعيد ؟

دعاها إلى الشرفة بعد أن قدم إليها مشروب دافئ ، قال وهو ينظر لأعلى بالسماء :

- فاكرة زمان واحنا صغيرين ، لما كنا بنكلم القمر ونتخيل انه بيرد علينا
نظرت لأعلى فرأت البدر مكتملاً ينير السماء بضحكته ، قالت وهي تسترجع تلك اللحظات
قائلة ببعض التأثر :

- كنت فاكرة إن مامى الله يرحمها واقفة هناك وسمعانى وبترد عليا
- الله يرحمها

نظرت له فوجدته ينظر لها بتأثر ، فخفضت رأسها خجلاً ، فقال وهو مبتسم :

- فاكرة لما كنتى بتيجى تستخبي عندنا من باباكي عشان مش عايزة تروحي
إبتسمت بدورها وهي تقول :

- فاكرا لما كنت بتجمع عيال الحطة بتاعتكو كلهم وتلاعبنا بلى ، ولما كان حد بيضايقنى
منهم كنت بتضربه

- فاكرة لما كنتى بتخافى كنتى بتستخبي فين ؟

إبتسمت فى خجل وهي تقول :

- تحت سريرك

- فاكرة لما كنتى بتنامى فى هدومى وانا مش موجود عشان تحسى انى معاكى على طول

- ولما كنت بتشوفنى كدة كنت بتقولى يافطوطة

تعالت ضحكاته ، ثم نظر لها رآها متأثرة قليلاً وهى تقول :

- عملت كدة ليه ؟

نظر لها وهو يقول :

- لسة بعد كل دة مستنية إجابة لسؤالك ؟

لم تستطع الرد ، فقد قاطعهما صوت والدة حسام وهى تقول :

- العشا يا ولاد

قال حسام وهو يقودها إلى مائدة الطعام :

- انتى اكيد نسيتى طعم الأكل اللى بتعمله مرات عمك ، بس انا واثق انك اول ما

هتدوقيه هتفتكريه على طول

كانت تشعر بلذة الألفة التى لم تعهدها من قبل ، ذلك الجو الأسرى الذى تحوطه المشاعر الدافئة التى حرمت منها ، فرغم عدم إبتعادها عن والدها قط ، إلا أنه كان دائماً مشغول ولم تكن تراه إلا وقتاً قليلاً خلال اليوم

أنهوا جلستهم ، وقام حسام بإصطحابها إلى منزلها بسيارته

كان ينظر أمامه وهو يقود السيارة قائلاً :

- ممكن يكون عشان عشتى برة مش هتستوعبى اللى هقوله ، بس احنا ولاد عم ، والدم اللى بيجرى فى عروقنا من اصل واحد

نظر لها وهو يستطرد :

- يعنى انتى منى ، وانا استحالة اكون طمعان فيكى

نظرت إليه قائلة :

- عندك حق انا لحد دلوقتى مش مصدقة ان ممكن حد يعمل كدة ، وأرجو انك

متزعلش منى

- انا مش زعلان

كان قد وصل إلى منزلها ، فاستطرد قائلاً وهو ينظر لها بمرح :

- بس ممنوع بعد كدة تخرجى من البيت لوحده فى وقت متأخر ، وكمان خارجة من غير

إذنى ، يلا سماح المرة دى

نظرت إليه وهى تترجل من السيارة قائلة بابتسامتها الجذابة وسحرها الآخاذ :

- اللعب بعيد يا شاطر

وهمت بالرحيل ، فأوقفها بمثوله أمامها وهو يقول بابتسامته مشاكسة :

- متأكدة ؟

بادلته الإبتسام وهى تقول :

- تصبح على خير

نظر إليها وهي تمشى أمامه بخيلاء ، وهو يتمم بابتسامته التي لم تفارقه :

- وانتى من أهله

الفصل السابع

إعتدل في الفراش وهو يعبث بشعرها قائلاً :

- بس تعرفي شكلك كدة أحلى

وضعت يدها على صدره وهي تنظر في عينه وتقول بعتاب :

- دة بدل ما تقولي متزعليش منى على اللى عملته فيكى

أبعدها وقام من الفراش وهو يقول :

- انتى المفروض تعوضينى عن الليلة اللى انتى بوظتها عليا

- انت لسة مش مصدقنى ؟

- لو عايزانى اصدقك ، اثبتلى ولاءك

- كل دة ولسة ما أثبتش ولائى يا ياسر ؟ دة انا من اول ما عرفتك سلمتلك نفسى

تعالت ضحكاته ، ثم قال وهو يحاول أن يتمالك نفسه من كثرة الضحك :

- دى حاجة رخيصة اوى بالنسبة لك يا شيرى

- رخيصة ؟ هو الشرف بقى رخيص دلوقتى ؟

إقترب منها وبدأ يلتمس وجهها بأنامله وهو يقول باستهجان :

- الشرف ؟ بتهيألى الكلمة دى غريبة عليكى شوية

ثم إتجه إلى خارج الغرفة وهو يقول :

- ياريت متنسيش انى مشربتكيش حاجة صفرة قبل ما أخذ شرفك ، يا شريفة
وتركها وقد شعرت أنها بالفعل رخيصة ، مجرد جسد قد يزهده فى أى وقت ، مجرد رغبة
يأخذها وقتما يشاء

وهى من فعلت ذلك بنفسها ، منحته كل شئ بكل سهولة وبدون أى مقابل

حسين السائق :

- جيبت العربية يا أحمد بتاعت الأنسة بوسى من عند بيت الأستاذ حسام

إحمد بحنق :

- ايوة جبتها

ثم غادر الحديقة إلى الغرفة قائلاً :

- انا داخل انام شوية

كان فى قمة غضبه فيها هى محبوبته ليلة أمس كانت بمنزل حسام ، فقد بدأت تحن له وسوف
تتزوجه قريباً بالتأكيد

وسوف تفشل كل أحلامه فى أن تصبح فقيرة مثله ويستطيع وقتها التقدم لخطبتها

ولكن بعد الآن هو لا يضمن ما سيحدث فهو كان يثق بأن تامر كان سوف يتركها بعد أن تصبح فقيرة ولحظتها لن تجد غيره أمامها فهو يحيا بحق دون أى مطامع فى ثروتها ، هو فقط يريد لها له ، وله هو فقط

ولكن يجب عليه الآن أن يعيد حساباته من جديد ، كي لا تذهب بوسى لسواه

والدة حسام :

- بس بوسى باين عليها طيبة اوى ، يعنى فى الاول كنت فاكرها مغرورة ، بس طلع دمها زى العسل

ليبتسم حسام وهو يقول :

- اية دة بقى ، دة انتى شوية كمان وهتقولى فيها شعر
- انا بقول الحق ، وبعدين اللى بصحيح عايزة اقول فيه شعر هو انت يا حبيبي ،
متتصورش فرحت ببيك اد اية لما رميت كل حاجة وراه ضهرك قصاد كرامتك ، راجل
بصحيح

قام وقبل يدها قائلاً :

- لولا فضلك بعد ربنا مكنتش هبقى الراجل دة

ثم أشار تجاهها بإصبعه وهو يقول فى مرح :

- واديكى اعترفتى اهوه انى راجل ، يعنى مش هسمعك بتقوليلى يا ولد تانى

لتحتضنه والدته وهى تقول :

- ربنا يباركلى فيك يا زينة الرجالة

- تسلميلى يا أمى

وهم بالخروج من المنزل وهو يقول :

- مش عايزة حاجة منى وانا جاى

- عايزة سلامتك يا حبيبي

كانت تشعر بتخبط مشاعرها ، فهمى لا تعلم كيف لها ألا تصدق حسام ولا تأمنه على نفسها ؟
لكنها لا تشعر تجاهه بأى شئ سوى إنه يمثل لها الأمان الذى إفتقدته بوفاة والدها ، كما إنها
تحب تامر

ولكنها الآن تصدق حسام ، ترى أكان تامر حقاً يريد أن يغدر بها ؟

ولكن لما يفعل شئ كهذا ؟ أيريد التهرب من الزواج بها ؟

كادت الأفكار أن تخنقها ، فهمى تشعر أنها تمشى فى الصحراء القاحلة بلا دليل

إبتسمت وهى تتذكر ذلك المصباح المنير فى ظلمة صحراءها (حسام) ، فهمى حقاً تشعر بالأمان

لوجوده فى حياتها ، حتى لو كان دوره فقط مجرد دليل

أخرجها من أفكارها رنين هاتفها ، نظرت به فاذا هو تامر

ردت بحذر :

- الو

- ازيك يا بوسى وحشتيني

- وليك عين تتصل بعد اللى عملته ؟

صدم مما قالته ، فمعلوماته أنها لم تصدق ما قاله لها حسام ، فرد بحروف متلعثمة :

- اية يابوسى الكلام دة يا حبيبتي ؟ انتى فهمتى غلط

- غلط ؟ اممممم طيب ياريت تفهمنى انت الصح ، كنت أخذنى فىن وانا مغمى عليا ؟

- يا حبيبتي انتى تعبتى فجأة وانا خفت عليكى و.....

لتقاطعه قائلة :

- ولما كنت تعبانة مودتنيش المستشفى ليه ؟ او مرجعتنيش البيت ليه ؟ وكنت مودينى فىن اصلا ؟

- يا حبيبتي فى سوء تفاهم فى الموضوع ، وانتى عارفة انى بحبك واستحالة أذيكى

- اوكى يا تامر ياريت تسبنى دلوقتى ، حقيقى مش قادرة اتكلم

- خلاص يا حبيبتي ، براحتك

أغلقت الخط وهى لا تعلم لماذا عاملته بهذه الطريقة ؟ إنها لم تعطيه الفرصة ليبرر ما فعله ، كل ما تعلمه أنها الآن تشعر بالراحة

إرتمت على فراشها وعلى وجهها إبتسامة لم تفارقها منذ أمس

حسام وهو يجلس أمام بوسى فى الفيلا :

- دلوقتى فى شغل كتير مينفعش يتأجل لازم إمضتلك عليه ، ومش هينفع كل شوية

ابعتلك الورق تمضيه وعمى كان عملى توكيل بالادارة ، عشان كدة كنت بعرف أمشى

الشغل

نظر لها وهو يستطرد :

- فانتي دلوقتي لو عايزاني اكمل ادارة الشركة فياريت عمليلى توكيل بالادارة ، اما لو

هتشوفي حد تانى فبراحتك

وضعت قدمها فوق الأخرى وقالت بترفع مصطنع وهى تمنع نفسها من الإبتسام :

- ممممممممم ، والله لسه هفكر

إستقام ووضعت بعض الأوراق أمامها وهو يقول :

- تمام ولغاية بقى ما تفكرى ، انا فى البيت لو احتاجتى حاجة كلمينى

وهم بالرحيل إلا أنه توقف عندما سمع صوتها تقول :

- لسة عصبى وبتتفرز بسرعة زى زمان

إستدار وهو ينظر لها ببعض الدهشة قائلاً :

- انتى عايزة اية ؟ انا مش فاهم

- انا اكيد موافقة اعملك توكيل

عقد يديه أمام صدره وقد فهم مزاحها قائلاً :

- مش قلتي هتفكرى الأول ؟

هزت كتفها وهى تقول :

- خلاص فكرت

إبتسم وهو يرى العند يقفز من عيناها ، و أيقن أن مهمة ترويضها ليست بالمهمة السهلة

- لازم نضرب على الحديد وهو سخن

وقف تامر وهو يرد في عصبية :

- بعيد عنى ، انا خلاص بقيت كارت محروق

نظرت له شيرى بعناد وهى تقول :

- مش باختيارك ، انت لازم تساعدنى ، والمرة دى انا رسماها كويس اوى

- وناوية تعملى اية ؟

قالت بابتسامه :

- هحتفل بعيد ميلادى

نظر لها تامر بسخرية وهو يقول :

- ودة اية علاقته ببوسى ؟

نظرت أمامها بمكر حية وهى تقول :

- المرة دى مش هندستنى نسكرها وبعدين تيجى ، هى هتيجى لوحدها وبارادتها

حرك تامر رأسه بحيرة وهو يقول :

- حقيقى انتى مش سهلة أبداً يا شيرى

أكملت بابتسامه ملعونة :

- وانت بقى يا جميل مهمتك لما تيجى تظبطهاالى ، وبعدين تمشى

- ماشى يا شيرى اما نشوف هتودينا لغاية فين ؟

- هو انتو متفتوش هتعملوا اية ؟

- ما خلاص عملتله توكيل بادارة الشركة

- مش قصدى فى الشركة ، هو انتو ناسيين ان فاضل اسبوع واحد والشهر يخلص

نظرت بوسى إلى مربيتها ، وكأنها كانت تغفل ذلك الموضوع ، ثم ردت بحيرة :

- مش عارفة متكلمناش فى الموضوع دة اساساً

- طيب وانتي ناوية تعملى اية يا حبيبتى ؟

- برده مش عارفة يا دادة

ثم نامت بجسدها على الفراش وهى تستطرد :

- مش عارفة هتجوزه ازاي وانا حتى معرفهوش ؟ كل اللى انا عرفاه دلوقتى ان مفيش

قصادى اختيار تانى

لتربت المربية على كتفها وهى تقول فى حنان :

- ادعى ربنا يصلحك الأحوال ، قادر على كل شئ

- يارب يادادة

- خلاص يا حبيبي هانت يوم الخميس بعد ما الحفلة تخلص هتكون انت وهى مع بعض

هنا

نظر لها بلا مبالاة وهو يقول :

- سمعت الكلام دة قبل كدة كتير
- المرة دى غير صدقنى ، المرة دى انا رسمها لها مضبوط

ثم قامت واحتضنته وهى تقول :

- انا أهم حاجة عندى انك تبقى مبسوط يا ياسر

- انتى هتخرجى برده من غير ما تقولى للأستاذ حسام

نظرت بوسى إلى مربيتها بغضب وهى تقول :

- اية يا دادة ، انتى صدقتى إنى ممكن اسمع كلامه ، انا عمري ما هاسمح لحد انه يتحكم فى

- يا بنتى دة خايف عليكى مش كفاية اللى حصل قبل كدة

إتجهت بوسى إلى مربيتها واحتضنت وجهها بين كفيها وقالت بابتسامة :

- ما تخفيش يا دادة أنا مش راحة الديسكو أنا رايحة عيد ميلاد شيرى ، وهناك مش هيكون فيه غير تورتة وبيبسى بس ، يعنى مفيش شرب ولا هبقى سكرانة ، إستريحى بقى وروقى بالك

وتركتها واتجهت إلى سيارتها وهى فى كامل زينتها فقد كانت ترتدى فستاناً قصيراً من اللون الأبيض يبرز سيقانها العاجية ، بلا أكمام يعبر بقوة عن أنوثتها الطاغية ، لم تكن تعلم ما

ينتظرها بأناقته هذه ، صوت كعبها الصارخ على الأرض كان يخترق قلبه وهو يتأملها بشغف
وهي تضرب الأرض بنعومة ، يتابعها في صمت وهو يكتف ما يختلج بصدرة من مشاعر متضاربة
جلست داخل السيارة ، وأدخلت المفتاح في السيارة محاولة تشغيلها ، لكنها لم تستجيب لها ،
زفرت بتأفف وهي تخرج من السيارة وتصيح :

- عم حسين ، يا عم حسين

ليخفق قلبه بشدة ويأخذ نفساً عميقاً لكي يحاول أن يخفى إرتجافته ، توجه إليها مفتعل أنه
لم يلحظ وجودها إلا الآن ، وهو يقول :

- خير يا انسة بوسى ؟ بابا مش موجود ، راح يزور جماعة أرايبنا

نظرت للسيارة وهي تقول بملل :

- طيب شوفلى دى مش راضية تدور ليه ؟

مر بجانبها في إتجاه السيارة وكاد عطرها الأخاذ أن يفقده عقله الذى يحاول السيطرة عليه
بصعوبة إثر توتره

جلس خلف المقود وبهد مرتعشة حاول أن يصل إلى المفتاح ، حاول

وحاول أن يشغلها ولم يفلح الأمر ، إتجه إلى غطاء السيارة الأمامى فتحه وبدأ يعبث في لا شئ
في ظل تملل بوسى من الإنتظار ثم أغلقه قائلاً :

- العربية محتاجة ميكانيكى ، ومش هينفع تدور دلوقتى

ردت بتأفف :

- ييبيه ، يعنى أعمل اية دلوقتى ؟

- انا ممكن أخرج لحضرتك عربية شكرى بيه من الجراج
- عربية بابى مانوال ومش هعرف اسوقها

قال مصطنعاً عدم الإكتراث :

- انا ممكن أوصل حضرتك للمكان اللي انتى رايجاه

قالت بنفاذ صبر :

- أوكى يا احمد ، هاتها وامرى لله

رد وهو يتجه إلى الجراج :

- تمام يا انسة بوسى

ثوانى قليلة وكان يقف أمامها بالسيارة ، ركبت فى المقعد الخلفى لتملى السيارة بعبق عطرها
الأخاذ

فاستنشقه هو رغماً عنه وهو ينظر لها بالمرآة وهو يقبع خلف المقود ويمسكه بيده كأنما قد
ملك الدنيا بأكملها ، ونظر أمامه وهو يقود السيارة بوجه آخر كأنما قد تملكه الشيطان
وبدأ يشق بساحرته الطريق ، لينقذها من فخ ياسر ويوقعها بفخه

الفصل الثامن

ألم شديد ينخر في رأسها ، هذا كل ما تشعر به ، لا تشعر بأى من أطرافها ، تشعر كأنها لوَّحَّ
من الثلج

تسمع صوت طرق نعل حذاء على الأرض بالقرب منها

لا تقوى على فتح أعينها لتتبين الأمر ، حاولت مراراً لكن دون جدوى كل محاولاتها باءت
بالفشل

إنحشر صوتها داخل حلقها ، كانت تريد أن تصرخ ، كانت تريد أن تخرج من تلك الدوامة من
الصور المشوشة التي تجُول بذهنها

سيارة أبيها ، الطريق ، فستانها اللأبيض الخلاب ، أحمد

أحمد ، لا تتذكر شيئاً سوى يده الممدودة تجاه وجهها بذلك المنديل ، لتتحول ملامح وجهه إلى
شخص آخر أكثر صرامة وهو يحاول كتم أنفاسها بهذا المنديل الذى يحمل رائحة غريبة ، لم
تكد تستوعب الأمر حتى شعرت بالأريكة وهى تستقبل رأسها

صاحت صبيحة مكتومة وهى تحاول أن تعدل من وضع رأسها

كان يمشى ذهاباً وإياباً أمامها فى توتر لا يعلم ماذا أصابه ؟ أهو قَلِقٌ بشأنها ؟ أم مما سوف
يحدث بعد ؟

لاحظ حركتها ، توجه إليها وهي ملقاه على ذلك الفراش الذي يتوسط تلك الغرفة الخاوية من
أى أثاث سواه وبُساط مهلهل وُضع على أحد جوانبها على الأرض

أخذت عينه تتنقل على خلجات وجهها في ترقب ، فهو ينتظر إستيقاظها في أى وقت

كان قلبه يدق بسرعة كبيرة وهو محقق بها ، لدرجة أنه شعر أن صوت دقات قلبه من الممكن
أن يوقظها

أخذ نفساً يهدأ به نفسه وزفره في هدوء ، أغمض عينيه للحظة ليريحهما من عناء تحديقه بها
منذ أكثر من ساعة

ليسمع صوتها وهي تزوم بألم وهي مغمضة العينين ، ليعود كل شئ على حاله مرة أخرى ، أعين
محدقة ، وقلب يرتجف

إستطاعت تلك المرة أن تفتح عينها ببطئ ولكن أغمضتهم سريعاً عندما سطع فيهما ضوء ذلك
المصباح المتدلى من منتصف سقف الغرفة

حاولت فتحها مرة أخرى ، تجولت بعينها في الغرفة لتقع عينها عليه وهو يراقبها بعيناه
كالصقر

نظرت إليه برعب وهي تحاول إبعاد نفسها عنه بوهن وهي تقول :

- احنا فين ؟

أخيرا خرج صوته :

- متخافيش انتي في امان

حاولت أن تعتدل في جلستها وساعدها هو على النهوض ، أبعدت نفسها من بين يديه ،
واستجاب هو لرغبتها ، نظرت له وهي تقول بصوت مرتعب :

- احنا هنا بنعمل اية ؟ وليه جيتنى هنا ؟

كانت كلماتها تخرج مرتعشة ، ولكنها كانت تحاول أن تحافظ على ثباتها الإنفعالى أمامه ، لإنها
لم تكن تعلم ما ينوى فعله ؟

قال بعد أن جلس أمامها على الفراش :

- انتى معايا ، وهتفضلى معايا يا حبيبتي

إبتلعت غصتها وهي تقول بترقب :

- انت عايز منى اية ؟

وضع يده على شعرها يتحسسها ، وهو يقول :

- انتى كل دة ولسة مش عارفة انى بحبك

أبعدت رأسها عنه بلطف ، ثم قالت بهدوء إستغريته من نفسها :

- طيب ممكن نروح ؟

أماء برأسه نافياً ، وهو يقول بأسى :

- مبقاش ينفع ، احنا مش هينفع نمشى من هنا

قالت بدهشة :

- يعنى اية ؟ انا لازم امشى

قامت من فراشها مهرولة تجاة باب الغرفة ، حاولت فتحه ولكنه كان موصد بالمفتاح الذى كان بحوذة من لم يتحرك له ساكناً ، وكان يجلس ويتابعها فى صمت

إستدارت له وقد نفذت طاقتها فى إفتعال هذا الهدوء الوهمى ، وبدأت بالصراخ فيه كي يخرجها

حاول أن يهدأها ولكن مجرد أن لمسها حتى هاجت وبدأت بضربه وهى تصرخ

كاد صراخها أن يصل إلى خارج الغرفة ، صحيح أن الوقت متأخر ، و أن الغرفة بمنأى عن مساكن الناس فهى تقع فى وسط أرض زراعية

ولكنه كان يخشى مرور أى أحد بالمنطقة ويسمعها

لم يستطع تهدأتها ، كما أنها وترته كثيراً ، لم يشعر بحاله إلا وهو يصفعها على وجهها الصفعة الثانية التى جعلتها تهدأ وتنظر له بدهشة ممزوجة بخوف ، نزعت نفسها من بين يديه وأخذت تتحسس وجنتها وهى فى قمة دهشتها

كان الندم بادى على محياه ، نظر لها وهو يقول بأسى :

- انتى كويسة ؟

نظرت له وقد ترقرت عبرة من عينها ، وقالت بضعف :

- خلىنا نمشى

قال بلهفة ، وشوق سنين أحبها فيهم بصمت :

- متخافيش منى ، مكنش قصدى أذيكى ، انا أسف

بدأت تنكمش فى نفسها ، وقد جلست على الأرض إثر صدمتها من صفعته لها ، ثم قالت :

- انت عايز تعمل اية بالظبط ؟ لية جايبني هنا ؟

جلس بجانبها على الأرض وقال :

- انا بحبك ، وعايز اتجوزك

قالت بصوت مهزوز تريد أن تهدأ معه جو الحديث الذي تعكر بعصبيتها ، بعد أن إكتشفت ضعفها في مواجهته :

- طيب واللى عايز يتجوز واحدة بيعجبها ، يعمل فيها كدة ؟

- متزعليش منى

- طيب خرينا نرجع ، ووو ... وتعالى إطلب ايدى من حسام

كانت تتحدث معه بأنفاس متقطعة ، من شدة خوفها منه

رد بهدوء :

- قلتلك مينفعش نرجع ، احنا هنفضل هنا لغاية متقع الوصية

ثم نظر لها بتحدى و إستطرد قائلاً :

- أنا مستحيل أسمحلك تتجوزى حد غيرى ، انتى ليا أنا ، فاهمة ؟

عندما سمعت منه تلك الكلمات أيقنت أنها لن تنجو بسهولة من هذا المجنون الأخرق

تحسس وجنتها التى توردت باللون الأحمر إثر صفعته لها قائلاً بنبرة حانية :

- متحاوليش تفكرى كتير عشان متتعبيش نفسك ، أنا مرتب كل حاجة

أبعدت وجهها عنه في حذر ، فإبتسم لسذاجتها ، فكأنما لم تدرك بعد أنها بمفردها معه في تلك
الغرفة النائية بعيداً عن البشر ، ولو أرادها لن تقدر على مقاومته ، لكنه جعلها تشعر
بانتصارها المؤقت عليه ، وإستسلم لرغبتها وابتعد عنها ، وبدأ يعبث في تلك الحقيبة التي
وضعها بجانب الباب

كانت تراقبه في حذر ، وتدور برأسها الأفكار ، تحاول أن تجد مخرج لما هي فيه ، ولكن رأسها
كان يؤلمها كثيراً ، فإسندته إلى الحائط خلفها وهي مغمضة العينين بشدة في محاولة منها
للسيطرة على الألم

إنتهت ليديه التي تمسك برأسها في موضع الألم وهو يقول بحنان :

- الصداع هنا ؟

أشارت بعينها بإيجاب ، فبدأ يدلك لها مكان الألم ، كانت تشعر بأنفاسه قريبة منها ، كانت
تمقت قربه منها هكذا ، حاولت أن تبعد عنه ، لكنه منعها ولم يعطيها فرصة للإبتعاد ، كما أنها
إستسلمت لذلك الخدر المنبعث من يديه يسكن ما بها من ألم ، أغمضت عينيها وهي تشعر
براحة نسبية

كان ينظر إليها بحب ، كان يتمنى أن تنجح خطته ويفوز بمحبوبته التي لم يعشق مثلها ، إبتسم
وهو يرسم أحلاماً وردية تجمعهما معاً ، تاه في ملامحها الخلابه التي تأسره ، إقترب بوجهه من
وجهها الملائكى ، كاد أن يقبلها لولا أنها شعرت به ، فإنتفضت من مكانها

وقفت ترتجف في خوف وهي تنظر له وتحاول أن تكتم دقات قلبها التي تفضحها

كان لا يزال على إبتسامته وهو يقول :

- طيب يلا عشان تاكلى حاجة ، انا جايب معايا شوية حاجات ينفع ناكلها لغاية الصبح
أبقى أروح اشتري غيرها

نظرت له وهو يضع بعض المعلبات على الأرض وهي تفكر

سيذهب غداً لشراء الطعام تلك هي فرصتك يا بوسى

أشار لها بيده وعلى وجهه أمارات الغضب ، إبتلعت غصتها و إبتسمت لتلك الفتاة التي كانت
تحدثها وإستأذنت بلباقة

ذهبت إليه وهي لا تدري بماذا تجيبه ؟

أمسكها من ذراعها بقسوة ، وقادها أمامه إلى الداخل ، وما إن إبتعد عن عيون الناس ، حتى
كشر لها عن أنيابه وهو يقول بغضب :

- بتلعي معايا تانى يا شيرى ؟

قالت بصوت مرتجف :

- ابدأ والله يا ياسر أنا مش عارفة هي اتأخرت كدة ليه ؟

- اتأخرت ؟ الناس قربت تمشى ، انتى اكيد معزمتهاش

- والله عزمتها ، وعمالة اتصل بيها مبردش ، انا هخرج اخلى تامر يروحها عند البيت
ويدشوفها مجتش ليه ؟

قال وهو يهم بالرحيل :

- ملوش لزوم ، بس ابقى افتكرى ان انتى اللى بدأتى يا شيرى

واستطرد بوجه أكثر شراسة :

- واحمدى ربنا ان الناس دى برة ، والا مكنتيش هتبقى لسة واقفة على رجليكى
وتركها وغادر المكان بالكامل ، وتركها تتجرع الألم كقطعة الملابس البالية التى إستهلكها حتى
ملّ منها

توجهت فى حيرة إلى الخارج مع رسم تلك البسمة المصطنعة التى تزين بها ثغرها
وقفت بجانب تامر الذى بدا ثملاً بعض الشئ ، وقالت :

- بوسى مجتش يعنى ، والزفت موبايلها مقفول

رفع رأسه وهو يضحك قائلاً :

- البت دى بنت حلال ، كل ما ترسملها مغرز تلبسك فيه

قالت وهى تضغط على أسنانها وتنظر أمامها :

- بنت الاية ، عاملة زى القطط بسبع ارواح

- يعنى اية يا دادة خفتى تقوليلى عشان مزعلش من تصرفتها ؟ احنا متفقين انك

هتقوليلي فى اى وقت لو خرجت

صاح حسام بتلك الكلمات وهو فى شدة قلقه

فردت المرية أسفه :

- معلش يابنى ، انا قلت بدام مش راحة الديسكو يبقى مش هتتأخر

رد حسام :

- خلاص يادادة ، ان شاء الله خير ، انتى تعرفى بيت شيرى فين ؟
- لا معرفش
- طيب معاكى رقمها
- اه مكتوب فى اجنده فى اوضة بوسى ، هجهولك

زفر حسام بقلق وهو يضع هاتفه على الطاولة بعد أن أنهى مكالمته مع المربية وبيده ورقة كتب عليها رقم هاتف شيرى

رتبت والدته على كتفه وهى تقول :

- اصبر يا حبيبى واحتسب كل حاجة بتتعب فيها عشانها ، دة ربنا اللى عالم بالقلوب

لينظر لها حسام وهو يقول :

- انا مش عارف اتصرف معاها ازاي ، وكمان قافلة موبايلها عشان معرفش اكلها
- اصبر يا بنى معلىش ، وادعى ربك هو اللى هيلهمك ازاي تتعامل معاها

أرجع ظهره إلى الخلف ليستند به على المقعد الجالس عليه وأغمض عينيه وهو يقول فى حيرة :

- يارب

ثم نظر بالساعة القابعة على يده اليسرى ، ثم قال :

- الساعة بقيت ٢ والهانم لسة مروحتش

ثم أمسك بهاتفه وضغط على بعض أزراره ورفعته إلى أذنه وقال بعد فترة :

- ايوة ، أنسة شيرى معايا

ليأتيه الصوت من الطرف الآخر :

- ايوة انا ، مين معايا ؟

رد ببعض الحرج :

- انا حسام ابن عم بوسى ، هي بوسى لسة عندك ؟ اصل موبايلها مقفول

قالت بدهشة :

- بوسى مجتش أصلاً ، وبكلمها من بدرى موبايلها مقفول

إنتفض حسام واقفاً ، وهو يقول بفزع :

- يعنى هي مجاتلكيش أصلاً ؟

إنتبهت والدته لما يقوله وحدقت به بفزع هي الأخرى ، في حين ردت شيرى عبر الهاتف :

- ايوة بقولك مجتش ، انا فاكراها في البيت

- طيب شكراً

لم ينتظر الرد وأغلق الهاتف وهو ينظر لوالدته في حيرة ، ثم لم يلبث أن وضع الهاتف في جيبه

وهم بالخروج ، فصاحت به والدته :

- هتدور عليها فين ؟

ليرد وهو يفتح باب منزلهم ليغادره :

- هروح الفيلا ، افهم من دادة الاول

لم تستطع وضع أى شئ داخل فمها رغم محاولات أحمد الكثيرة لجعلها تأكل أى شئ ، إلى أن إنتهى به الأمر لجمع الطعام دون أن يأكل هو الآخر

قالت له وهى تنظر حولها فى تلك الغرفة التى سجنتم بداخلها معه :

- هو مفيش هنا حمام ؟

رد وهو يزىح تلك الستارة التى إعتقدت هى أن خلفها شباك :

- الحمام أهوه

نظرت إلى الداخل فوجدت حماماً متواضعاً جداً يكاد يكون بدائى ولا يعزله عن الغرفة سوى تلك الستارة

رأى على وجهها تعبير الإشمئزاز

فقال ببعض الحرج :

- معلش هو مش حلواوى بس يقضى الغرض

نظرت له بدهشة ممزوجة بالإحتقار وهى تشير إلى ذلك الذى يطلق عليه حماماً :

- وانا هدخل ازاي وهو من غير باب كدة ؟

رد سريعاً :

- متخافيش الستارة مش بتبين اللى وراها

- مش هينفع ، لازم تخرج من الاوضة عشان اعرف ادخله

نظر لها في حيرة ، ثم قال :

- تمام هستنى برة عشان تبقى براحتك

تابعته بعينها إلى أن خرج من الغرفة وأغلق الباب خلفه

دلفت إلى ذلك الجزء ونظرت له بإشمئزاز ، وهي تقول في نفسها :

- انا استحالة استخدم الشئ دة

وبدأت ترفع نظرها عليها تجد أى طاقة فيه تعينها على الهروب ولكنها لم تجد أى شئ فيه سوى

قارورة من الزجاج فارغة وضعت في أحد أركانه

لمعت في رأسها فكرة ، فأمسكتها وإتجهت بها إلى جانب الباب إستعداداً لدخول أحمد

ظلت هكذا فترة قليلة كان قلبها يخفق بشدة ، فما هي تلك الفتاة الرقيقة المدللة ، تخطط

لدخول معركة مع ذلك المجنون الذى ينتظرها بالخارج

قطع تفكيرها صوته وهو يدلف إلى الغرفة ببطئ حتى يتأكد من إنتهاءها ، وهي يقول :

- بوسى انتى خرجتى ؟

لم يسمع سوى صوت تكسر زجاج القارورة إثر إرتطامها برأسه ، إستدار ليجدها تنظر له

بفزع وهي ترتعش ، ثم رأى ذلك اللون الأحمر الذى يسيل على وجهه ، مسحه بكف يده وهو

ينظر لها بغضب ، إبتعدت عنه وهي ترجع بظهرها إلى الخلف حتى تعثرت في الزجاج المتناثر

على الأرض ، ثم أمسكت بقطعة مدببة منه ووقفت توجهها نحوه وهي تقول بصوت مرتعش

وقلب ينتفض رعباً :

- لو قربت منى هقتلك

انتقل ببصره من وجهها إلى يدها الممدودة إليه بقطعة الزجاج ، ثم رفع بصره مرة أخرى إلى وجهها ، وهو يتقدم نحوها في ثبات

هالها جموده وبدأت في الرجوع إلى الخلف إلى أن اصطدمت في الحائط وهو مستمر في التقدم منها

أمسك بيدها الممدودة إليه وفتحها بقوة لينزع تلك القطعة الزجاجية التي تسببت في جعل يدها تلتخت باللون الأحمر إثر تمسكها بها

ذهل عندما رآها هكذا

فأمسكها ودخل بها إلى الحمام وغسلها ، وأخرجها منه وأجلسها على الفراش ، وهي لا تشعر بأى شئ ترى أشياء تتحرك حولها وهي تنظر في ذهول

كانت قطرات بسيطة من الدماء تنزل من رأسه ، لكنه لم يزعجها أى إهتمام ، كل ما كان يجول بخاطره هو بوسى وكيف له أن يكتم جرحها حتى يتوقف عن النزيف

أخذ يجول في الغرفة فزعاً ليجد ما يكتم به جرحها ، فلم يجد شيئاً ، فخلع قميصه وقطع منه جزءاً ولف به يدها بعناية ، وهي مستسلمة تماماً

توقف النزيف ، تهدد ببعض الراحة ومد يده يمسح قطرات الدم من على وجهه ، وإنحني على يدها المجروحة يقبلها وبعض العبرات تتوق للخروج من عينيه

لم تشعر بنفسها إلى وهي تميل رأسها مستسلمة لذلك الخدر الذي بدأ يسرى في جسدها من فرط توترها ، وأغمضت عينها

عدل من وضعها على الفراش بهدوء ، إلا أن تلك العبرة التي نزلت على وجهها جعلتها تفتح عينها قليلاً لتلمح وجهه المغطى بالدموع ، ثم أغلقتها مرة أخرى دون إرادتها

وضع الهاتف أمامه على الطاولة وهو في قمة الدهشة الممزوجة بالقلق

وهو يقول في نفسه :

- معقول اللى بتقوله شيرى دة ؟ يعنى هتكون راحت فين ؟

ثم فزع وهو يستطرد :

- يارب تكون بخير

وأكمل أفكاره تلك وهو يحاول سبر أغوار نفسه :

- وانت قلقان عليها كدة ليه ؟ ما هي لو كانت وصلت الحفلة كنت بعتمها لشيرى عشان

متفضحش نفسك

- بس انا بجد قلقان عليها

- انت ندل كنت هتبعها عشان تشتري وساختك

- انا فعلاً ندل وجبان ، بس بحبها ، ايوة بحبها

ثم تجرع ما تبقى في كأسه من ذلك المشروب جرعة واحدة

وهو يهدأ من ضربات قلبه التي فزعت لأجلها

أطاح بتلك المزهريه بيده لتستقر بالمرآة أمامه وهو يصيح هائجاً

فلكم إشتاق لإحتوائها بين ذراعيه ، إنها ليست مجرد رغبة ، بل إشتياق

لتلك التي سلبت عقله قبل قلبه

لماذا يعانده القدر؟ لماذا لم تسنح له الفرصة ليفوز بمن سكنت قلبه؟

ولكنه سيجعل شيرى تدفع ثمن إبعادها عنه

جلس بجانبها ينظر لها بأسى لفترة إلى أن إستطاع السيطرة على دموعه ، ثم قام وغسل

جرحه الذي كان بسيطاً مقارنةً بجرحها

وجلس على ذلك البساط أرضاً وعيناه معلقة بمن سلبت عقله وجعلته كالأخرق حتى وصل

بهم الحال إلى هذا الحد

كان كالمجنون يجوب الشوارع بلا وجهة معينة بعد أن فشل في معرفة أى معلومة تفيده من

المربية

كان قلبه يخفق المأً وفزعاً عليها ، فقد إتضح له أن الأمر خرج من نطاق معاندتها له ، وربما

تكون في خطر الآن

قطع حبل أفكاره صوت أذان الفجر ، فذهب إلى أقرب مسجد ، وصلى وأخذ يدعى ربه كثيراً أن

يحميها ويردها إلى بيتها سالمة

ترجل متجه إلى سيارته مرة أخرى وهو لا يرى أمامه أى وجهة، أو إلى أين سوف يأخذه الطريق

لبحثه عنها؟

لا يعرف لما قفزت أمامه صورتها وهي طفلة صغيرة حينما جرح أحد أصابعها وكان يداومها وهي
تبكي بحرقة فما كان منه إلا أن إحتواها بين ذراعيه حتى هدأت ونامت في حضنه
خفق قلبه بشدة فهو لازال يحيا كما كان منذ الصغر

فها هي تلك القلوب التي يقلبها الله كيف يشاء ، معلقة جميعاً ببوسى
التي لا تدري أن جميعهم (تامر - ياسر - أحمد - حسام) الآن يبكي ألمائها

- انتى كنتى بتعلمى ؟

لم تجبه فقط أماءت برأسها فى إيجاب وهى لازالت على حالها ، فرق قلبه لحالها وحاول تهدئتها بتربيته على كتفها ولكنها إنزوت أكثر على جانب الفراش لتبتعد عنه ، فتركها وذهب لإحضار كوب من الماء لها عله يساعد فى تهدئتها ، وحمله إليها قائلاً :

- خدى طيب إشرى

مدت يدها المرتعشة فساعدها بحمل الكوب إلى فمها ، فإرتشفت منه ما بلل شفاتها وتركته وهى تمسح دموعها المنهمرة
قال وهو ينظر لها بأسى :

- نامى دلوقتى وهتبقى أحسن

أماءت برأسها نافية وهى تقول من بين دموعها :

- عايزة أمشى من هنا ، خلينى أمشى عشان خاطرى ، لو بتحبى بجد سيبنى أمشى

ما كان منه إلا أن إحتواها بين ذراعيه بقلب يخفق لأجل حبيبته ، كانت تنتحب بشدة وهى غير مدركة أنها تستند برأسها على صدره
بدأ يتحسس شعرها بيده وهو يقول بالم :

- انا اسف يا حبيبتى ، سامحيني مش هقدر

ليزيد نحيبها وهى تدفعه عنها لتقول من بين شقهاها :

- انت عايز منى اية ؟ حرام عليك خلصنى من اللى انا فيه ، انا عايزة امشى من هنا

ليستقيم وهو يقول ببعض الجمود :

- قلتك مش هينفع

ويتركها ويخرج من الغرفة ، فلم يعد يحتمل مزيداً من نحيبها الذى يحفر فى قلبه الألام

جلس أرضاً خارج الغرفة وهو يدفن رأسه بين يديه ليكتفم حيرته وألمه

ضاقت به الدنيا ، فقد ظل يبحث عنها فى كل مكان ، فقرر الرجوع مرة أخرى إلى الفيلا عله

يجد شئ آخر يوصله لها

دلف إلى الداخل فإستقبلته المربية بدموعها التى لم تجف بعد

كان على وجهها ملامح متسائلة ، تتمنى ما يثلج قلبها وما يطمئنها على إبنتها التى لم تلدها ولكنها

سكنت قلبها ، بوسى

أماء برأسه نافياً دون أن يتحدث ، ففهمت من إشارته أنه لم يجد ما يدلّه عليها

سألها :

- هو عم حسين مش هنا ؟ نديت عليه عشان يفتحلى البوابة بس محدش رد

ردت ببعض الحزن :

- اه هو راح يزور جماعة أرايبه وهيعد هناك يومين ، بس سايب أحمد ابنه مكانه

نظر لها حسام بدهشة وهو يحاول أن يمعن فى التفكير ، ثم قال وهو يهيم بالخروج من الفيلا :

- بس أحمد مش موجود برة

ذهب إلى الغرفة التي توجد في الحديقة ويقطنها حسين وولده أحمد وأخذ يدق على الباب حتى
أيقن أنه لا يوجد أحد بالداخل ، أسرع إلى الجراج ، فوجد سيارة بوسى موجودة داخله
وسيارة عمه هي التي خرجت بها بوسى
عاد مسرعاً إلى المربية متسائلاً بلهفة :

- هي عربية بوسى عطلانة؟ أصلها سايبها في الجراج
- اومال خرجت باية؟
- خرجت بعربية عمى لأنها مش موجودة
- بس هي مبتعرفش تسوقها عشان مانوال

رد بدهشة :

- يعني كانت محتاجة حد يسوقها لها ، وعم حسين مش موجود ، واحمد هو اللي كان موجود

أخرج هاتفه سريعاً وضغط على بعض الأزرار في عُجالة ورفعته إلى أذنه وقال بعض قليل :

- ابنك فين يا عم حسين؟

ليرد مندهشاً :

- احمد انا سايبه في الفيلا مكاني على بال ما اجي وهاجي بكرة ان شاء الله
- ابنك مختفى من امبارح بالليل ومعاها بوسى

ليرد بفرح :

- ازاي؟ اية اللي حصل يا استاذ حسام؟

- انتو ليكو أرايب هنا غير اللى انت عندهم ؟

- لا

- ابنك ملوش اى اصحاب ممكن نسأل عليه عندهم ؟

- احمد ملوش اى اصحاب

ليرد حسام بعصبية :

- يعنى اية ؟ هيكونوا راحوا فين ؟

- أأأ... أنا مش فاهم يا استاذ حسام ، انا اسف

زفر في الهواء ليهداً قليلاً وهو يقول :

- انتو ملكوش اى مكان تانى غير هنا

- ابدأ يا أستاذ حسام ، من ساعة ما شكرى باشا جبنا واحنا عايشين معاه في الفيلا ،

حتى حته الارض مبروحهاش غير مرتين في السنة

ضيق حسام ما بين عينيه وهو يقول :

- فين الأرض دى ؟

أغلق حسام الهاتف بعد أن علم عنوان تلك الأرض الزراعية ، فهو كالغريق الذى يتعلق بأى

معلومة من الممكن أن تدله على طريقهم

إستقل حسام سيارته إلى عنوان تلك الأرض الزراعية على أمل أن يجد ما يدلله على مكان

بوسى

حاولت الإتصال به كثيراً لكن كان نفس الرد :

- الهاتف الذى طلبته مغلق ، يرجى الإتصال فى وقتٍ لاحق

زفرت بعصبية وهى ترمى الهاتف على فراشها ، ووقفت فى المرأة تصفف شعرها

تذكرت كلماته التى لم تنساها منذ أن خرجت من فمه ليلة أمس :

- ابقى افتكرى ان انتى اللى بدأتى يا شيرى

فشعرت برهبة ممزوجة بألم ، فهى تعشقه وتخشى غضبه الدامى

فأخرجها من أفكارها صوت رنين هاتفها ، فأسرعت عليه بلهفه ، فتغيرت ملامحها بعد أن رأت

إسم المتصل ، وردت بتأفف :

- ايوة يا تامر

ليرد من الطرف الأخر :

- عرفتى حاجة عن بوسى ؟

- يادى زفتة ، كلكم هتموتو عليها ، لا معرفتش حاجة ومش عايزة اعرف حاجة ، ويارب

تكون ماتت وتريحنا

رد بوجوم :

- يعنى هتكون راحت فىن ؟

- وانت قلقان عليها اوى كدة لية ؟

- يعنى اية ؟ هو انا المفروض مقلقش عليها زيك ؟

- بقولك اية انت هتعملى نفسك بتحبيها ما انت كنت هتبعها الى امبارح ، دلوقتي عايز تفهمنى انك قلقان عليها ؟
 - انتى عايزة منى اية ؟ ايوه انا بحبيها ، واول ما ترجع هقولها انك أوطى بنى أدمة عرفتها ، والفيديو اللى عندك بليه واشربى ميته
- وأغلق الهاتف وهو فى قمة غضبه من تلاعب تلك الحمقاء التى كانت ستجعله يغدر بحبيبته بوسى

لاحظ حسام قرب وصوله لتلك الأرض الزراعية وجود بناية صغيرة
ترجل من السيارة ليتجه إلى تلك البناية
إقترب من الباب يحاول أن يسترق السمع ، لكنه لم يسمع سوى السكون
دفع الباب بكتفه ولكن الباب إنفتح بسهولة ليجد أمامه الفراغ فلا يوجد بتلك الغرفة سوى
الفراش الفارغ ، اتجه لتلك الستارة ليجد أيضاً أنه لا أحد خلفها
وقف متحير فى تلك الغرفة وهو ينظر إلى جميع محتوياتها ليجد شئ يلمع بين ثنايا الشرشف
الذى يغطى الفراش
ذهب ليتفحص ذلك الشئ ، لتتسع حدقة عينيه لرؤيته تلك القلادة التى كانت ترتديها دائماً
بوسى منذ صغرها وامتدلى منها ذلك القلب ، ليفتحه فيجد بها صورة والدتها ، ليتأكد من
شكوكه

وضعت يدها تتحسس رقبتها الخالية فى فزع وهى تقول :

- السلسلة ؟

لينظر لها وهي جالسة بجانبه في السيارة :

- بتقولى حاجة ؟

فردت بأسى :

- دى سلسلة ماما ، شكلها وقعت منى ، دى كانت غالية عندى اوى

- تحبى نرجع تدورى عليها ؟

لترد بلهفة ممزوجة بحزن :

- لا لا ، خلىنا نرجع للبيت

فيكمل بها الطريق الذى بدأه منذ فترة عائدا إلى الفيلا كما وعدها ، بعد أن أضناه نحيبها ،

وكاد قلبه أن ينخلع حزناً عليها

وقد وعدته هى بألا يعرف أى أحد بما حدث

كان ينظر لها بأسى كل برهة وهو يشعر أنها أصبحت مثل الماء الذى انفرط من بين يديه ،

وضاع أمله فى أن تكون له

نظر أمامه بأسى وهو يلعن نفسه على ما فعله بها ، الشئ الوحيد الذى ناله من تلك الفعلة

هو أنه صارحها بما كان قد ثقل على قلبه وكاد يقتله ، فهو يحبها

يعشق من سكنت السماء ، وكانت ولا زالت بعيدة المنال ، ولكنها قريبة تقطن بين ضلوعه

وصل بها إلى الفيلا وهم في حالة رثة ، وكان يظهر عليها الإعياء ، فتح لها باب السيارة وأدخلها إلى الداخل في حين إستقبلتها المربية بلهفة ، وحاولت أن تعرف منها ما حدث ، ولكن بوسى ردت بكلمات بسيطة تعبر عن تعبها الشديد وإحتياجها للنوم

ساعدتها المربية لتأخذ حماماً دافئاً ، وتبديل ملابسها وقبل أن تديرها في الفراش كان حسام قد وصل إثر المحادثة الهاتفية التي تلقاها من المربية تبشره برجوع بوسى

لم تستطع بوسى أن تكبح مشاعرها إثر رؤيتها لحسام ، فقد كانت فزعة من صورته في ذلك الحلم وقد فارق الحياة

إرتمت على صدره باكية دون أن تنبث بشفة ، أخذ يهدئها حتى إستطاعت أن تسيطر على دموعها ، ثم قال :

- اية اللى حصل ؟

قالت من بين شهقاتها :

- في حرامية طلوعوا علينا ، واحمد قدر يرجعنى هنا تانى

نظر حسام لها بتمعن وهو يقول :

- حرامية ؟ وكننتو فين كل دة ؟

قالت بارتباك :

- كنت أأأ .. كنت في العربية ، همة كانوا حبسنا في العربية ؟

- وازاى قدرتوا تهربوا منهم ؟

قالت ببعض الوهن :

- احمد هو الى قدر يخلصنا منهم

ضيق ما بين عينيه قائلاً :

- وبعد كدة روحتوا على فين ؟

- احمد جابني على هنا على طول

نظر لها فوجدها يظهر عليها التعب ، وقع بصره على ذلك الجرح بيدها ، فقال بلهفة :

- انتى ايدك مجروحة

نظرت إلى يدها وهي تقول :

- دة جرح بسيط ، متقلقش

- من اية ؟

- مش فاكرة يا حسام

نظر لها بريبة قائلاً :

- شكك تعبانة يا بوسى نامى دلوقتى

شعرت بالراحة لتخلصها من أسئلته التي حاصرها بها ، إبتسمت له إبتسامة ضعيفة وهي

تجلس على فراشها

هم بمغادرة الغرفة ، لكنه توقف عندما باغتته قائلة :

- حسام ، متمشيش

شعر بالقلق من طريقتها ، فاستطردت قائلة ببعض الرجاء :

- خليك هنا ، متمشيش وتسيب البيت

فقال وهو يحاول سبر أغوارها بأنظاره :

- متخافيش ، انا تحت مش همشى

أماءت برأسها وقد اطمئن قلبها وتوسدت فراشها وهي تشعر بالأمان لوجوده معها بنفس المنزل ،
في حين غادر هو الغرفة متجه إلى غرفة أحمد

بعد أن أفاق قليلاً من صدمته قام وإغتسل ، وقد أيقن تماماً أنه قد خسر كل شئ

إنتهه لذلك الطرق على باب الغرفة وما إن فتحه حتى وجد قبضة حسام الموجهة لوجهه ،

لتدفعه إلى الأرض وهو لم يدرك بعد ماذا يحدث ؟

أمسكه حسام من تلايبه ليجعله يستقيم وباغته بلكمة أخرى وهو يصيح به :

- يا واطى ، بتعض الايد اللى اتمدتك

ذهل أحمد وقد أيقن أن حسام علم بما حدث ، لم ينطق ، لم يقل أى شئ فقط ترك حسام

يمضى فيما يفعله

كان حسام كالمجنون فهو لا يعلم ما حدث بينهم ؟ وأكثر ما كان يؤلمه أن بوسى كذبت عليه

وأنها لم تريد إخباره بما بينها هي وأحمد

سمعت صوت صياح حسام بالأسفل نزلت الدرج متهولت وهي تشعر بدوار خفيف ، حتى
وصلت إليهم وجدت أحمد ملقى بالأرض إثر تلقيه للكمة من حسام الذى كان فى شدة ثورته

تنقلت ببصرها بينهم ، فتلاقت نظرتها مع نظرات أحمد الذي كان ينظر لها بندم ، فقالت وهي تحاول إبعاد حسام عنه :

- خلاص يا حسام سيبيه

نظر لها حسام والشرر يتطاير من عينه وبدأ يصرخ بها :

- لسة برده هتكدي ، ولا المرة دي هتألفى قصة تانية

لم تستطع الرد ، فأخرج من جيبه القلادة وهو ينظر بعينها قائلاً :

- ودي ، اللي انتى قلعتها على سريريه ، هتقولى عنها اية ؟

نظرت لها بلهفة وهمت بأخذها ولكنها أدركت تلك الكلمات التي زرفها حسام لتقع على مسامعها كالصاعقة

الفصل العاشر

إنتقلت ببصرها من القلادة إلى وجهه وهى غير مدركة لما يقول ، قالت بلوعة :

- انت بتقول اية ؟ انت ازاي تقول كدة ؟

صاح وهو يقبض بكفه على القلادة ويمدها تجاه وجهها :

- انا اللي عايز اعرف اية اللي حصل ؟ وليه كدبتى عليا ؟

إرتجفت من نبرته الحادة التى تحمل الكثير من الألم والوعيد ، وقالت برجاء :

- خلينا ندخل جوة وانا هقولك الحقيقة ، بس ارجوك كفاية كدة

نظر لها بضيق ، ثم حول نظره لأحمد قائلاً بصرامة :

- تلم هدومك وتمشى من هنا ، مش عايز اشوف وشك تانى

أماء أحمد برأسه فى إيجاب ، ثم ألقى نظرة على بوسى التى كانت تنظر له فى أسى ، وكأنه

يودعها

أشار لها حسام لتدخل إلى الداخل ، فتقدمته إلى الداخل ، جلس فى الكرسى المقابل لها بعد

أن وضع قلادتها على الطاولة أمامها ، تعلقت ببصرها بها ، نظر لها برهة ثم قال :

- اتفضلى ، انا سامعك

مسحت تلك العبرة التي سألت منها إثر إفتقدها لحضن والدتها التي لم تعهده مسبقاً ، فهي الآن في أمس الحاجة لأن تبكي على صدرها وتفرغ ما بها من ألم في حضنها
ثم قصت عليه ما حدث منذ أن خرجت من الفيلا بصحبة أحمد إلى أن عادت أيضاً بصحبه
قال بدهشة ممزوجة بغضب :

- وليه مقولتيش الحقيقة من الأول ؟ وليه خبيتي عليا ؟

قالت وهي تنظر له بحزن :

- هو وعدنى هينفذلى طلبى ويرجعنى هنا تانى ، وانا وعدته انى مش هقول لحد على اللى هو عمله

قال وهو فى قمة غضبه :

- لو مكنش رجعتك ، كان هيبقى خلاصه على ايدى

قام من مكانه متوجه إليه مرة أخرى ، جرت إليه حتى تحاول إيقافه ولكنها شعرت بدوار كادت أن تسقط على الأرض لولا ذراع حسام الذى إستقبلتها قبل أن تصل إلى الأرض إثر إنتباهه لها
قبل أن تسقط

حملها وهو يدلف بها إلى الداخل مرة أخرى ، فى حين كان أحمد يحمل حقيبة ملابسه ويهم بالمغادرة وينظر لهما فى أسى حتى غابا داخل الفيلا

صعد حسام بها الدرج ودخل إلى غرفتها وضعها على الفراش حاول أن يجعلها تفيق ووضع تحت أنفها بعض العطر تشتتمه حتى أفاقته ونظرت له ، فقال وهو ينظر لها بلهفة :

- بوسى انتى كويسة ؟ انتى سمعانى ؟

أماءت برأسها في إيجاب وهم بالخروج وهو يقول :

- هروح اناديلك دادة

لكنه وقف إثر تعلقها بملابسه وهي تقول :

- خليك معايا متسبنيش

كان يشعر بالحرج ، ولكنها كانت مثل عهدا في الصغر ، مثل تلك الطفلة الصغيرة التي كانت تتعلق بملابسه خوفاً من بطش أبيها ، أو لكي تنعم بالأمان معه من أطفال الجيران المشاغبون

إستجاب لها بقلبه قبل جسده وجلس بجانبها على الفراش ، فما كان منها إلى أن تركت رأسها تغوص في صدره ، وذهبت لتوها في سُبَات عميق

نظر لها بإبتسامة قد قفزت على ثغره لتزين وجهه وهو يرى ملاكه الصغير ينعم بالأمان بجواره

رأها تلك الصغيرة ذات الضفيرة والفستان القصير ، تلك التي عشقها وظل لسنوات ينتظر رجوعها إلى جواره مرة أخرى ، وها هي الآن قد عادت لتكتمل سعادته

إستند برأسه للوراء وأغمض عينيه وإستسلم هو الآخر لسلطان نومه فقد ظل مستيقظاً طوال فترة غيابها

غادر وترك قلبه معها ، أصبح بلا قلب ، جريح حيا

أصبح طريد جنتها ، لن ينعم بعد الآن برؤيتها ولو حتى من بعيد

ظلت بمخيلته صورتها وهي بين ذراعيه ، تذكر كم كانت حزينة تتمنى البعد عنه ، تذكر نحيتها

، وإلحاحها هي ودموعها على المغادرة إلى عالمها ، إلى حسام

حسام الذى أخذها منه ، فهو من أحبها قبله ، هو من عشق قريبها

هو من يستحقها وليس حسام

هو من يستحقها وليس حسام

ظلت تلك الجملة تتردد بخاطره ، وقد أيقن أنه قد خسر كل شئ ولم يعد لديه أى شئ ليبقى عليه

فلا تسألوا الخاسر عن ما سوف يفعله ؟ فماذا سوف يخسر أيضاً إذا كان قد خسر أعلى ما يملك ؟

فكل رخيص يهون إذا ذهب الغالى الثمين

إختلطت مياه الصنبور التى تنزل على جسدها بدموعها ، لم تكن تشعر بنفسها ولا بعينها التى تزرع أنهاراً

فها هى قد خسرت كل من حولها ، خسرت أهلها الذين باعوها وفضلوا المال عليها ، خسرت من أحبت وعشقت ، خسرت شرفها وكرامتها ، وها هى تخسر أصدقاءها

وحيدة فى صحراء جرداء قاحلة ، بلا ماوى ولا جذور ، كالريشة فى مهب الريح

تبحث عن ملجأ ، حضن دافئ يحتويها ، وها هى تبحث وتخفق فى الإختيار مرة تلو الأخرى

من حضن تافه لا يهواها ، لحضن مسيطر مستبد يستعبدها

قاربت دموعها أن تجف ، فلم تحتمل عينها كل تلك الآلام ، نضحت بما لديها وسكنت

أغلقت الصنبور ومدت يدها لتأخذ روب الإستحمام وتندثر به ولازالت قطرات الماء تتساقط
من شعرها

فتحت الستارة لتجفل لمراى ياسر يستند بظهره على باب الحمام ، وقد عقد ذراعيه أمام
صدره وهو ينظر لها بانتصار

نزلت من حوض الإستحمام وهى ترتعش من الخوف وتحاول أن لا تنظر بعينيه التى تخيفها
كثيراً

فتح باب الحمام وخرج وترك المنزل دون أن يتحدث بكلمة واحدة ، فهو لم يكن يريد أن
يتحدث إليها كل ما أرادته أن يعلمها أن قبضة يده لازالت محكمة حول عنقها

دخلت غرفتها وأغلقت الباب عليها رغم علمها بأنه رحل ، لكنها كانت تنتفض من الخوف
جلست على فراشها تنتحب

تبكى أناسٌ في حياتها إسماً بلا روح ولا حتى جسد

كم كانت تحتاج لمن يحميها

رغم قسوته وخوفها الشديد منه ، تمننت لو كانت إرتمت بحضنه حتى لو كان سيضرها بعدها

تمنت أن تنعم بلحظة دفي مع أى شخص حتى ولو كان غريب عنها

كانت تفرك أنفها في وسادتها كما تفعل كل يوم عند إستيقاظها من النوم ولكن وسادتها هذا
الصباح لم تكن كما إعتادت

فوسادتها اليوم كانت صدر حسام

إنتبه لحركتها فنظر لها وجد وجهها عابث مثل الأطفال عند إستيقاظهم من النوم إبتسم لفعالها

إنتهت لما هي عليه ، فقد ظلت طوال الليل متوسدة صدر حسام ، وكانت مستغربة كيف طلبت منه ذلك

رفعت رأسها لتجده وهو لازال على إبتسامته ، فقالت في خجل :

- انا اسفة ، لو كنت ضايقتك

كان لا يزال على إبتسامته وهو يقول بمرح :

- انا متعود عليكى كدة من زمان ، ولا نسيتى ؟

إبتسمت بحرج وأرادت أن تهرب من حرب عينيه التى تحاصرها بنظراته ، متجهة إلى الحمام ولكنه أوقفها بكلماته :

- انا اللى اسف

إستدارت تنظر له ، فأكمل وهو يقترب منها :

- مكنش المفروض أشك فيكى ، بس مكنتش لاقى مبرر لكذبك

نظرت له بعتاب قائلة :

- المهم انك عرفت المبرر دلوقتى

نظر لها ببعض الندم قائلاً :

- مهو بصراحة مكنش هيجى على بالى اللى حصل دة خالص ، بقى يخطفك ومتقوليش ؟

صمتت ولم تجيب ، فاستطرد قائلاً :

- انا عارف انى اتسرت ، اوعدك انى عمري ما هسك فيكى تانى

أمال برأسه لينظر بعينها فى محاولة لإختراقها قائلاً :

- وبعدين مش هينفع ما أنقش فى مراتى ، ولا اية ؟

نظرت له بدهشة وهى تحاول أن تخفى إبتسامتها قائلة :

- مراتك ؟

فقال وهو يبتسم :

- فاضل كام يوم والشهر ينتهى ، ولا انتى عايزة نتجوز ونعد أنا وإنى على الرصيف ؟

نظرت له نظرة تنم عن عدم فهمها لما يقول ، فقال موضحاً :

- اصل انا كدة كدة هتجوزك ، انتى ناسية اننا مقرى فتحتنا من زمان ، وبابا متكلم مع

باباكي فى الموضوع دة ، وانا استحالة انزل كلام بابا وعمى الأرض أبداً

نظرت له بدهشة وددت أن تقول شئ ، ولكنه أوقفها بإشارة من يده أمام فمها ، وهو يقول :

- وانا عارف كويس انك مش هتكسرى كلامهم برده ، انا هرتب كل حاجة ، وهجيب

المأذون بكرة

وتركها وغادر الغرفة وهى تشعر بالمفاجأة التى سكبها فوق رأسها لتوها ، ولكنها كانت تستغرب

تلك الإبتسامة التى إرتسمت على شفيتها وهى تعيد فى ذاكرتها كلماته

- انا عارف يا عم حسين انك ملكش ذنب فى اللى حصل ، وان عمى شكرى كان بيحبك ،
بس أسف مش هينفع بعد اللى حصل تفضل هنا

رد عم حسين الذى يقف أمامه فى غاية الألم :

- انا عارف يا أستاذ حسام ، كتر خيرك انك مرديتش تضيع مستقبله ، واكتفيت بس
باننا نمشى من هنا

- انت زى ابويا يا عم حسين ، وطبعاً زى كل عمال الشركة ليك مكافأة نهاية الخدمة

- ربنا يكرمك يا بنى ، ويصلحك الاحوال

إحتضنتها المربية بسعادة وهى تقول :

- الف مبروك يا حبيبتي ، كنت بحلم باليوم دة يا بوسى ، الحمد لله انى شفتك عروسة

لتبتسم بوسى وهى فى كامل زينتها وترتدى ذلك الفستان الذى صبغ بلون زهور النرجس
الأرجوانية ، طويل بلا أكمام مع القليل من الفصوص الفضية التى إرتصت على أحد جوانبه
بشكل منمق

وأسدلت خصلات شعرها على ظهرها ليتناثر بعفوية مثل موجات الظلام فى ليلة غاب فيها
القمر ، ولكنه كان ينير بوجهها فهى عروس الليلة

لم يعدوا حفلة لتلك الزيجة فقط حضر المأذون والأستاذ منصور مع أحد العاملين معهم
بالشركة ووالدة حسام

فقط سوف يعقد قرانهم فى تلك الجلسة العائلية

إتجه إلى غرفتها وهو يرتدى سُترة سوداء أنيقة زادته وسامة ، دق على باب غرفتها ، ففتحت مربيها وتعلو وجهها إبتسامة قائلة :

- الف مبروك يا بنى

إبتسم بحياء قائلاً :

- الله يبارك فيكى يا دادة

فتحت باب الغرفة على آخره وهى تقول :

- تعالى يا حبيى

ليقع نظره على بوسى ، فتشعر بالحرج وتزداد سرعة دقات قلبها

فيطلب من المربية أن تتركهم لحالهم ، تذهب المربية وتوصد الباب خلفها

تجلس على فراشها أمامه وهى مرتبكة ، وتقول :

- خير ؟

يجلس على المقعد فى مواجهتها قائلاً :

- المأذون تحت ، وانا عايز اقولك ان مش معنى انى بحبك وبتمنى تكونى مراتى ، ان دة

يلغى رأيك فى الموضوع ، انا لازم أعرف رأيك

همت بقول شئ لكنه قاطعها قائلاً :

- عايزك تعرفى حاجة مهمة الاول ، لو الفلوس راحت انا مش هسيبك ، انتى بنت عمى

وهتعيشى معايا انا وامى وهعتبرك اختى ومش هسيبك ابدا ولا هتخلى عنك

إبتسمت بخجل وهي تقول :

- ازاي المأذون تحت وبتقولي معتبرك اختي ؟

إبتسم هو الآخر قائلاً :

- يعني نتوكل على الله ونكتب الكتاب ؟

نظرت أرضاً دون أن تتحدث ، فقال :

- مش عايزك تقبلي بيا غصب عنك ، ولا حتى عشان الفلوس

قالت بسرعة :

- الموضوع مش كدة ، انا بس حابة افهم حاجة

ظل ناظراً لها في صمت يحثها على الإسترسال في الحديث

قالت بحروف متلعثمة وهي في شدة ارتباكها :

- انا بس ، انت يعني عارف اني لسة مش

شعر بما تريد أن تقوله ، فقال هو :

- انا فاهم يا بوسى انك مش متعودة عليا وان جوازنا جه فجأة ، مش عايزك تقلقى من

حاجة وخليكي واثقة فيا

أماءت برأسها وهي متعلقة بعيناها به ، إبتسم وهو يهم بالمغادرة قائلاً :

- طيب خليكي وانا نازلهم تحت

وقفت وقد إطمئن قلبها وأحست أنه شعر بما يخالجهما من تخوفات

دخلت المربية وجلست معها بعد أن شدد حسام عليها عدم مغادرة بوسى لغرفتها حتى يدعوها للنزول

تمت إجراءات عقد القران وغادر المأذون والشهود ، وصعد حسام إليها ليأخذها إلى تحت بعد أن إطمئن أنه لا يوجد رجل غريب سوف يراها بذلك الفستان العارى

نزلوا وقضوا وقتاً ممتعاً بصحبة والدته ومربيته

رحلوا جميعاً وتركوهم ، نظر لها حسام بحب قائلاً :

- تعبتى ؟

- لا ، عادى يعنى

- يعنى مش عايزة تنامى

- يعنى

أمسكها من يدها وهو يهم بصعود الدرج وهو يقول :

- انا بقول نطلع ننام ، اصلى تعبان اوى

إبتلعت غصتها ولم تستطع الرد بأى شئ فقد كان يقودها إلى أعلى

أوقفها عند باب الغرفة وأخذ ينظر بعينيها في صمت ، كانت في قمة خجلها ، رغم تحررها لكنها كانت متوترة

إحتضن وجهها بكفيه وطبع قبلة على جبينها وهمس قائلاً :

- تصبى على خير ، هتوحشيني اوى لغاية الصبح

إبتسم وهو يشير إلى الغرفة المقابلة لغرفتها قائلاً :

- انا قلت لدادة تجهزلى الأوضة دى عشان تبقى براحتك

ثم أمال رأسه تجاهها قائلاً :

- بس دة بشكل مؤقت بس

إبتسمت بخجل ، قال وهو لا يزال مبتسم :

- يلا ادخلى بقى قبل ما ارجع فى كلامى

فتحت الباب ودلفت وأغلقتة وهو يقف مبتسماً لها ، وقفت خلف الباب وهى تضع يدها على

قلبيها لتهدأ من دقاته ، فقد كان يخفق بشدة من فرط توترها ، ولكن لم تفارق ثغرها تلك

البسمة التى تزين وجهها

نظرت لنفسها فى المرآة فقد توردت وجنتيها من الخجل ، رأت صورة شباكها فى المرآة إبتسمت

وهى ترى البدر كاملاً

مشى على ضوء القمر المكتمل فى السماء رفع رأسه لينظر إلى شباك غرفتها المضئ وعلى وجهه

ملامح الحقد والكراهية ، عدل من وضع السكين بملابسه جيداً وهو يهيم للدخول إلى داخل

الفيلا

الفصل الحادى عشر

مشى على ضوء القمر المكتمل فى السماء رفع رأسه لينظر إلى شباك غرفتها المضئ وعلى وجهه ملامح الحقد والكراهية ، عدل من وضع السكين بملابسه جيداً وهو يهيم للدخول إلى داخل الفيلا

لم يتجه نحو بوابة الفيلا ، بل توجه إلى نقطة معينة بالسور كأنما درس طريقه من قبل وتسلقه بهدوء ، إتجه سريعاً ليختبئ أسفل شباكها ، وبعينين كعينان الصقر مسح كل ما حوله ليتأكد من عدم وجود أى أحد

وعندما إطمئن بدأ يتسلق ليدخل غرفتها من شباكها المفتوح

كانت تهم بتبديل ملابسها ، عندما وجدته يقفز من الشباك ليقف أمامها ، كانت لا تصدق حالها ، أهو التاريخ يعيد نفسه ليجعلها تقف أمامه مرة أخرى لحالهم بغرفة مغلقة قطع أفكارها بصوته الأجهش :

- عريس الغفلة فين ؟

ظلت محدقة به دون أن تنبث بشفة ، أشار بيده لباب الحمام المغلق وهو يستطرد :

- اية بياخذ حمام الهنا ؟

إزدادت نظرتة حدة وكأن الشيطان قفز بوجهه ، وقال بكل حقد العالم :

- بس انا مش هخليه يلمس شعرة واحدة منك ، لاني جايبله معايا هدية

قال كلماته الأخيرة وهو يخرج ذلك السكين اللامع من ملابسه

أخيراً نطق الصنم المتحجر وخرج من جموده ، صرخت بإسمه بهلع :

- احمد ، لا حرام عليك

كان حسام قد بدل ملابسه وهم بالدخول إلى فراشه عندما سمع صرختها ، لم يشعر بقدميه

وهي تأكل تلك المسافة الفاصلة بينهم

لترى حلمها يتجسد أمامها ولكن تلك المرة المكان فقط هو المختلف

ولكنها تقف وهي ترى حسام بمدخل باب الغرفة يقف في مواجهة أحمد الذي شهر سلاحه

موجهه إلى وجه حسام

لم تشعر بنفسها إلى وهي تجرى على حسام لتحضنه حتى لا ترى حلمها يتجسد أمامها

زعر حسام عندما وجدها على تلك الحالة حاول إبعادها ولكنها كانت متشبثة به كأنه آخر

نفس لها في الحياة ، لكنه نزعها من حضنه ونحاها جانباً وهو ينظر لأحمد الذي إستشاط

غضباً لما فعلته بوسى

قال حسام بتحدى :

- انا قودامك ، لو عايز تقتلنى

صرخت بوسى بهلع قائلة :

- لا يا احمد ارجوك ، ارجوك تسيبه

نظر لها بأسى وهى يراها تترجاه لغيره ، إقتنص حسام تلك الفرصة ليهجم عليه بدأ يتضاربان ، حاول حسام أن يوقع من يده تلك السكين ولكن دون جدوى ، كانت تشعر أنها تختنق ، مقيدة ، لا تستطيع فعل شئ ، كاد قلبها يتوقف من فرط توتره وهى تراهم هكذا

فر أحمد هارباً بعد أن سقط منه ذلك السكين الذى كان يلمع هذه المرة باللون الأحمر إتجهت إلى حسام بلهفة ، كان يبدو متماسكاً ومجثى على الأرض ويضغط بإحدى يديه على جانبه الأيمن

إحتضنها بيده الأخرى وهو يقول بصوت مكتوم :

- متخافيش ، انا كويس

نظرت له بخوف ووجها مغطى بالدموع وهى تقول :

- متسبنيش يا حسام

ضمها إليه مرة أخرى وهو يكتم ألمه

صوت صراخها لازال بأذنه لا يرى أمامه سوى صورتها وهى فى حضن غريمه ، كان لا يشعر بشئ مما حوله ، الظلام ، السكون ، صوت خطوات قدمه الراكضة ، تلعنه ، تلعن شيطانه ، بل تلعنها هى ، ساحرته التى أفقدته عقله ، وإرتمت بحضن آخر

لم يكن يتجه إلى وجهة معينه ، فجأة وجد نفسه أمام النيل نظر فيه بعمق فرأى صورتها تهتز
داخل زُرقة مياهه ، رآها تبتسم بدلال ، بادلها الإبتسام ووقف على سور الكوبرى وهو ينظر
لصورتها بحب

وترك نفسه ليغوص في أحضانها ، يهوى إليها ، رآها عروسه التى طالما حلم بها ، رآها أمامه ،
الحب ، العشق ، الجنون ، بوسى

خلى المكان من أى صوت سوى صوت ذلك الجهاز الذى يضىئ بومضات تحمل صوتاً منتظماً ،
تلك هى الأنفاس التى تنعش قلبه الذى لايزال ينبض بعد كل ذلك المجهود الذى بذله الأطباء
لإبقاءه على قيد الحياة

جسد جامد ، شبه ميت شبه حى ، أنفاس تدخل وتخرج دون حراك

كانت تقف تراقبه من خلف ذلك البلور ودموعها تغرق وجهها

رتبت المربية على كتفها بحنان واحتضنتها ، لترمى بوسى رأسها على صدرها وهى تنتحب ،
فهدتتها قائلة :

- متخافيش يا حبيبتي ان شاء الله هيخف ويبقى زى الفل

فترد من بين دموعها :

- يارب يادادة يارب

- هو مش الدكتور طمنك عليه ؟

- ايوة بس شكله صعب اوى كدة

- متقلقيش هيفوق قريب يا حبيبتي

- ازيك يا تامر
- الحمد لله ياعم ، خير اية اللى حدفك علينا ؟
- ابدأ جاي اشوفك ، يعنى قلت اواسيك فى محنتك ، مش احنا صحاب برده ؟

نظر له بلا مبالاة قائلاً :

- محنة اية يا سئيل ؟
- ياعم انت اية لحقت تنساها ، اللى كان يشوفك معاها يقول واقع ، دة انت طلعت مصيبة

ليرد وملامح الدهشة تغمر وجهه :

- انت تقصد اية بالظبط ؟
- ياعم بوسى حبيبة القلب سمعت انها اتجوزت امبارح

لتظهر المفاجأة على وجهه وهو يقول :

- اتجوزت ؟ ازاي ؟
- انت متعرفش ؟

ليقوم من مكانه وهو يظهر عليه الغضب ، فيصيح به صاحبه قائلاً :

- طيب قولى رايح فين ؟

كان سؤاله بلا مجيب ، فقد إختفى كلمح البصر ، ركب سيارته وهو في غاية الضيق ، طلب رقمها للمرة التي لا يعرف عددها منذ أن علم برجوعها إلى البيت بعد إختفائها المفاجئ يوم حفلة شيرى ، جاءه الرد مرة أخرى بأن الهاتف مغلق زفر بضيق وهو يضغط على أزرار هاتفه مرة أخرى ، ليأتيه ذلك الصوت الأثوى بعد رنين إستمر لفترة :

- ايوة يا تامر عايز اية ؟ مش خلاص قولت لبوسى ؟

ليرد وكأنه لم يسمعها :

- هى بوسى اتجوزت ؟

لتصفعها المفاجأة ، فهمى لا تعلم هل تحزن وتحقد عليها ، أم تسعد لبعدها عن محيط ياسر بزواجها ؟

ردت بذهول :

- اتجوزت ؟

- كلمتها بعد مارجعت ؟

- لا

- انا سمعت انها اتجوزت امبارح ، وموبيلها مقفول ، وهتجنن مش قادر عايز اعرف اية اللى حصل ؟

لم يسمع الرد ، ولم تسمع هى ما قاله لها ، فقد كانت السماعه على أذن ياسر الذى إنتزعها من يد شيرى من برهة ، ثم أغلق الهاتف وإستدار لها وهو في قمة غضبه قائلاً :

- هى مين دى اللى اتجوزت ؟

لم تكن قد فاقت من صدمتها الأولى حينما فاجأها بوجوده حتى تستطيع أن تجيبه

ضغط على ذراعها بيده بقوة وهو يقول بلهجة مخيفة :

- مين دى اللى اتجوزت ؟

قالت بصوت مرتعش وبحروف مهزوزة :

- بوسى

إزدادت يده فى قسوتها على ذراعها وهو يصيح :

- انت متأكدة ؟

أماءت برأسها نافية وهى تتألم من قبضته ، أرسلها بقوة لترطم بالحائط لينزل مهرول إلى

سيارته ليقودها وهو لا يرى أمامه

كانت الصدمة شديدة وأكبر ما فيها المفاجأة ، تلك الصفعة التى جعلت الجبل العتيد يهتز

كان وقعها عليهما واحد ، فهما أحباها رغم قسوة قلوبهما ، رغم عدم معرفتهما لما يعتمل داخل

قلبيهما

فكل منهما أرادها لغرض فى نفسه ولم يعلما بأمر قلبيهما إلا بعد أن فات الأوان

لقد أصبحت ملكاً لآخر ، ومن هو ذلك الآخر لى يفوز بها ؟

وكأن الله أراد أن يحميها من أحمد لى يظهرها هذان الذئبان يحومان بعالمها من جديد

فالنار كانت تأكلهما منذ أن علما بأمر زواجهما فأحدهما كان يمتلكها وأضاعها من يده ،
والآخر كاد أن يمتلكها لولا مشيئة الرحمن التي أنقذتها من يده

الطبيب :

- مينفعش غير واحد بس اللى يدخل دلوقتي

فنظرت والدة حسام إلى بوسى وهى تقول :

- ادخلى انتى يا حبيبتي ، بس أمانة عليكى تبطلى عياط يا بنتى

أماءت برأسها بايجاب ، ودخلت غرفته بعد أن إرتدت كمامة وغطاء للرأس ، كان قلبها يخفق
بشدة ، كانت تتمنى لو يصحو قليلاً لتطمئن عليه

لم تكن تشعر بنزول دموعها بعد أن جاهدت بمنعها إعمالاً بوصية والدته لها ، كانت تتأمله
بحب ، نعم هو الحب الذى إستغريته من نفسها ، كانت تظن أنها تحب تامر لكن شعورها
نحو حسام مختلف

هل هذا هو الحب إذن ؟

وضعت يدها على يده تتحسسها بأناملها ، تبعث له رسالة شوق ، تحثه على البقاء بجانبها

لا تتركنى يا من شعرت بالحب معه

شعرت بأنامله تنبض بحركة خفيفة تحت يدها ، حدقت بعينها فيه وفي يده رآته يحرك يده
مرة أخرى

قالت بشوق :

- حسام ، حسام انت سامعنى ؟

حرك يده فأمسكت بها وهى تقول :

- حسام انت فقت ؟

حاول تحريك رأسه بضعف إلى أن وجهها ناحية صوتها ، وبصعوبة شديدة جاهد لفتح عينيه ليقع بصره عليها وهى تبتسم من بين دموعها وهى تقول بسعادة :

- الحمد لله

حاول أن يتحدث ولكن يبدو أن الأمر كان مؤلم ، فإكتفى ب :

- متعيطيش

أماءت برأسها فى إيجاب وهى على نفس حالتها

دلقت الممرضة وهى تقول :

- كفاية كدة يا مدام عشان راحة المريض

قالت لها :

- دة فاق

قالت الممرضة وهى تشير لها ناحية الباب :

- الحمد لله ، طيب اتفضلى حضرتك وانا هنادى الدكتور يشوفه

خرجت ولازالت عيناها معلقة بعينيه التى كانت تنظر لها بحب

جاء الطبيب وفحصه وطمئنهم على حالته ، وسعد الجميع بالخبر

بعد عدة أيام قضاهم بالمشفى عاد سالمًا إلى المنزل

كان يتوسد فراشه وحوله بوسى ووالدته والمربية

ضحك وهو يقول :

- انا كان لازم اعيان من زمان ، عشان اجر ب عيشة الملوك

لتقول والدته مسرعة :

- اخس عليك يا حسام ، بعد الشر عنك يا حبيبي ، ربنا يحميك

قال وهو يحتضن بكفه كف بوسى التى كانت تجلس بجانبه على الفراش :

- اصل بصراحة اللى بشوفه منكم اليومين دول ، مكنتش احلم بيه

قال كلمته الأخيرة وهو يضغط برفق على يدها ، فنظرت له رأتة مبتسماً ، فإبتسمت بخجل ،

وأشاحت بوجهها عنه موجهة حديثها إلى المربية قائلة :

- جهزى يا دادة لحسام الغدا

فردت وهى تهتم بالرحيل :

- حالاً يكون الغدا جاهز

فلحقتها والدة حسام وهى تقول :

- استنى ها جى اقولك بيحب شوربة الخضار ازاي

وخرجا من الغرفة ، فهمس حسام بأذن بوسى قائلاً :

- وحشتيني

أجفلت لكلمته وحاولت أن تخلص يدها من يده فمنعها وهو يقول :

- انا مش مصدق انك كنتي عايزة تحميني وقتها

لازت بالصمت وهي تشعر بمزيج من المشاعر المختلطة تجتاحها فجأة

إستطرد قائلاً :

- شفت في عينك وقتها نظرة خلتنى اتمنى لو كنت واجهت الموقف دة من زمان ، عشان

أشوفها في عنيكي

نظرت له بأسى وهي تقول :

- بلاش تفتكر اللى حصل ، عاوزة انساها

مسح على شعرها وهو ينظر لها بحب قائلاً :

- متقلقيش طول ما انا جمبك

إبتلعت غصتها وهي تومئ له بإيجاب وهي تحاول أن تخفى عنه مخاوفها

كانت في غرفتها في المساء بعد أن ناموا جميعاً ، كانت ترتجف من الخوف وعيناها مسلطة على

الشباك ، تنتظر دخوله منه كالمرّة السابقة

قامت ونظرت منه كان كل شئ كما هو ، الحديقة خالية من أى شئ غريب ، كما أن الحارس الذى كلف حسام منصور بإحضاره يجلس متيقظاً لحراسة الفيلا من أى متطفل

أخذت نفساً عميقاً تهدأ به نفسها ، أغمضت عينيها فى هدوء لتستجمع قواها

قالت فى نفسها : لا داعى للقلق بوسى ، أنت فى أمان الآن

إستدارت لتقع عينيها على قطعة الأرض التى سقط حسام عليها إثر إصابته ، شعرت بالهلع

تحركت بسرعة خارج غرفتها ، فقد تحملت أكثر من طاقتها

مشت بين الغرف فى حيرة ، كانوا جميعاً نائمون المربية ، والدة حسام التى أصروا أن تبيت

معهم لبضعة أيام حتى يسترد حسام عافيته

وصلت لغرفة حسام مدت يدها لتفتح الباب ، ثم تراجعت مرة أخرى ، أغمضت عينيها فى ألم

لتتذكر شكله وهو مجروح عندما سقط عندها بالغرفة

قلقت من أن يكون حدث له شئ ، فقد أصبحت أعصابها لا تحتمل ، فتحت الباب ودخلت

وأغلقت خلفها ، مشيت بخفة حتى لا توقظه حتى وصلت إلى فراشه ، رآته ينام متدثراً داخل

فراشه ، تنهدت فى راحة لرؤيتها له سالماً

كانت تستغرب حالها ، لما تشعر بذلك الشعور نحوه ؟

متى حدث ؟ وكيف حدث ؟ متى تسلل إلى قلبها خلسة ؟ فى غفلة منها ، أم بارادتها ؟

كل ما كانت تدركه أنها سعيدة بوجوده فى عالمها

إبتسمت لرؤيته ينعم بنومة هنيئة فى فراشه ، كادت تستدير لترحل ، لكن شيئاً تعلق بيدها

ليوقفها ، إنها يده التى تعلق بكفها

نظرت إليه بإرتباك حوله هو إلى مشاعر مختلطة حينما قرب كفها من فمه وطبع عليه قبلة
في صمت

قالت بحروف متلعثمة وبقلب يخفق بشدة :

- انا كنت جاية اطمئن عليك

ليجذبها حتى تجلس جواره وهو يقول :

- منمتيش ليه لحد دلوقتي ؟

كانت ترتعش من داخلها من فرط توترها ، حاولت أن تفتح فمها لتخرج الحديث بصعوبة ،
شعر بها فقال برفق :

- انتي لسة خايفة ؟

أماءت برأسها في إيجاب وهي تخفى دمعة تحاول أن تهرب منها ، ولكنها سقطت منها دون أن
تشعر ، مد يده ليمسحها وهو يقول :

- متخافيش طول ما انا معاكى

- أنا أسفة انى صحيتك بس كل ما ادخل الاوضة افتكرا الى حصل ، بشوفه قودامى

أكنه بيحصل دلوقتي

جذبها إليه ليأخذها بحضنه وهو يقول :

- متخافيش أحنا بخير ، ومفيش حاجة تانية هتحصل

إستطرد وهو يلتمس خصلات شعرها وهو يبتسم :

- وكمان السرير هنا كبير وانا معنديش مانع أبداً ان أوضتى تنور الليلة

رفعت رأسها تنظر له على إستحياء

فقال برجاء :

- عشان خاطرى تنوريها بقى

إبتسمت بحياء ، وإستسلمت لطلبه ، ولنداء عقلها طلباً للأمان ، ونداء قلبها طلباً لقربه

أما هو فنام وعلى وجهه إبتسامة رضا لأنها كانت آخر ما رأته عينه قبل أن يغمضها إستسلاماً
للنوم

الفصل الثاني عشر

إستيقظ في الصباح ليجدها تنام بجانبه في سكون ، بدأ يتأملها بابتسامة تزين وجهه ، عدل من وضع خصلة تنزل على وجهها ، شعرت بيده ، ففتحت عينها ليقع بصرها على وجهه المبتسم ، فابتسمت بحياء ، فقال :

- اسف انى صحيتك

فقالت بمرح :

- كدة نبقى خالصين

فتعالى ضحكاته ، فتهم بمغادرة الفراش فيفتعل الألم وهو يضع يده مكان الجرح ، فتنظر له بلهفة قائلة :

- مالك يا حبيبي ؟

ليبتسم وهو يجذبها إلى حضنه وهو يقول :

- كنت متأكد انك هتقولها ، بس مكنتش اعرف انها هتكون حلوة اوى كدة

إبتعدت عنه وهى تقول بمرح :

- بس خليك فاكر اننا كدة مش خالصين

فتحت خزانها وهي تتأمل ملابسها التي تشتريها بأموال طائلة يبعثها لها أبها ، فهو لا يبخل عليها بشئ كل طلباتها مجابة ، ما ينقصها هو شئ واحد وجوده ووالدها في حياتها ، هو يرى أن هذا شئ ضئيل لا يهم

وها هي مقتنيات الثمينة حولها في كل مكان ، لها وحدها ، فهي وحيدة في هذا المكان رغم كل ما يحمل من متع لكنها لا تشعر بأى منها

كل ما تشعر به هو الوحدة ، الضعف ، الخوف

ثارت على كل شئ بدأت تخرج كل شئ من خزانها وترميها على الأرض وهي غارقة في دموعها

كانت لا ترى أمامها وهي تصرخ وتطيح بكل ما يقابله

فجأة إرتطمت بصدرة وهو يقف يحدق بها في ذهول لرؤيته لها على هذه الحالة

رفعت رأسها لتراه ، فلم تلبث إلا أن أسندت رأسها على صدره وبدأت في نوبة بكاء أخرى ، فما

كان منه إلا أن أحاطها بذراعه وهو لازال على ملامحه الجامدة

بعد فترة هدأت ورفعت رأسها بعيون تترجاه أن يظل معها ولا يتركها ، ولكن خاب أملها

عندما فتح فمه قائلاً بوجه جامد لا يحمل أى مشاعر :

- مش عايزك تقطعى علاقتك بيها

نظرت له بدهشة قائلة :

- مش فاهمة

نظر بعينها وهو يقول بحدة :

- عايز علاقتك تفضل كويسة مع بوسى ، عايز أعرف اخبارها كلها هي وجوزها

بصوت محسور ، وقلب مكسور ، قالت :

- انت عايز منها اية تانى ؟ هي مش خلاص اتجوزت ؟

أمسكها من ذراعها بقوة وقد جل الغضب يتراقص على وجهه ، وهو يقول بوعيد :

- اللى انا اقوله انتى تنفذه من غير اى كلام ، مفهوم ؟

أماءت برأسها بايجاب وهي تشعر أنها قد سقطت فى بئر ولا مفر ولا منقذ منه إلا إليه

فهو النور والظلام ، الرحمة والوعيد ، السعادة والشقاء ، الجنة والنار

جلس تامر على الأريكة وهو ينظر إلى الصور بيده بحسرة ، كم كانت أيامهم معاً سعيدة ، لم

يعرف قيمتها إلا بعد أن خسرها

أعترف أنى أحبك يا من سكنت القلب والوجدان

لم تعد غايته الثأر من شيرى ، يريد بوسى فقط

نظر أمامه بوجوم وهو يقول :

- وزى ما كنتى فى حضنى هاعرف ازاي ارجعك لحضنى تانى يا بوسى

كانوا يجلسوا على مائدة الطعام جميعاً ، فقد أصر حسام أن يجلس معهم ويخرج من غرفته

فقد مل مكوته الدائم بها ، وتبرم من مذاق الطعام بها ، فهو يريد صحبتهم وقت الطعام

كانت السعادة تخيم على المكان ، والإبتسامة تزين وجوههم جميعاً ، طلبوا من المربية أن تشاركهم المائدة

بعد الإنتهاء من الطعام جلسوا بغرفة المعيشة يتبادلون المزاحات والضحك حينما رن جرس الهاتف ، فذهبت المربية لترد وجاءت به لحسام قائلة :

- حضرة الضابط عايزك على التليفون

أمسك حسام التليفون في ظل إنتباه الجميع وتعلق أنظارهم به ، ظهر على وجهه ملامح الدهشة المصحوبة بالضيق وهو يتمتم ببعض الكلمات الموجزة التي لا يفهم منها ما يقوله الطرف الآخر ، ثم أغلق الخط وهو ينظر في أعينهم ويقول بأسى :

- أحمد انتحر

دهش الجميع لما سمعوه ، وأجهشت بوسى بالبكاء وهي غير مصدقة لما حدث ، في حين شعر حسام بالضيق لما رآها على هذه الحالة

فإستأذن وصعد غرفته ، هو وشيطانه الذي يحاول أن يفرق بينه وبين زوجته

كان يجلس على فراشه بوجه عابث ، فقد تمكن منه شيطانه وجعله يستشيط غيظاً

سمع طرقات على الباب ، ويليه صوت والدته من الخارج تقول :

- انت لسة صاحى يا حسام ؟

ليرد قائلاً :

- ايوة يا ماما اتفضلى

فتدخل وتغلق الباب خلفها ، ثم تقول :

- شفت النور منور عرفت إنك لسة صاحى منمش
- اتفضلى يا امى

فتجلس بجانبه على الفراش وهى تقول :

- مالك يا حبيبي ؟ فى حاجة تعبائك ؟
- الحمد لله يا امى ، انا بخير

لتقول وهى تنظر بعينيه تحاول إختراق عقله :

- عليا انا برده الكلام دة ، دة انا أمك اللى حافظاك

فيصمت ، فتتابع وهى تمسك بيده :

- متخليش الشيطان يلعب بيك ، الخبر كلنا اتفاجأنا بيه

ليرد مسرعاً بنبرة عصبية :

- اتفاجأنا ، بس معيطناش وزعلانا اوى كدة ، دة كان عايز يموتنى من يومين ، ازاي

تزعل عليه كدة ؟

لتضع يدها على صدرها وهى تشهق قائلة :

- بعد الشر عليك يا حبيبي

ثم تبتسم وهى تقول :

- اية ؟ بتغير ؟

ليهز رأسه يمينا ويساراً وهو يزفر بغیظ ، فتقول :

- يابني كل واحد وله رد فعل ، انت كمان هتحاسبها على رد فعلها ؟
- رد الفعل بيبين اللى جوانا
- اه دة الشيطان شايف شغله معاك تمام

ليشيح بوجهه وهو يشعر بالضيق ، فتمسح على رأسه وهى تقول :

- الانتحار دة مش حاجة سهلة ، وبعدين دة واحد كان عايش معاهم بقاله خمس سنين
- يعنى اية بقى ؟ كان اخ عزيز عليها ؟
- يابني متظلمهاش ، انت عارف انها حساسة واكيد الخبر كان صعب عليها

قامت لتغادر وهى تقول :

- استهدى بالله ، ومتخليش الشيطان يهيا لك حاجات مش موجودة ، وانا وانت متأكدين من كدة

أماء برأسه وهو مازال على ضيقه ، خرجت وتركته ، بدأ يفكر ملياً فى حديث والدته ، وقرر أن ينسى ما حدث وكأن شيئاً لم يكن ولا يدع الشيطان يتلاعب به

كانت تنتحب فى حضن مربيتها ، وهى تقول :

- انا مش عارفة اية اللى بيحصلى دة ؟ انا حاسة انى فى كابوس ، مش عارفة ليه الدنيا اتقلبت فجأة بعد موت بابى ؟ حاسة انى بحلم ، مش دى الحياة اللى كنت عايشها فى حضن بابى ، ليه خطفنى ؟ وليه كان عايز يموت حسام ؟ وليه انتحر ؟ ليه كل الحقد

ددة ببقى فى قلوب البشر؟ انا تايه حاسة انى فى دوامة ، مخنوقة مش قادرة اتنفس ،

عايزة اخرج من اللى انا فيه

رتبت على رأسها المربية وهى تقول بأسى :

- هى دى الدنيا يا بنتى فيها الحلو والوحش ، انا بحمد ربنا ان الاستاذ حسام جمبك

نظرت لها بوسى بحب قائلة :

- ربنا يخليكى انتى كمان يا دادة ليا ، انا بجد مش عارفة من غيرك كنت عملت اية ؟

لتضمها مرة أخرى وهى تقول :

- يا حبيبتي انتى بنتى اللى مخلفتهاش

لتباغتها بسؤال :

- كنتى بتحبيها هى كمان ؟

نظرت أمامها بحزن :

- مفيش حد مكنش بيحبها ، ربنا يرحمها يا بنتى

قالت وهى تمسح دموعها :

- ربنا يرحمك يا مامى

الطبيب :

- لا دة انت بقيت زى الفل ، ما شاء الله

- يعنى ينفع ارجع الشغل بقى ؟

ليضحك وهو يقول :

- مستعجل اوى على الشغل كدة ليه ؟

- اصل بصراحة مش متعود على قعدة البيت خالص ، وكمان حاجات كتير وقفة فى

الشغل بغيابى

- خلاص ياسيدى تقدر ترجع الشغل

غادر الطبيب ، ودخلت بوسى إليه الغرفة وهى تقول بسعادة :

- مبروك

فقال بحب :

- عقبال اللى فى بالى يارب

كادت أن تهرب من أمامه لولا أنه باغتها بسؤاله :

- مقولتليش ، عايزة تقضى شهر العسل فىين ؟

صممت وظلت ناظرة له بمزيج من الخجل والدهشة

إقترب منها ، واحتضن كفيها بين يديه ، وقال :

- اصلى بصراحة ناوى اضبط الشغل فى الشركة ونسافر بعدها على طول ، انا عارف اننا

متجوزين من مدة بس انتى عارفة بقى اللى حصل

قالت بتوتر :

- بس ، احنا اتفقنا يعنى قصدى انت قلتلى يعنى

رفع وجهها بأنامله وهو ينظر بعينها قائلاً :

- اية ، مش عايزة تسافرى معايا ؟ متخافيش مش هعضك

نزعت نفسها من بين يديه وهى تقول بتحدى :

- مش خايفة ، بس كل الحكاية انك فاجأتنى وانا مكنتش فاكرة اننا هنسافر

رد بعند مماثل ، فقد أعجبتته تلك اللعبة :

- والله براحتك ، لو حبة متسافريش اوكى

قالت وهى تهتم بالمغادرة :

- لسه هرتب نفسى واقولك

إبتسم وهو يرى ذلك العناد الذى يطل من عينها ، وقال فى نفسه :

- تمام يا بوسى ، خليكى فاكرة ان انتى اللى ابتديتى

لم تعلم لما قالت هكذا ولكنها إستشعرت فى حديثه بعض التسلط وهى غير معتادة على هذا

الأسلوب

لقد أيقنت أنها وقعت بحبه ، لكنها لا ترغب بحب يكسرهما ، يجعلها طوع لأخر ، يجعله يتحكم

بها حتى لو بإسم الحب

مرت الأيام وبدأ حسام يذهب لعمله ، وهى لم تغادر المنزل من وقتها ، كانت تشعر بالملل ،
 طرقت باب غرفة المكتب وجدته غارق فى أوراقه ، فقد قرر أن يتركها بحريتها وألا يضغط عليها
 بتطفله على حياتها ، وإنخرط فى عمله حتى يحاول أن يشغل نفسه عنها
 إبتسم حينما رآها ، ونزع نظارته ، وهو يقول :

- المكتب نور

جلست أمامه وهى تقول :

- انا كنت جاية اقولك انى كلمت شيرى صاحبتى وهروح النادى معاها

تغيرت ملامح وجهه ليظهر عليه الضيق وهو يقول :

- انا مش عايزك تقابلى الشلة بتاعتت زمان دى تانى

لتقف وهى تقول بحدة :

- لية بقى ان شاء الله ؟

ليقول ببعض الجمود :

- عشان انا عايز كدة

- واية دخلك انت فى الموضوع دة ؟

فيقوم ليقف أمامها ، وهو يقول :

- دخلى حاجة بسيطة اوى ، انا بس مجرد جوزك

- انت مش جوزى واحنا اتفقنا على كدة من الاول ان جوازنا هيبقى على الورق بس ، وانا متأكدة اصلاً انك عايز تتحكم فيا وبس

نظر لها ببعض الغضب قائلاً :

- اولاً انا جوزك شرعاً وقانوناً ، ثانياً انا متفقتش معاكى على حاجة من دى خالص ، واللى انا قلته هيتنفذ ، مفيش خروج برة البيت غير معايا ، تسميه تحكم بقى مش تحكم ، انتى حرة

- دة انا فى سجن بقى ؟

تركها وغادر المنزل بعد كلماته الأخيرة لها :

- افهمى زى ما تفهمى اللى قلته هيتنفذ

تسلط ، دكتاتورية ، غضب ، عصبية ، أشياء لم تعهدها من قبل أى شخص تجاهها

فهي لم تعهد سوى الدلال و الطاعة لأوامرها من من حولها

فجأة وجدت نفسها مرغمة أن تنفذ أوامر ذلك الشخص

حتى ولو كانت تحبه ، فلن تسمح لهذا الحب أن يكسرها ، يجعلها كقطعة من العجين يشكلها هو كيف يشاء

نظرت لنفسها بالمرأة وهي تقول بتحدى :

- مش بوسى اللى هتكونلك جارية يا حسام

الفصل الثالث عشر

مثل كل صباح يرتدى ملابس ليذهب إلى عمله ، لم يلتقى بها منذ ليلة أمس عندما تركها وغادر المنزل لينهى حديثه معها بكلماته الحادة وبأمرها بتنفيذ ما يمليه عليها دون نقاش كان يعلم أنها لن تستسلم بسهولة ، وأن المعركة بينهم لم تنتهى ولكن كان عليه أن يتوسم بالصبر والمثابرة وقوة التحمل

لكنه لم يتخيل أبداً ما فعلته تلك القطة المشاكسة

فقد كان في إجتماعه مع مدراء الشركة ، وكان جميع الموظفين على مكاتهم منشغلون بالأوراق أمامهم

حينما إنتهوا جميعاً لهذا الصوت المنتظم لقرعات كعب حذاءها وهى تمر أمامهم متوجهة إلى غرفة زوجها

كان أثر عطرها فقط قادر على إفتان العشرات ، كانت تمشى غير مبالية بقلوبهم التى تركت صدورهم وراحت تركض خلفها ، ولا بأعينهم التى تأكلها

سحرتهم جميعاً النساء قبل الرجال بثوبها الأحمر الخلاب الذى يكشف عن ساقها لتشق الطريق بكبرياء أنثى تعلم مدى قوة تأثيرها عن من حولها

إستقامت تلك الفتاة النحيلة من على مقعدها وهي تنظر لها في ذهول ، لم تكذ تتحدث حتى
باغتها بوسى قائلة باستعلاء :

- الاستاذ حسام موجود ؟

ردت الفتاة وهي لازالت على دهشتها قائلة :

- موجود ، بس عنده إجتماع

قالت وهي تهيم بالدخول إليه :

- اوكى

إعترضت الفتاة طريقها وهي تقول :

- يا فندم مينفعش ، قلت لحضرتك عنده إجتماع

قالت دون أن تهتز لها شعرة :

- انا مدام بوسى صاحبة الشركة

وتركتها تائهة في حروف كلماتها ودخلت الغرفة

نظر الجميع إلى من يدخل عليهم الإجتماع هكذا دون إستئذان

صدم حسام لرؤيته إياها أمامه داخل الشركة ، وكاد أن يفقد عقله من شكل ملابسها

إستوعب الأمر سريعاً ، وأصرف الحاضرين

أما هي فجلست في ترفع على المقعد المقابل لمكتبه وهي تضع قدماً فوق أخرى غير مبالية
بالشرر الذي يتطاير من عينيه

قال وهو في قمة غضبه وهو يضغط على حروف كلماته :

- اية بدلة الرقص اللى انتى لبساها دى ؟

خفضت رأسها لتنظر إلى ثوبها وقالت بسخرية :

- دة فستان يا حسام مش بدلة رقص

قال وهو يجمع أشياءه من على المكتب لهم بمغادرة المكان :

- اطلعى قودامى دلوقتى حالاً عشان هنروح

لم تتحرك وقالت ببرود :

- بس انا لسة جاية ومش عايزة امشى دلوقتى

إنحنى على مقعها وهو يقول بحدة ونبرة لم تختبرها منه مسبقاً :

- سمعتى انا قلت اية ؟

أفزعتها نبرته ، وألهبت وجهها تلك النار التي تخرج من أنفاسه

حاولت أن لا تظهر خوفها أمامه ، قامت وعدلت من خصلات شعرها بطريقة متكبرة ومشيت

أمامه بقلب يرجف وخطوات كادت أن تكون متعثرة لولا أنها حاولت أن تثبت أمام هجومه

كان يحاول أن يبعد بصره عن الموظفين حوله حتى لا يرى أنظارهم المصوبة نحو زوجته

أما هي فرغم خوفها منه لكنها حينما وصلت إلى الجراج إستدارت بتجبر مصطنع قائلة :

- ممكن تفهمنى انت بتعمل كدة ليه ؟ وازاى تتصرف معايا كدة اصلاً ؟

أشار بيده إلى السيارة وهو يستدير ليركب أمام المقود وهو يقول :

- اركبى

- مش هركب ، انا هروح بعربيتى

لم تشعر بنفسها من رعد صوته الذى زلزلها إلا وهى تجلس بجانبه لينطلق بالسيارة وهو فى قمة غضبه

كانت تحاول أن تثبت نفسها فى مكان الهجوم الذى إتخذته سببياً فى معركتها معه ، فلم يعد للتراجع مكان

وصلا إلى المنزل فإنطلقت تمشى بخيلاء أمامه متوجهة إلى غرفتها ، لم يلحقها ، دلف إلى مكتبه وإستعدى الحارس ، أمره بالألا يسمح لبوسى بالخروج من المنزل نهائياً

إحتسى فنجاناً من الشاى حتى لانت أعصابه وهدأ قليلاً ، توجه إلى غرفتها وهو يمد نفسه بالكثير من برودة الأعصاب حتى لا يجعلها تندم على فعلتها بطريقة قاسية

إرتجفت عندما سمعته يطرق الباب

لم ينتظر ردها ، فتح الباب ووقف ينظر لها بوجه جامد بعد أن أغلقه خلفه ، إبتلعت غصبتها وهى تنظر له بترقب

تحدث أخيراً قائلاً :

- قلتك قبل كدة ان زعلى وحش ومتحاوليش تزعلينى

ردت بغيظ فهى لم تتحمل تلك السطوة التى تظهر فى كلماته :

- واية كمان ؟ على فكرة لو كنت فاكر انك هتعمل عليا سى السيد تبقى بتحلم

إقترب منها وأمسك بذراعها بشدة وهو يقول بوعيد :

- لو عايزة تشوفي سى السيد فأنا عندى إستعداد أور هولك ، ومستعد كمان أكسرلك

دماغك دى

ظلت تنظر له بتحدى وهى تكتم ألمها من يده ، ظل يحدق بعينها هو الآخر

التحدى ، العناد ، أيهما سيكسر الآخر ؟ هل سترضخ القطة ؟ أم سيلين هو ؟

فها هى العيون التى تحمل المشاعر ، الآن تحمل السلاح

أخرجهما من حرب أعينهم الضروس ، صوت طرقات على الباب ، تركها وفتح الباب ليرى

المربية التى قالت :

- والدتك على التليفون يا استاذ حسام وموبيلك تحت فى المكتب

نزل مسرعاً ليرد على الهاتف ، فوالدته تركتهم بعد أن إطمئنت على حالة ابنها الصحية ،

وذهبت لتعيش فى شقتها القديمة بذلك الحى الذى تعشقه وجيرانها الذين تحبهم وتريد العيش

بجوارهم

أما المربية فنظرت إلى بوسى تحاول سبر أغوارها وهى تقول :

- طبعاً اتخانقتوا ، عشان خرجتى من غير ما تقويله ؟

لم ترد وجلست على فراشها والغضب يأكل فيها

فهمت المربية من غير أن تنطق بوسى بشئ ، جلست جوارها واحتضنتها وهى تقول :

- ريجى عقلك يا بوسى من التفكير ، حسام بيحبك وبيخاف عليكى

قالت وقد أسندت رأسها على صدر المربية :

- بيحبنى ازاي وهو عايز يحطنى فى سجن ؟

- سجن اية بس يا حبيبتي ؟ متقوليش كدة

إنقشع الغلاف الصلب الذى كانت تضعه على وجهها ، لتظر بضعفها أمام ذلك الحزن الدافئ ، لتقول من بين دموعها :

- مش عايزنى اخرج ولا اروح فى اى حتة ، حتى اصحابى مش عايزنى اقابلهم

رتبت على كتفها بحنان وهى تقول :

- طيب خلاص يا حبيبتي متزعليش ، وربنا هيفرجها

كان يوماً ملئاً بالعمل كعادته ، عاد متأخراً فوجد المربية لازالت مستيقظة ، حياها قائلاً :

- ازيك يا دادة ؟

- الحمد لله يا بنى

- بوسى نامت ؟

ردت ببعض الحزن :

- فضلت تعيط يا حبة عيني لغاية ما نامت

زفر بضيق وهو يجلس على المقعد ولم يتحدث ، فتابعت قائلاً :

- معلش يابنى هي غلطانة انها خرجت من غير ما تقولك ، بس هي حاسة انها محبوسة ونفسها تخرج شوية ، معلش حاول تخلها تخرج من الجودة
- حاضر يا دادة
- ربنا يباركك يابنى ويسعدكوا يارب

قال وهو بهم بصعود الدرج :

- متشكر يا دادة
- دلف إلى غرفته وبدل ملابسه ، توسد فراشه وهو يفكر بحبيبته المشاغبة ، وكيف له أن يروضها لترضح لما يريد ؟

في الصباح إستيقظ متأخراً فوجدها تجلس بجانب المربية ، فقال موجهاً حديثه للمربية :

- اعمليلي نسكافية يا دادة
- فردت عليه قائلة :
- مش هتفطر الأول ؟

قال بإبتسامة مشاكسة وهو ينظر لبوسى التي لم تنظر له منذ حضوره :

- والله انا جعان بس عايز حد يفتح نفسى ، بس انتو شكلكوا فطرتوا
- ردت المربية وهي تنظر لبوسى :

- بوسى لسة مفطرتش ، هحضرلكوا الفطار

قالت بوسى مسرعة :

- مش عايزة افطر

باغتها بإحتضانه لكفها بين أنامله ، وهو يقول :

- بس انا جعان وعايزك تاكلى معايا ، اهون عليكى اروح الشغل جعان؟

لم تنظر له وحاولت أن تنزع يدها من يده ، ولكنه منعها وقال وهو يقترب منها أكثر :

- انا عارف انك زعلانة ، بس مكنتش اعرف ان زعلك وحش زي

أشاحت وجهها عنه وهى تحاول أن تكتم تلك الإبتسامة التى تود القفز على شفيتها

تابع وهو مازال مبتسم :

- خلاص متزعليش بقى ، عشان خاطرى

لم تنبث بشفة ، فأدار وجهها إليه بأنامله ، ثم قال :

- انا مقدرش على زعلك ، والنهاردة لما أرجع من الشغل هنخرج سوا

أبعدت وجهها عن يده وهى تقول بوجه عابث :

- مش عايزة اخرج

قال بمرح :

- ممنوع الاعتراض ، انا سكت لما بوظتى سفريه شهر العسل ، المرة دى مش هسمحلك ،

هنخرج اول ما ارجع على طول

لم ينتظر ردها ، فجذبها من يدها متوجه لغرفة الطعام وهو يقول :

- يلا بقى عشان نفطر

كانت تشعر بالسعادة وهي تنعم بحنانه وعضوبة كلماته

مع وجود ذلك الصوت الذى كان بداخلها ، يذكرها دائماً بحياتها المتحررة السابقة

ولكنها أخدمته وهي تستعد لقدمه لكي يخرجها سوياً

طرقت المربية الباب وهي تحمل في يدها ثوب مغطى وهي تقول :

- انتى لبستى يا حبيبتي ، دة حسام جايبلك الفستان دة وهو جاى عشان تلبسيه وانتو
خارجين

نظرت بوسى لما في يدها بإبتسامة ، ثم أخذته من يدها ووضعتة على الفراش بسعادة ،
وفتحت سحاب الغطاء ليظهر ذلك الفستان الذى كان قطعة من السماء في لونه الأزرق ،
ولكن ملامح وجهها تبدلت عندما رأته طويل وذو أكمام ومعه شال من اللون الأبيض

وضعتة مرة أخرى على الفراش وهي تنظر للمربية بغيظ قائلة :

- البية كمان هيدخل في لبسى ، وعاييز يلبسنى على مزاجه

وغادرت الغرفة وهي في قمة غضبها ، بعد أن فشلت محاولات المربية في منعها من النزول إليه
وهي في تلك الحالة

كان في قمة أناقته وهو يجلس بانتظارها ، رآها تأكل الدرج بسرعة ، علم إنه سوف يدخل إلى
معركة جديدة توقعها

وقفت أمامه وهو لازال يجلس كما هو ، وقالت بقمة غضبها :

- انا مش هلبس اللبس اللى انت جايبه دة ، انت مش هتلبسنى على مزاجك

قال بهدوء :

- براحتك ، بس مفيش خروج من البيت غير باللبس دة ، واعملى حسابك هو دة اللبس

الى انا هاسمحك تخرجى بيه بعد كدة

- انا مش فاهمة انت عايز توصل لاية بالظبط ؟ ولو فاكر انك كدة بتذلى ، فانا بقى

الى مش عايزة اخرج

قالت كلماتها هذه وتوجهت مسرعة إلى غرفتها

أما هو فتوجه إلى غرفة المكتب وهو يشعر بالضيق ، بعد أن طلب من الخادمة أن تحضر له

فنجاناً من القهوة

صعدت إلى غرفتها وهي تشعر بالحزن ، فقد كانت سعيدة طوال اليوم ، ولم تكن تتوقع أن

ينتهى اليوم بهذا الشكل

نظرت بجانبها فرأت ذلك الفستان ، تحسسته بيدها وهي ترى أمامها شكل حياتها مع حسام ،

كل شئ يتحكم به حتى أدق خصوصيتها

دفن حاله داخل الملفات والحسابات ، فهو لا يريد أن يفكر فيما حدث ، فقد كان يحلم بليلة
حاملة يقضيها مع زوجته التى سكنت فؤاده ، مع إنه كان متخوف من رد فعلها لكنه كان يحسن

الظن بالله كما تعود ، ولكن الله أراد أن يختم ليلته بهذا الشكل

إنتبه على صوت طرق الباب ، فقال دون أن يرفع نظره من أوراقه :

- ادخل

ظلت عيناه داخل أوراقه ، كان يتوقع أن تضع الخادمة القهوة أمامه على المكتب ، لكنه إنتبه على صوتها وهي تقول :

- هتوديني فين ؟

رفع رأسه ليراها تقف أمامه وقد عقدت يديها على صدرها وقد إرتدت ذلك الفستان الذى أحضره لها ، ولفت حول رأسها ذلك الشال الأبيض ليجعل وجهها يضىء فى إشراق قفزت الإبتسامة على وجهه وقام ليقف أمامها وهو يصدر صغيراً لإعجابه بها ، إقترب منها وهو يهمس :

- اية الجمال دة كله ؟ انا شكلى هرجع فى كلامى ومش هخرج بالقمر دة برة البيت ،
وهاخبيه عن عيون الناس

حدقت به وهمت بقول شئ ، فقال مسرعاً :

- بهزر خلاص ، بس بجد زى القمر

نظرت له بتحدى وهي تقول :

- بس ياريت تبطل تحكيمات بقى

رد بحب :

- انتى بس اللى شايفها تحكيمات ، لكن الحقيقة انى بحبك وبخاف عليكى ، وعائز ربنا
يكون راضى عننا

أشاحت بوجهها في خجل ، ثم قالت :

- طيب يلا بقى عشان نخرج ، ولا هتضحك عليا ؟

إبتسم بسعادة وهو يأخذها إلى السيارة وهو يقول :

- يلا

قضوا ليلتهم بسعادة خارج المنزل ، كانت في قمة سعادتها وهو يغمرها بحنانها

كان يشعر أنه يملك الدنيا وما فيها وهي بين يديه

عادا إلى عشهما السعيد ، كانوا الجميع قد ناموا ، وما إن دخلوا حتى وقف أمامها وقال وهو ينظر بعينها :

- ممكن تكون تربيتنا وطباعنا مختلفة ، بس انا متأكد إن اللي جوا قلوبنا واحد

ظلت صامته ، فإستطرد وهو يلمس وجهها بيده :

- أنا فاهم عنيكى كويس وحافظها من وانتي لسة صغيرة ، عارف اللي انتى مخبياه وهي بتقوله

إقترب بوجهه منها ، كاد أن يقبلها لولا أنها بعدت عنه وهي تقول بقلب يخفق وحروف متلعثمة :

- انا هطلع انام ، تصبح على خير

هربت من أمامه لتصعد إلى غرفتها ، أما هو فظل ينظر لها حتى إختفت من أمامه وهو يقول
بشوق :

- وانتى من أهله يا حبيبتي

الفصل الرابع عشر

تقدم بخطوات ثابتة واثقة يشق الطريق الذى رسمه بحرفية ليصل إلى حلمه فهو لم يعتد قبول الخسارة بسهولة ، فقرر أن يواصل حتى يصل إليه ، وينتزع من براثن الأسد عدل من رابطة عنقه وهو يتسم لتلك الفتاة القابعة خلف الملفات ولم تنتبه لوجوده بعد قال بطريقة لبقة :

- الأستاذ حسام موجود يا أنسة ؟

إنتهت الفتاة لوجود ذلك الشاب الوسيم الذى يظهر عليه أثر الترف

قالت بوجه قد صبغ بحمرة الخجل :

- ايوة يا فندم ، أقوله مين حضرتك ؟

بترفع وغمزة من إحدى عينيه أخرج من جيبه بطاقة وأعطائها إياها قائلاً :

- معاكي ياسر الشامى رجل أعمال ، ودة الكارت بتاعى

مدت يدها تأخذ منه تلك البطاقة وقد أربكتها نظراته ، وتوجهت بخطى متعثرة إلى غرفة

حسام

أما ياسر فقد إتسعت إبتسامته لنجاحه في غرس طُعمه في تلك السمكة الصغيرة ، فهو صياد
ماهر لمثلها من الفاتنات

سمحت له بالدخول ، تقدم بخطى ثابتة وهو يقدم نفسه لحسام قائلاً :

- ياسر الشامى ، صاحب شركة الشامى للإستيرد والتصدير

مد حسام يده ليصافحه وهو يقول :

- أهلاً وسهلاً ، اتفضل يا فندم

فكانت الأيادى متشابكة في سلام لكن الله وحده هو العالم بخبايا القلوب ، وخاصة قلب
ياسرالذى لا يحمل الخير أبداً لحسام

كانت تسقى الأزهار وقد رُسم على وجهها تلك الإبتسامة التى لم تفارقها قط في الفترة الأخيرة

فها هى تحيا تلك الحياة التى لم تعيشها من قبل ، دفى لم تلتمسه من قبل ، حنان إفتقدته
بإفتقادها والدتها ، أمان فقدته بعد وفاة والدها ، حزن يغنيها عن الدنيا بأكملها

كل ما كان يقلقها ذلك الصوت الذى يصرخ بداخلها :

- هل هذا ما كنتى تعيشيه ؟ ما كنتى تتمنيه ؟ رجل تعيشى به وله فقط ، أين كيانك ؟

أين بوسى ؟

ولكنها كانت تخرسه سريعاً ، ولكنه كان دوماً حائلاً بينها وبين حسام ، يمنعها من الإقتراب أكثر
، يكفيها ما تشعر به معه ، لا تريد الإقتراب أكثر ، خوفاً من المستقبل

إنتهت على صوت المربية وهى تقول :

- بتعملى اية يا بوسى ؟

لترد بإبتسامتها المعتادة هذه الأيام :

- بسقى الورد يا دادة

- يا حبيتى تسلم ايديكى

فيرد من جاء لتوه :

- انا بحسده بصراحة

لينظرا إليه بإبتسامه ، فتقول المربية وهى تهتم للدخول إلى داخل الفيلا :

- حمد الله على السلامة يا بنى ، هروح احضركم الغدا

ليرد وعينه لازالت مسلطة على بوسى بإبتسامته الساحرة :

- الله يسلمك يا دادة

ويقترب من بوسى وهو يقول :

- بتعملى اية ؟

إكتفت بإبتسامه وهى تريه ما فى يدها ، ذلك الرشاش الذى أمسكه من يدها وهو يقول بمرح :

- دة مبيرشش كدة ، بيرش كدة يا ماما

قال كلماته هذه وهو يوجهه نحو وجهها وبدأ يرش على وجهها ورأسها

وهى تحاول الهرب وهى تصيح به أن يكتفى ، بدأت تركض هرباً منه وهو يركض وراءها وهما يتضاحكان ، أغمضت عينها وهى تركض وتحاول أن تلمس طريقها بدون رؤية ، إستدار ليصبح فى إستقبالها فوجدت نفسها ترتطم به حوطها بذراعيه وهما ما زالوا يتضاحكان كان ينظر لها بإشتياق ، أما هى فتاهت فى نظرات عيونه الساحرة إقترب بوجهه منها ولكنها أبعدت نفسها قليلاً عنه دون أن تستطيع فك حصار ذراعيه التى حوطتها وجعلتها أسيرته ، قال بهمس وهو ينظر بعينها :

- ليه دائماً بتهرى منى ؟

إبتلعت غصتها وهى تحاول الهروب من حصار نظراته فيكفيها حصار ذراعيه التى تمنعها من الهرب ككل مرة باغتها بسؤال آخر :

- لسة برده متعود تيش عليا ؟

قالت بصوت متقطع :

- مش كدة ، بس انا لسة يعنى مش مستعدة

نظر لها بحزن ، وتركها وهو يقول :

- اكيد براحتك خالص ، وياريت تسامحينى لو كنت ضايقتك

لم ترد فقط كانت تنظر له بخجل ، قبلها على جبينها وهم بالدخول وهو يقول :

- انا هدخل اغير هدومى قبل الغدا

ودخل إلى الفيلا وهو يحاول أن يخفى ما يشعر به من ضيق

مد يده بذلك الملف وهو يقول لتلك الفتاة :

- دة يتراجع كويس جدا يا سحر ، ويكون على مكتبي بكرة بالكثير

لتأخذه سحر من يده وهى تقول :

- حاضر يا أستاذ حسام ، بكرة ان شاء الله هيكون على مكتبك

وتوجهت إلى مكتبها وبدأت فى تصفح الملف فوقع عيناها على إسمه (ياسر محمد كمال الشامى) فوجدت نفسها تبتسم وهى تتذكره وهو ينظر لها بإبتسامته الجذابة

لم يعد يخرج من المنزل أو حتى يرى أحد من أصدقاءه ، يظل دائماً داخل غرفته يدفن نفسه بين ذكرياته معها ، رسائلها ، هداياها ، صورها

كان يتأمل صورها معه ويتذكر كم كان يشعر بالسعادة وقتها ، نظر أمامه فى وجوم وهو يمنى نفسه برجوعها إليه مرة أخرى

وقال فى نفسه :

- وحشتينى يا بوسى ، ولازم أرجعك لحضنى تانى بأى شكل وبأى طريقة

حاولت أن تخفى نظرة الحقد والكراهية بعينها وهى تقول للجالسة أمامها :

- بس انتى ازاي تقبلى تتحجى كدة بسهولة لمجرد انه عايز كدة ؟
- انا مش هنكرأنه غير حاجات كتير فى حياتى ، بس انا حالياً مش حاسة ان فيه حاجة ناقصانى ، بحس انه معوضنى عن كل حاجة فى الدنيا
- يا سلام ، دة اية الرومانسية دى ؟ دة انتى حتى مش بتيحى النادى ولا حد بيشوف وشك
- مهو بصراحة مش عايزنى اروح النادى من غيره ، وبعدين هو قالى لو حبة صحابى البنات يجولى البيت مفيش مشكلة ، واديننا اهوہ بنتقابل على طول ياشيرى
- اية التخلف دة ؟ انا مكنتش اعرف انه رجعى اوى كدة

نظرت نحوها ببعض الغضب وهى تقول :

- هو مش راجعى ، هو بس اتربى تربية معينة ومش حابب يخرج عنها

صممت وهى ترى الحب يخرج من عين بوسى ، ثم قالت :

- وشركتك اخبارها اية ؟

ردت بوسى باستغراب :

- كويسة
 - انتى بتروحها
 - لا ، حسام هو اللى بيدرها ، انا عمالاه توكيل بالادارة وهو المسئول عن كل حاجة
- إبتسمت بخبث وهى ترى أمامها نهاية هذا العش الجميل التى طالما تمننت أن تحظى بمثله مع ياسر لكن بوسى كانت دائماً تقف عائناً بينهما
- كانت تصرخ بداخلها :

- طالما لم أحظى أنا بتلك السعادة ، فلن أدعك تحظين بها أنتِ أيضاً

كان يشعر دائماً بتخوفها وتردها من الإقتراب منه رغم حياها له الذى كان يتجلى بعينها
 لم يرد التسلل إليها عنوة ، فقط تركها لترسى على بره عندما تشعر بالرغبة فى ذلك
 حاول أن يعرف من تصرفها سبب تردها ، لكنه فشل
 فقرر أن يحاول أن يعتد وجودها بقربه مع المحافظة على تلك المسافة التى وضعتها كحد
 فاصل بينهما ، كان قلبه يتحسر وهو يراها كالفراشة التى تطير بين الأزهار اليانعة ، يخفق
 قلبه لرؤيتها ، يتمنى لو يرتوى من رحيقها الخلاب
 لا تخافى منى يا حببتى ، إقتربى دون تردد ، فقد أضناني الفراق ، لم أعد أقوى على تحمل
 بعدك ، أنا قلبٌ ملىءٌ بالشوق فتعالى وأنعمى فيه بشوق ليالى عاشها وحيداً فى الظلمة مشتاق
 لقمرك لينيرها

سمع طرقات الباب فسمح للطارق بالدخول ، فكانت سحر بيدها الملف وهى تقول :

- تمام يا فندم ، انا راجعت الملف والصفقة مفهياش اى شئ ناقص

أخذ منها الملف بوجه عابث دون أن ينتبه لما تقول ، فاستطردت قائلة :

- تحب حضرتك اتصل بالاستاذ ياسر ، ابلغه بقرارك

- اه خلاص اتصلى بيه وبلغيه بموافقى على الصفقة

- تمام يا فندم

توجهت مسرعة إلى مكتبها وهي في غاية السعادة وقلبيها يرجف لإنها سوف تسمع صوته ، فقد فتنها بطلته وأسلوبه الساحر في الحديث رغم الدقائق القليلة التي إلتقت فيها به ، رفعت السماعه على أذنها بعد أن سجلت رقم هاتفه الذى نقش في عقلها منذ أن رأته لأول مرة ، إنتظرت الرد حتى جاءها :

- الو

قالت بقلب يرقص طرباً :

- الو ، معاك سحر مدكور مديرة مكتب الاستاذ حسام نور الدين مدير شركة نور الدين للإستيراد والتصدير

قال بوجه مبتسم وقد تذكرها تلك السمكة الصغيرة التي باتت في طرف سنارته ولا يبقى سوى أن يجذبها لتصبح ملكه :

- اهلا ، ازيك يا انسة سحر ، مش انسة برده ؟

قالت ببعض الخجل :

- ايوة يا افندم ، انا كنت متصلة ابغ حضرتك ان الاستاذ حسام في انتظار زيارة حضرتك عشان تتفقوا على الصفقة

ظهرت على وجهه ملامح الانتصار جلية وهو يقول :

- عظيم جدا ، وانا بصراحة كنت منتظر تليفونك على احر من الجمر ، بصراحة شركتكم حلوة اوى وهوها يرد الروح ، والواحد ميشبعش منها أبداً

شعرت بتلميحه بالإطراء عليها ، وقالت بسعادة أنثى ساذجة :

- حضرتك اكيد هتنورنا يا فندم

كان يمشى بخطى سريعة نوعاً ما بوجهه الذى كان يحمل الشر ، كان مرتبكاً قليلاً ، ركب سيارته وجلس خلف المقود ، نظر بعينه إلى بوابة تلك البناية التى خرج منها لتوه وهو يعلم أن قنبلة التى أشعل فتيلها منذ دقائق وألقاها بالداخل سوف تنفجر الآن

فقد أهلكه التفكير إلى أن هداهه شيطانه إلى تلك الخطة الماكرة ، فالغاية تبرر الوسيلة فى تلك الغابة التى يعيش فيها أمثاله بعيداً عن دنيا البشر

لم ينم طوال ليلته حتى ينهى مهمته ، ثم قام وتوجه إلى شركة نور الدين ليكمل ما بدأه

فقد قرر أن يعيدها إليه مهما كانت الطريقة

كان غارقاً فى عمله ، حينما سمع صوت طرقات على الباب ، فقال :

- ادخلى يا سحر

دخلت وهى تمد يدها بمظروف وهى تقول :

- الخرف دة فى واحد سابه لحضرتك تحت على البوابة

قال بلا مبالاه وهو يعود مرة أخرى لأوراقه :

- تمام ، حطيه هنا وروحى انتى

غادرت بعد أن وضعت أمامه على المكتب

أنهى عمله ، وقرر الرجوع إلى المنزل لينل قسطاً من الراحة ، بدأ في جمع أشياءه فوجد ذلك المظروف فتحه ليقع قلبه في إخمص قدمه من هول ما رأى

كان يحوى لبعض الصور لزوجته بوسى مع تامر في أوضاع مخلة وملابس فاضحة
كان يحدق بالصور والشرر يتطاير من عينه

لا يعلم كيف وصل إلى سيارته وقادها بسرعة عائداً إلى المنزل

وما إن وصل حتى صعد الدرج مسرعاً إلى غرفتها ، كانت تتوسد فراشها وفي يدها بعض
المجلات التي تطالعها في هدوء

حينما إقتحم الغرفة دون سابق إنذار وأغلق الباب خلفه ليقف أمامها والشرر يتطاير من
عينه ، أجفلت من فعلته وأفزعها رؤيته بتلك الملامح التي لم تراه عليها من قبل

لم تكذ تستقبل تلك المفاجأة حتى سمعت صوته الهادر وهو يقول :

- دلوقتي بس عرفت انتى ليه بتبعدى عنى

كانت تنظر له بدهشة وعينها محدقة في وجهه

أفرغ محتويات المظروف الذى كان يمسكه بيده وقذف ما فيه من صور في وجهها وهو يقول :

- طبعاً عشان خايفة لأفضحك

نظرت حولها لتلك الصور المتناثرة وهى غير مصدقة لما ترى ، فاستطرد وهو يقترب منها :

- بس ربنا هو اللى فضحك

صاحت من بين دموعها :

- الصور دى مش حقيقية ، دى صور متركبة ، والله يا حسام مش حقيقية
- متحلفيش بالله كذب
- انا مش بكذب هى دى الحقيقة ، الصور دى متركبة ، انا مش عارفة اثبتلك ازاي انى
مش بكذب ؟

إقترب أكثر منها وهو يقول بوجه صلب يكسوه الجمود :

- انا اللي هثبت لنفسى ، ودلوقتى حالاً
- صعقت عندما رآته يقترب منها ويحاول نزع ملابسها عنوة ، بدأت تصيح به ألا يفعل بها هكذا ، ولكن الغضب أعماه فبدأ فى تمزيق ملابسها وهى تصرخ به
- لم يكن يرى أمامه سوى غضبه ولا يسمع إلا لصوت شيطانه
- لم يرى دموعها ولم يسمع صيحاتها المتوسلة
- توقف فجأة عندما شعر بها وهى متشبسة بملابسه ومنكمشة داخل حضنه وهى تقول من بين شهقاتها :

- لا ، اوعى تعمل كدة يا حسام ، اوعى تضيع منى الأمان اللى بحس بيه وانا فى حضنك ،
عشان خاطر مضيعوش منى

تأثر كثيراً بكلماتها ، نزع نفسه منها وخرج وهو فى قمة غضبه ، لم يكن يعلم من أى شئ يغضب ، منها أم من نفسه ؟

ركب سيارته وقادها مسرعاً بلا وجهة محددة ، كان لا يرى الطريق بل يرى صورتها وهى تستجديه أن يتركها

إنّبه لصوت زامور تلك السيارة التي كانت أمامه فإستطاع أن يتفادى الصدام معها في آخر لحظة

فقد أعصابه ، فإتخذ جانباً أوقف فيه السيارة وترجل منها ، وبدأ يبكي من الألم فقد جُرحت روحه قبل قلبه ، فهى روحه التي تسكن قلبه

الفصل الخامس عشر

جلست منكمشة في الفراش تبكى ، وهي تتذكر قسوته معها ، لا لم يكن هو ، قد كان آخر لا تعرفه ، تبدل الحنان فيه إلى قسوة

وقعت عينها على تلك الصور ، صرخت وهي تزيحها من جانبه لتسقط على الأرض ، وتدخل هي في نوبة من البكاء

لتأتى المربية في هلع ، ثم تفزع من رؤيتها بتلك الصورة وهي تنتحب وترتعش بثيابها الممزقة

ضمتها لصدرها بحنان وهي تشعر بالأسى لها ، ولما حدث لها وقد بانث أثاره عليها

حاولت أن تهدأها ونزعت عنها تلك الملابس وأبدلتها بغيرها ودثرتها في فراشها وجلست بجانبها تتلو بعض آيات القرآن الكريم

نامت وسكنت جميع خلجاتها ، نظرت لها المربية بحزن وقلب يدعو أن يخفف عنها ما تشعر به

وقع نظرها على تلك الصور الملقاه على الأرض ، صدمت عندما رأتها ، لكن قلبها أخبرها بأن هناك خطب ما ويستحيل أن تفعل بوسى إبتها مثل تلك التصرفات

كانت لا تزال تجلس بانتظاره بوجهها الجامد ، رغم ظهور أشعة الشمس لتغمر المكان ، لكن لم يغمض لها جفن منذ البارحة

جاء أخيراً ، دلف إلى الفيلا بوجهه العابث وقد ظهر عليه أثر الحزن والهم ، ما إن رآها حتى سألتها بلهفة :

- بوسى عاملة اية يادادة ؟

ردت بإقتضاب وحزن أم على إبتها التي تركتها تنتفض في فراشها :

- نايمة ، بس محدش عالم باللى فيها

جلس على المقعد المقابل لها وهو في قمة حزنه ، فاستطردت قائلة :

- بص يابنى انا صحيح الدادة بتاعتها ، لكن عمري ما اعتبرت نفسى غريبة عنها ، انا اللي

ربتها ، وعشت معاها كل لحظات عمرها ، بوسى دى بنتى قبل كل شئ

رد ووجهه في الأرض خجلاً مما فعله :

- انا عارف طبعا يا دادة من غير ما تقولى

قالت بنبرة حزن :

- سامحنى يابنى فى اللي هقوله ، بس انت زى ابني برده

أماء برأسه فى صمت ، فتابعته بألم :

- انا عارفة ان بوسى تربيتها كانت غلط من والدها الله يرحمه ، ومش هنكر ان تصرفتها

كانت غلط فى حاجات كتير ، لكن بنتى عمرها ما تعمل اللي شفته فى الصور دة ابدأ ،

انا متأكدة من دة كويس اوى

رد بحزن دفين :

- وانا كمان متأكد انها معملتش كدة

نظرت له ببعض الدهشة ، فاستطرد قائلاً :

- الشيطان عمانى ، وخالانى اتنرفز عليها

أسند رأسه على يده وهو يتابع فى ألم :

- عارف انى اتسرعت وغلطت ، ومش عارف هترضى تسامحنى ولا لا ؟

قالت ببعض الراحة لما سمعته منه :

- متقلقش يابنى بوسى طيبة وقلها أبيض ، وبتحبك واكيد هتسامحك على طول

- يارب يا دادة يارب

- توكل على الله وهو القادر على كل شئ

تركها وقام ليصعد الدرج وصل إلى غرفتها تردد قليلاً قبل أن يفتح الباب ، ولكنه فتحه أخيراً

ليقف أمامها وهى نائمة فى فراشها ، تذكر شكلها وهى تبكى بين يديه ليلة أمس ، أغمض عينيه فى ألم

شعرت بوجود أحد ، فتحت عينها فرأته يقف أمامها ، شعرت بالخوف ، تدرت جيداً بالغطاء الذى كان عليها وقالت وهى ممسكة به وبأعين محدقة فزعة :

- انت هتعمل اية ؟

رأى بعينها نظرة ، تمنى الموت قبل أن يراها ، نظرة مزقت قلبه إرباً

غادر الغرفة وهو يحاول أن يجمع شتاته ، بعد أن ألقى على مسامعها كلمة واحدة ، ظلت

تردد فى عقلها وهى تزرف الدموع

- اسف

مرت بضعة أيام لم يرها فيها ، ولم يحاول أن يرها ، الحقيقة كان يهرب منها ، من عيناها ، من نفسه التي تلموه على ما فعله ، كيف له أن يشك بها ، بمن سكنت فؤاده ؟ لما سمح لشيطانه بأن يحركه ؟

كان يكره مواجهة نفسه قبل مواجهتها ، كيف يكون أمانها وهو بهذا الضعف ينجرف نحو تلك المهاترات ويتركها لتحركه ؟

أما هي فقد كانت تحاول أن تنسى ما حدث بشتى الطرق ، كانت تحمد ربها أنه خلصها من ذلك الوغد تامر وأنها لم تتزوجه ، لكن أكثر ما كان يؤلمها هو حسام ، هل حقاً لا يثق بها ؟ هي تعلم بأن تصرفاتها السابقة هي التي دفعته لأن يشك بها ، فكم ندمت على ما فرطت من مشاعر محرمة لشخص خائن مثل تامر

نظرت إلى زهورها بإبتسامة باهتة وهي تتذكر عندما كان يحتضنها في هذا المكان ، فهي رغم كل ما حدث وما تحمله من عتاب له فهي تشتاق له ، تشتاق لحضنه الذي أبى أن يحرمها من أمانه

دلف إلى المنزل فرأها وسط أزهارها ، كم كان يشتاق إليها ، كان يود لو يهرع إليها ويغرسها بصدره ويضمها بين ذراعيه

وجهه قلبه إليها قبل أن يعطى الفرصة لعقله أن يدبر الأمر

إنتهت لوجوده نظرت إليه بعتاب ، فقال بشوق :

- ازيك ؟

ردت وهى تحاول ألا تنظر له حتى لا تفضحها عيناها ككل مرة :

- الحمد لله

فقال ببعض الألم الذى تحمله كلماته :

- انا اسف ، مكنتش قادر أواجهك ، ولا حتى كنت قادر أواجه نفسى

نظرت له بأسى ، فتابع وهو يمسك ذراعها بيديه :

- انا مش عارف ازاي استسلمت للشيطان بالشكل ده ، نفسى تسامحيني

أشاحت بوجهها عنه ، فقال :

- انا مبقيتش قادر على بعدك اكر من كده

أدار وجهها إليه بأنامله ، ثم قال وهو يبصر فى عينيها :

- كفايا بُعد بقى

كانت تشتاق إليه ، رغم كل ما تشعر به من مشاعر قاسية ومختلفة ، لكن ما كان يطفو على

السطح هو الإشتياق لمرساه

تركت نفسها تستقر عليها بعد أن أنهكتها السباحة بعيداً عنها ، تركت كل أسلحتها وهدمت كل

قلاعها وحصونها وتركت نفسها لتتعم بطعم الإستقرار بعد أن قذفها التيار إليه

- انا بصراحة واقع من زمان ، من أول يوم شفتك فيه

إتسعت إبتسامتها وهي تسمع كلمات الغزل التي يغرقها بها ، وقالت :

- ربنا يخليك ليا يا ياسر ، مش عارفة حياتي من غيرك كان شكلها ازاي ؟

ليبتسم بدوره وهو يحتضن كفها بيده وهو يقول بنبرة أجاد إصطناعها جيداً :

- انا اللي مش عارف من غيرك كنت عملت اية يا سحورة

فإتسعت إبتسامتها وهي تقول :

- على فكرة انا كلمت ماما امبارح وقلت لها ان انت هتيجي تتقدملي

- اه طبعا اكيد يا حبيبتي ، اول ما اخلص العملية بتاعت الشركة عندكم هتقدملك

على طول

لتبتسم بفرحة عارمة وهي ترسم أمامها أحلاماً وردية لا تعلم أنها سراب

لم تكن تشعر بشئ سوى السعادة في حضن رجل أحبته ، رجل كان بعيداً عنها ، لم تتخيل أن
تمنى بكل هذا في كنفه

لم تكن تعلم أن الله كان يخبئ لها كل تلك السعادة ، لتمنى بطعم الحب الحلال

قضت أيام سعيدة ترتشف نفحات الحب المباركة برضا رب العباد

كانت تنظر إليه وهو نائم بجانبها بوجه باسم ، وهي تحمد ربها على تلك السعادة التي تحياها

معها

كادت أن تغادر الفراش لولا أنه شعر بها ، فقال بصوت ناعس وهو يحاول أن يمنعها من
المغادرة :

- رايحة فين ؟

إبتسمت لتعلقه بها ، إقترب أكثر منها وحاول أن يقبلها ، لولا أنها شعرت بتوعك في معدتها
جعلها تهرع إلى الحمام في ظل ذهوله

هرع إليها قائلاً :

- فيه حاجة يا حبيبتي ؟

قالت وهي تمسك ببطنها :

- لا مفيش حاجة متقلقش ، انا شكلى خدت برد في معدتى

ساعدتها في توسد الفراش وهو يقول :

- طيب اجبلك الدكتوراة

- لا مفيش داعى يا حسام خلى دادة تعملى حاجة دافية أشربها

- حاضر يا حبيبتي

- انتى كدة خلاص مهمتك انتهت

- يعنى خلاص مش محتاجة اروح لبوسى تانى ؟

قال وهو يهم بمغادرة المكان :

- ولا انا كمان محتاج اجى هنا تانى

قالت وهي تمسك ذراعه بلهفة :

- يعنى اية ؟ مش هشوفك تانى يا ياسر

إستدار وأخذ يربت على وجنتها ، وهو يقول بسخرية :

- شيرى يا حبيبتى ، متخليش عقلك يصورك حاجة مش موجودة ، انتى عارفة من الاول

ومتأكدة ان علاقتنا مولودة عشان تموت ، فياريت متحاوليش تمثلى عليا دور

العاشقة الولهانة

قالت ودموعها تغرق وجهها :

- انا مبمثلش يا ياسر ، والله انا بحبك

نزع ذراعه من يدها كأنه ينزع روحها من جسدها ، وتركها كورقة كتب فيها ما لا يرضيه فمزقها

وذهب يبحث عن غيرها ليسطر بها ما يريد

جلست تفترش الأرض تحاول أن تلملم ما مزقه بعنفوانه وأنانيته ، ليسحقها بقدمه كما

يسحق لفافة تبغه بعد أن أخذ ما يبغاه منها بلا مقابل

- مبروك يا حبيبتى ، انتى اكيد حامل

نظرت لها بدهشة وقد هزتها الصدمة :

- اية ؟ حامل ، انتى متأكدة يا دادة ؟

- ابوة طبعا يا حبيبتى

قالت ببعض التوتر :

- دادة ارجوكى متقوليش لحسام ، خلينى اقوله انا

فقبلتها المربية وقالت بحنان :

- ماشى يا حبيبتي ربنا يهنيكو

لتحتضنها بوسى وهى تنظر أمامها فى وجوم

حاولت أن تقف من على الأرض وهى تمسح دموعها المنهمرة وهى تنظر بتحدى لصورته التى

تتوسط بيروازها الأنيق المنضدة وهى تقول :

- ماشى يا ياسر انا بقى هوريك شيرى الى انت رمتها ممكن تعمل إية

ثم صرخت وهى تزيج ذلك البرواز الذى يحمل صورته ليقع على الأرض محطماً ، ليحطم معه

تلك القشرة الضعيفة التى تحيطها لتخرج إلى الحياة بوجهها المنتقم

وقفت تنظر لنفسها بالمرأة والأفكار تكاد أن تطيح بها ، هل هذه هى بوسى تلك القطعة المدللة ؟

هل حقاً سوف تتبدل حياتها لتنقلب رأساً على عقب ؟

وقفت تنظر لجسدها ورشاقته ، وهى تتخيل ما سوف يحدث لذلك الجسد الرشيق بسبب

ذلك الضيف الذى طرق على بابها فجأة دون سابق إنذار

أخرجها من تفكيرها ذراعيه اللاتى إحتضنتها ليحتويها هو بأنفاسه قائلاً :

- قمرى يا حبيبتي

لتبتسم رغم ما بها من هواجس وهي تقول :

- ربنا يخليك ليا يا حبيبي

فجعلها تستدير لتصبح في مواجهته ، وهو يهمس بأذنها قائلاً :

- ويخليكي ليا يا عمري

حاولت أن تهرب بعينها من حصار نظراته خوفاً من أن يعرف ما بها ، فقال بقلق :

- فيه حاجة ؟

أماءت برأسها نافية :

- لا يا حبيبي مفيش اى حاجة

فإبتسم وهو يلتمس خصلات شعرها قائلاً :

- ربنا يباركلى فيكى يا أغلى ما عندى

وإحتضنها بحب ، لتشعر بغصة في حلقها ، فهي تعشقه لكنها تخشى تلك الحياة التي تقدم عليها وهي تجهلها

كان قد كره الحياة بعد أن فشلت آخر محاولاته في إرجاع من عشقها إلى حضنه مرة أخرى ،

فقد أخفق في خطته في أن يقع بينهما

فهو الآن لم يعد يشعر بطعم الحياة فقد خسرها وخسر نفسه معها ، خسر إحترامه لنفسه

سمع رنين هاتفه نظر إليه بتململ ، فرأى رقمها ، هي تلك الأفعى التي دمرته وقلبت حياته رأساً على عقب

ضغط على زر الرد قائلاً بحدة :

- عايزة اية تانى ؟
- اسمعنى كويس انا كمان خسرت كل حاجة زيك
- انتى السبب فى اللى انا فيه
- مش مهم مين السبب ، المهم نلحق اللى فاضل لنا لازم نرجع حقنا فيهم
- ناوية على اية ؟
- خايف من اية ؟ ما انت خسرت كل حاجة ومفيش حاجة تبقى عليها

نظر أمامه يتفكر فى حديثها ، ثم قال :

- عندك حق ، وانا معاكى يا شيرى

الفصل السادس عشر

بدأ الشيطان في عمله الدئوب في تلك النفوس الضعيفة التي يستطيع أن يسيطر عليها

كانت تفكر ليل نهار في هذا المصير الذي تجهله ، لم تجد حلاً إلا الخلاص

أخذت تفكر في حل يخلصها من ذلك الزائر الذي سوف يقلب حياتها رأساً على عقب

هداها شيطانها إلى عدة أفكار للتخلص من ما يحمله رحمها

إستغلت فرصة عدم معرفة حسام بذلك الأمر ، وقفت على فراشها وبدأت تقفز في محاولة

منها للتخلص من جنيها

قفزات بقلب مرأة تجهل معنى الأمومة ، فقدت معنى الرحمة لتقسى على ما في رحمها

نطفة ضعيفة تنبض بحياة توءدها هي بأنانية قبل أن تنعم بالحياة

دقات قلبها كانت تدق بدون أن تشعر بما ينبض داخلها في ضعف وهي تقسى عليه بجمود

تصببت حبات العرق من جبينها لتنزل على عينيها تمنحها غشاوة على بصرها مثل التي على

قلبها ، بدأت تشعر بذلك الدوار وهي تدور في تلك الساقية من الفراش إلى الأرض ثم إلى

الفراش مرة أخرى

لم تستطع التحمل أكثر من هذا فخانتها قدمها لتسقط مع آخر قفزة على الأرض ، مع دخول

المربية لتراها وهي تسقط على الأرض هرعت إليها وهي تصرخ بها :

- انتى بتعملى اية ؟ انتى اتجننتى ؟

لم تنبث بشفة فقد كانت تلاحق أنفاسها المجهدة ، حاولت رفعها لتوسدها على الفراش لتجد قطرات الدم التى تلتخ قدمها ، فتشهق وهى تقول :

- انتى عملتى اية ؟ طيب مخفتش على نفسك ؟

ليدخل حسام إلى الغرفة لتقع على مسامعه تلك الكلمات ، فيصعق لرؤية بوسى على تلك الحالة ، وكانت قد فقدت وعيها

حملها وتوجهوا بها إلى المشفى وهو لا يفهم ما يحدث لها

كان يخاف عليها كثيراً وهو لا يفهم ماذا حل بها ؟

كان يقف خارج غرفتها فى توتر عندما خرج الطبيب ، فهرع إليه متسائلاً :

- خير يا دكتور ؟

- اطمن الحمد لله هى والجنين بخير ، بس هو اية اللى حصل هى وقعت ولا اية ؟ لولا

ستر ربنا كنتم فقدتم الجنين

نظر أمامه فى ذهول وهو يتمتم :

- الحمد لله

تركهم الطبيب فى حين نظر حسام إلى المربية متسائلاً :

- انتى كنتى عارفة انها حامل ؟

لتنظر له بارتباك دون أن ترد ، فيستطرد بحدة :

- كنتو عارفين وخبيتوا عليا ؟

قالت بحروف حاولت أن تبدو ثابتة :

- يابنى دة الموضوع لسه قريب وهى كانت هتقولك

كان يعيد تلك الكلمات التى سمعها من المربية عند دخوله إلى الغرفة (انتى عملتى اية ؟ طيب مخفتيش على نفسك)

ثم قال بوجه جامد :

- كانت عايزة تنزله

قالت بفرع :

- متظلمهاش يا حسام شكلها وقعت غصب عنها

غادر حسام المكان هرب من ذلك الهواء الملوث الذى يخنقه لأن ذراته تحمل رائحتها

كيف لها أن تفعل ذلك ؟ وكيف إستطاعت أن تكتم ما بداخل رحمها دون أن تخبره ؟ وكيف أخطأ قلبه فى حينها ؟

تلك الأسئلة التى كانت تراود عقله

شعر بثقلها داخل قلبه فقرر أن يطهره من تلك القاسية التى تقطنه

كانت تنام في هدوء مثل الملاك وكأنها لم تصنع شيئاً ، جلست بجانبها المربية تنظر لها بأسى وهي تخشى عليها من ردة فعل حسام تجاهها

شعرت بها تتحرك إتجهت إليها قائلة :

- بوسى انتى فوقتى ؟

لترد بصوت ضعيف وهي تحاول أن تفتح عينها بصعوبة :

- دادة ، انا فين ؟ اية اللى حصل ؟

لتنظر لها المربية في أسى ولكن لم تلبث إلا أن أحاطتها بذراعيها بحنان فهمى إبتها مهما أخطأت فهمى جزء منها

بدأت تلتمس شعرها وهي تقول بوجه جامد :

- ليه عملتى كدة ؟

حاولت أن ترفع رأسها لتنظر لها وهي تقول بألم :

- مكنش ينفع اكون الست دى ، دى مش شخصيتى ، ولا دى انا

ليدخل حسام عند تلك الكلمات فيفزعهما بكلماته الصارمة :

- وانا ميشرفنيش انك تكونى مراتى

كانتا تحدقان فيه بدهشة ، ظل ينظر بعينيهما بجمود ، ثم إستطرد قائلاً :

- من هنا ورايح انتى مجرد وعاء بيحمل ابني ، واياكى تحاولى او حتى تفكرى تعملى اى

حاجة تانى

ظهرت إبتسامة سخرية على فمه وهو يتابع :

- ومتخافيش اول ما تولديه هاتكونى حرة ، عشان تعيشى الحياة الى انتى بتحبيها ومش
قادرة تنسيها

وغادر الغرفة فى صمت بعد أن تركهم يتخبطوا بين حروف كلماته القاسية

نظرت بوسى إلى مربيتها التى قالت بأسى :

- كسبتى اية من اللى عملتیه دة يا بوسى ؟

لتجهش بوسى ببكاء مريير فتحتضنها المربية وهى تشعر بما يختلج صدرها من نار أحرقتها هى
قبل من حولها

كان يجلس خارج غرفتها بالمشفى وهو يشعر بأن الدنيا صفعته صفعه أفقدته وعيه

صدمته فى أعز إنسان له ومن سكن فؤاده منذ الصغر ، زلزلته

كان يضع رأسه بين يديه وهو يتجرع الألم وحيداً

إنته على صوت والدته التى جاءت مهرولة ويعلو وجهها ملامح الفزع وهى تقول :

- خير يا حبيبي حصلها اية ؟

ليربت على يديها وهو يقول مطمئناً إياها :

- متخافيش يا امى هى بقت كويسة

- هو اية اللى حصل ؟

قال بعيون زائغة :

- هي وقعت غصب عنها بس هي كويسة هي والجنين

قالت بسعادة :

- يا حبيبي ربنا يباركلكم ، والحمد لله انها بخير

دلفت إلى الغرفة بصحبته وهو يحاول أن يتلاشى النظر إلي بوسى ، أما هي فكانت معلقة
ببصرها فيه بقلب محسور على ضياع حبيبته

قالت والدته بحنان :

- مبروك يا حبيبتى ، وخلي بالك من نفسك بقى لحسن تقعى تانى

نظر إليها نظرة أرهبتها كان فحواها ألا تتحدث بشئ ، فأمات برأسها لوالدته دون أن تنبث
بشفة

- بس انت مقولتليش انت عايز العقود بتاعة الشغل ليه هنا ؟ مش انت مضتها خلاص

مع الأستاذ حسام

ليحتضن يديها بكفه وهو يقول :

- بصراحة يا حبيبتى انا كنت عايز منها معلومات مهمة هتفيدنى فى شغلى ، وبعدين مش

انتي قلتي ان حسام مش بيسأل على عقود العمليات اللى تمت ، يبقى متخافيش أكيد

مش هيسألك عليها

لترد سحر وقد تاهت من لمستته التى لمست قلبها الأهوج قبل يديها :

- اه يا حبيبي خلاص خليا معاك

ليبتسم بانتصار وهو يدس العقود داخل حقيبتة وهو يرى سقوط غريمه الذي إقترب ميعاده

رجعت إلى منزلها بعد أن تعافيت من ألام جسدها ، لكن قلبها كان لا يزال يقطر دماً ويبكى بألم
على ما فرط

قد كان ينعم بالحب والحنان ، أما الآن فقد أصبح وحيداً لا يملأه إلا الندم

دثرتها المرية في الفراش ، ومسحت على شعرها قائلة بإبتسامة :

- نورتي بيتك يا حبيبتى

ردت عليها بإبتسامة باهتة :

- ربنا يخليكي يا دادة

كانت تشعر بما يعتملها من ألم ، ولكنها لم تستطع فعل شئ يريح قلبها سوى الدعاء لله أن

يصرف عنهم الغم ويلين قلب حسام لها

دلف إلى الغرفة بوجهه الجامد قائلاً بصرامة :

- لو سمحتي يا دادة سبينا لوحدنا

أماءت برأسها في إيجاب وغادرت الغرفة في صمت

وجه بصره لمن كانت تتوسد الفراش بقلب ينتفض طلباً له وهرباً من بطشه ، وبعينان تنظرا

له بترقب

قال وهو لا يحيد نظره عنها :

- مش عايز ماما تعرف اى حاجة خلال الفترة اللى هتعددها معانا ، مفهوم ؟

إبتلعت غصتها وهى تحاول أن تفتح فمها لكى تتحدث ولكن نظراته الجامدة أرهبتها وألجمت لسانها فلم تستطع أن تبث بشفة

كل ما إستطاعت فعله هو إماءة خفيفة برأسها

كاد أن يغادر فجأة كما دلف فجأة ، لكن صوتها إنتصر على ضعفها وخرج :

- حسام

إستدار لها بنفس الجمود وقال :

- اه نسيت اقولك ان الكلام اللى قلتها لى فى المستشفى دة قرارى النهائى ومش هرجع فيه

وياريت متحاوليش تمثلى عليا البراءة ، انا استحالة هأمن لواحدة كانت عايزة تقتل

ابنى

وتركها تتجرع مزيداً من الألم والندم على ما إقترفته

- سلمتك يا بوسى

ردت وهى متوسدة الفراش كما أمرها الطبيب :

- الله يسلمك يا شيرى

- طيب كفاية عياط بقى يا بنتى

لترد من بين دموعها :

- مش قادرة يا شيرى حاسة انه خلاص ضاع منى ومش هيرجلى تانى

لتربت على كتفها بحنان مصطنع ، وهى تقول :

- متخافيش هو بس هيزعل شوية وبعدين هينسى

غمست لفافة التبغ فى المرمدة أمامها بكل غل كأنها تطحنها وتطحن معها كل ما يضايقها بهذه

الدنيا وهى تنظر أمامها فى وجوم

باغتها من كان يجلس بجانبها متسائلاً :

- ناوية على اية بالضبط يا شيرى ؟

نظرت له وهى تقول :

- دى فرصتنا اللى هنقدر نقطع الحبل الخفيف اللى فاضل ما بينهم قبل ما يحنلها تانى

، لازم نلحق نستغل الفرصة دى

- طيب فهمينى هتعملى اية ؟

قالت وهى تشعل لفافة تبغ أخرى لتحرقها بنار جوفها قبل نار القداحة :

- بكرة لما ارجع من عندها ها قولك هنعلم اية ؟

كانت لا تشعر بطعم الحياة بدونه ، فقد تعودت أن تحيا بوجوده بجانبها

هى الآن وحيدة لا تفهم حاضرها ، وتخشى مستقبلها ، وتتألم ندماً على ماضيها
 لم تجف تلك النهور التى حُفرت على وجنتيها ، لم يسكن قلبها عن الأنين
 كانت المربية دائماً موجودة بجانبها ، ترعاها وتتحسر على رؤيتها هكذا ، بدت ذابلة ، مكسورة
 ، محسورة

أما هو فغاب عن عالمها ، إكتفى فقط بسؤال المربية عنها وعن حالتها دون أن يحاول رؤيتها
 كان يمقت رؤيتها ، رؤية تلك التى تشعره بأنه كان أبله حينما سلمها قلبه ومن بعدها إسمه
 كان يغمس نفسه فى العمل كعادته هرباً من ما يؤلمه

رجع إلى المنزل مثل كل يوم ، توجه إلى غرفته ولكن قبل أن يدلف إليها سمع صوتها تنتحب
 داخل غرفتها

وقف للحظة أمام باب غرفتها ، تتصارع داخله المشاعر يمقت شعوره بالأسى لها والشفقة
 عليها ، غادر من أمام باب الغرفة ودخل إلى غرفته حتى يهرب من هذا الشعور الذى يؤلمه

- انا مخنوقة اوى ومبقيتش قادرة

ليبرد تامر بحنان :

- معلىش يا بوسى خلاص هانت يا حبيبتى

لتقول من بين دموعها :

- تعبت اوى اوى

- وانا كمان تعبت ومش قادر على بعدك
- واحشنى اوى
- وانتى كمان وحشانى اوى بتمنى اليوم اللى نكون فى مع بعض
- يارب

ضغطت على زر إيقاف التشغيل وهى تنظر للجالس أمامها بسعادة وهى تقول :

- دة انت طلعت ابن جنية بصحيح ، دى أكنها كانت بتكلمك انت بصحيح ، مش بتكلمنى انا

أخذ منها هاتفه بعد أن إستمعت لما فيه وهو يقول :

- بس يارب المرة دى تنجح مش زى المرة اللى فاتت
- لا المرة دى غير ، هو دلوقتى عنده استعداد يصدق اى حاجة عليها بعد ما كانت عايزة تنزل ابنه من ساعتها وهو مش طايقها
- تمام يا شيرى ، وانا مستنى نتيجة اللى هتعمليه

قالت وهى تربت على كتفه :

- متخافش انا متأكدة انه هيطلقها بعد ما يسمع الكلام دة على طول

الفصل السابع عشر

إستنشق عبير الصباح وهو ينظر إلى أزهار الحديقة وهو يقف بشرفة غرفته ، وقع بصره على تلك البقعة التي كانت تقف بها فراشته تسقى أزهارها
ولكن ملامح وجهه تبدلت فجأة عندما تذكر ما فعلته
وبدأ يسأل نفسه ، لما يحن قلبه لتلك القاسية ؟ أهو ضعف أم شفقة ؟ أم هو حياء الذي يسكن بقلبه ؟

نفض تلك الأفكار عن رأسه ودلف إلى الداخل في محاولة منه ألا يرى أى شئ يذكره بها
نزل الدرج متوجهاً إلى أسفل ليراها تجلس مع المربية بوجه هائم حزين
لم ينظر إليها وكأنها لم تكن موجودة وجه حديثه إلى المربية :

- اعمليلى فنجان قهوة يا دادة وهاتهنولى على المكتب

كلمات قليلة روت عطشها لسماع صوته ، وإستنشاق عطره

ولكنه تركها وغادر دون حتى أن يوجه لها بصره

بدت كمن إعتادت منه تلك المعاملة رغم إعتصار قلبها ألماً ، شعرت بها المربية فربتت على كتفها فبدلتها بوسى نظرة مع شبح إبتسامة ظهرت على ثغرها تطمئنها بها على حالها
كادت عبراتها أن تخونها فإستئذنت منها وصعدت إلى غرفتها تحمل ما تكتمه بداخلها

صحبته تلك النظرات الحنونة من مربيتها مع قلب عطوف يدعو لها
كادت أن تدلف إلى غرفتها لكنها إستدارت لتقف أمام باب غرفته ، بدأت تتحسس مقبض
الباب وهي تستشعر لمستته لهذا المقبض
أغمضت عينيها وهي تحاول أن تستشعر وجوده بجانبها
غادرت دموعها الحبيسة عيناها ، فتحت باب الغرفة ودلفت بهدوء بعد أن أغلقته خلفها
بدأت عيناها تجول داخل محتوياتها ، كانت تستنشق رائحته التي تملأ المكان
جلست على فراشه وبدأت تتحسسه وتلتمس موضع سكونه به ، أمسكت بقميصه الذي
نزعه عنه قبل أن يغادر ، إحتضنته بشوق وهي تتنفس عبيره ، أغمضت عيناها والدموع
تغرق وجهها
كان قلبها يخفق شوقاً له ، كانت دقائقه تصرخ في أذنها بإسمه لدرجة أنها لم تسمع صوت فتح
الباب
فتحت عينيها لتراه يقف أمامها وهو ينظر لها في صمت ، حاولت أن تمسح دموعها عبثاً لإنها
لم تستطع التحكم في هطولها
إرتعشت يدها وهي تعيد قميصه إلى الفراش مرة أخرى ، وجاهدت حتى تحملها قدمها لتقف
، كانت تنظر له بعيون غلبها الشوق ، كانت ترجاه في صمت أن يسامحها ويغفر ذلتها ، لكن
نظرته لها كانت قاسية تنم عن رفضه لها
إبتلعت غصبتها في محاولة لتحمل سهام نظراته المصوبة تجاهها ، تاهت في مقلتيه الجامدتين ،
كان قلبها ينتفض داخل قفصها الصدري ، وتحجرت الكلمات في حلقها
فقال هو بصرامة :

- بتعملى اية هنا؟

إهتزت خلايا جسدها إثر نبرته ، وظلت كما هى محدقه به إلى أن إستطاعت أن تخرج الحروف
من بين شففتيها :

- أسفة

ورحلت بخطى ثقيلة وبقلب ينبض بحب من أضاعته بجهلها

أما هو فوقف يتفقد أثرها بشعور سئ لم يفهمه ، توجه إلى خزانته وأخذ منها بعض من
أغراضه وغادر المنزل

صوت أسنانه وهى تقضم ثمرة التفاح بيده هو السائد فى المكان ، مد يده ليضع تلك الثمرة
جانباً ليترك نفسه يغوص برأسه فى حوض الإستحمام الذى كان ينام فيه
كان يراها أمامه حتى وهو مغمض العينين ، ها هى خطته تسير على نحو جيد ، وإقترب على
وضع كلمة النهاية كما رسم لها

إبتسم وهو يراها فى أحضانه بعد أن تصبح له وحده بلا منازع

إنته على صوت رنين هاتفه فرفع رأسه لينظر به ، فأغلقه وهو يزفر قائلاً:

- انسى بقى يا سحورة

الطبيبة :

- كدة مش كويس خالص على صحتك وعشان خاطر البيبي كمان
- رتبت المربية على كتف بوسى المتوسدة على الفراش وهى تقول :
- معلش يا دكتورة هى بس حالتها النفسية تعبانة شوية
- لترد الطيبية بشكل روتينى :
- لا مش هينفع كدة ، البيبي بيتأثر بالزعل ، حاولوا تخرجوها من الجو اللى هى فيه دة
- أماءت المربية بأسى دون أن تتحدث ، وهى تحتضن بوسى بحنان
- *****
- عاد إلى المنزل ليلاً كعادته ليجد المربية فى إنتظاره ، فقال :
- ازيك يادادة
- الحمد لله يابنى
- الدكتورة جت لبوسى ؟
- ردت ببعض الحزن :
- ايوة
- ليقول ببعض القلق :
- خير الدكتورة قالت فى حاجة ؟
- قالت ببعض الحرج :

- هي بصراحة قالت ان الزعل مآثر على بوسى ، وقالت المفروض نبعدها عن أى حاجة تزعلها

نظر لها بتمعن ، وهو يقول :

- وهى عرفت منين انها زعلانة ؟

- ماهو باين على وشها وعلى عنيا الى ورمت من كتر العياط يا حبة عيني

زفر وهو يمسخ على رأسه ، ثم قال :

- ربنا يصلح الاحوال يا دادة

وصعد إلى غرفته وهو فى غاية الحزن ، أغلق إضاءة الغرفة وجلس فى الظلام ، فهو لا يعلم كيف يحل تلك المشكلة ؟

كان يخشى عليها رغم ما حدث ، ولكن قلبه لم يكن يقوى على الغفران لازال يقطر دماً

خرج من غرفته متوجه إلى غرفتها أنصت خارجها فسمع صوت نحيبها ككل ليلة ، فتح باب الغرفة دون إستئذان إنتفضت عندما رأته يقف أمامها بعد أن أغلق باب الغرفة

كانت تحديق به من بين دموعها ، فقال بوجه جامد :

- كفاية عياط

مسحت دموعها بظهر يدها وهى تنظر له ببراءة طفلة يعاقبها والدها ، هكذا شعر تجاهها ، كاد أن يحتويها ويضمها إلى صدره

لكن كان هناك ما يخنقه ويحول بينه وبينها

كانت تنظر له بضعف امرأة فقدت أعلى ما عندها ، وأفافت بعد أن ضلت الطريق

قال بنفس جموده :

- مش عايز اشوفك بتعيطى تانى

قالت وهى تشعر بمدى إحتقاره لها ، وعدم إكترائه لما هى فيه :

- حاضر يا حسام مش هعيط تانى

زادت شهقاتها الباكية وهى تتابع :

- اقولك انا هدوس على الزورار وهبطل عياط فوراً

لم تستطع السيطرة على نفسها فدخلت فى نوبة من البكاء إرتعش لها جسدها

أما هو فظل جامداً ينظر لها ، ثم توجه إليها وأمسكها بيديه من ذراعها ، فزعت ورفعت

رأسها لتصطدم بنظراته الحادة وهو يقول بنبرة جامدة تفتقر للشعور بحالها :

- قلتلك كفاية عياط ، انا مش مستعد أضيع ابني منى عشان خاطر سيادتك مش قادرة

تتحكمى فى نفسك

نظرت له بأعين غير مصدقة لتلك القسوة الذى أصبح عليها ، كانت ترتجف بين يديه وهو

مصوب عينيه على عينها

قالت بصوت حزين :

- حاضر يا حسام هبطل عياط عشان احافظ على ابنك

صمت قليلاً وهو لا يزال على حاله ، ثم ترك ذراعها وغادر الغرفة وهو يشعر بتصارع المشاعر

داخله ، دلف إلى الحمام ووضع رأسه تحت الصنبور ليطفئ تلك النار التى إشتعلت بها ،

أغلق الصنبور ونظر لنفسه بالمرأة وقطرات الماء تنساب على وجهه ، وهو يتذكر شكلها وهى

تبكى أمامه بحرقه ، هو يشعر نحوها بمشاعر متناقضة ، عطف وقسوة ، شوق ونفور ، حب و.....

أخرجه من صراعه مع نفسه صوت رنين هاتفه ، أخرجه من جيبه ورد بلهفة :

- ازيك يا امى ؟

ليأتى الصوت من الطرف الآخر :

- الحمد لله يا حبيبي ، عامل اية ؟

- كويس

- حاسة صوتك مضايق ، بوسى جرالها حاجة ؟

- الحمد لله احنا بخير وبوسى بقيت كويسة والدكتورة سمحتلها تقوم من السرير

خلاص

- بس انا حاسة ان انت فيك حاجة

- متقلقيش يا امى انا بخير

- طيب ادينى بوسى اسلم عليها

قال ببعض التوتر :

- هى نايمة

- طيب يا حبيبي ابقى سلمى عليها ، وخلي بالك منها يا حسام وحطها في عنيك

قال بآلم :

- حاضر

أغلق الهاتف وهو يشعر بالثقل الذى زاد فوق رأسه

إستيقظت صباحاً على غير عاداتها ، تأنقت وإرتدت ملابسها الفاتنة الجذابة ويعلو وجهها ملامح الإنتصار ، فالיום سوف ترى سقوط غريمها ، حتى تفيق لإنتقامها من ياسر الذى سحقها بلا رحمة

فهي تشعر بالسعادة التى سوف تحققها بإنتقامها منهم

ركبت سيارتها وفي حوزتها ذلك التسجيل الذى دبرته هي وتامر لبوسى ، متجهة إلى حسام فى العمل ، نظرت إلى نفسها فى مرآة السيارة وهي تعدل خصلات شعرها الثائرة ، نظرت للطريق أمامها وهي تنطلق بسيارتها مسرعة

كانت تستمع لأنغام الموسيقى بإستمتاع وهي تدندن معها عندما لمحت تلك الإشارات الضوئية التى تصدر عن السيارتان اللتان يسيران خلفها ، نظرت لهما بتأفف وهي تشعر بإشمزاز من ركبها وهي تقول :

- اوف هو انا مش هخلص بقى من حركات المعاكسة البيئة دى

للتقدم السيارتان لتصبحا تحوطان سيارتها ، ليخرج من النوافذ رؤس الشباب الذين يركبوها ، ويبدأوا فى إلقاء بعض الكلمات المعبرة عن جمالها ، مع إلقاء بعض الألفاظ البذيئة التى جعلتها تنظر لهم شذراً وبدأت تحاول الفرار منهم دون جدوى لأنهم لم يعطوها الفرصة لذلك ، بدأوا فى تضيق الخناق عليها حتى جعلوا سيارتها تخرج من الطريق لتتحرف داخل الصحراء

كانت تشعر بالفزع وهي لا تعرف كيف لها أن تتصرف فى ذلك الموقف ، حاولت جاهدة أن تخرج من هذا الفخ الذى نصبوه لها ولكن كثرتهم غلبت ضعفها ، كانت تصيح بهم أن يكفوا

ويتركوها لحالها ، ولكنهم قابلوا صرخاتها المترجية بالضحك والمزاحات والإستزادة في تضيق الخناق عليها ، حتى جعلوها تتوقف بالسيارة في وسط الصحراء

ترجلوا جميعاً من السيارتان ، كانت تنتفض فزعاً وهي تحديق بهم وهم يقتربوا منها ، لم يستطع عقلها إحصاء عددهم

كانت على وجوههم إبتسامات خبيثة مأكرة وهم يهيموا بفتح باب السيارة ونزعها منها ، رغم تشبثها بالمقعد لم تستطع المقاومة كانت تنتحب وهي تترجاهم أن يتركوها ولكن ذلك جعلهم يستزيدوا في ما يفعلوا

أركبوها داخل إحدى السيارات رغماً عنها وما إن دخلت حتى يخ أحدهم سائل على وجهها جعلها تفقد وعيها بعد إستنشاقه

وأسرعوا بسياراتهم ليتوجهوا بها إلى حافة الهاوية

الفصل الثامن عشر

برودة تسرى بجسدها ، تتخلل جميع أعضائها ، لا تشعر بأطرافها ، أشواك تسكن تحتها وهي راقدة على الأرض ، ضوء الشمس يسطع بعينها وحرارتها تلهب وجهها

الأم بأماكن متفرقة بجسدها ، رأسها ثقيلة مثل الحجر ، حاولت أن تفتح عينها بصعوبة لتصطدم عينها بزُرقة السماء ، رغم ما بها من الألم جاهدت حتى تنهض بجسدها المسجي على الأرض لتصعق عندما ترى نفسها ملقاه بالصحراء شبة عارية

وحيدة ، جريحة ، منهكة ، حاولت عبثاً أن تلملم ثيابها الممزقة ، وبدأت تسير بخطوات مترنحة إلى الطريق القريب ، فهي تسمع أصوات سيارات تنم عن قربها من الطريق ، خطوات كانت بالغة في الصعوبة من كثرة ما بها من الألم

لاهثة وصلت إلى الطريق ، لم تعد قدماها المملخة بالدماء قادرة على حملها ، جلست مفترشة جانباً من الطريق وهي ترى أمامها بصعوبة

كانت السيارات تأكل الطريق مسرعة ، ولا أحد من راكبيها يكاد أن يراها ، إلى أن الله أرسله لها كان يتحدث إلى هاتفه لذلك إتخذ جانباً من الطريق كي يسير على مهل ، كان يصرخ بمحدثه قائلاً :

- ازاي يعنى مش فاضى ، بقولك انزل شوف أمك عيانة ونفسيته تعبانة ونفسيته تشوفك

ليرد الطرف الآخر متأففاً :

- اوكى تمام يا بابا هحاول ارتب الدنيا عندى وانزل

ولكن والده لم يسمع كلماته لأنه رآها وهي جالسة فى الأرض ممزقة الملابس ووجهها وجسدها ملئ بالكدمات

ركن سيارته جانباً بعد أن ألقى بهاتفه أمامه ، وترجل من السيارة مسرعاً إليها

هاله رؤيتها بهذه الحالة ، وكان يبدو على وجهه علامات الدهشة والذعر لأنه قد إستنتج ما حدث لها

جعلها تستند على كتفه وسار بها تجاه سيارته ، وأجلسها بها ، وإستدار ليقبع خلف المقود بجانبها

كانت مستسلمة تماماً له ، وإستجابت لذلك الدوار الذى تملك رأسها ، وأسبلت جفניה وهي لا تشعر بما يحدث حولها

إنتهت على ذلك الصوت الذكورى :

- حمد الله على السلامة يا بنتى

فتحت عينيها لتراه أمامها ، رجل يبدو عليه الكبر ويظهر على وجهه الطيبة ، إرتسمت على ثغره إبتسامة ودودة وهو يستطرد :

- الحمد لله انك قومتي بالسلامة

نظرت حولها فى ذهول وعيناها تتجول بين محتويات الغرفة ، لتدرك أنها بمشفى

إستدارت تنظر له حينما رتب على كتفها بيده ، وهو يقول بحنان أبوى لم تختبره من قبل :

- متخافيش يابنتي

ظهر شبح إبتسامة على ثغرها مع دمعة هاربة من قيود عينها ، وهي تقول بصوت منك :

- الحمد لله

كلمتان كان مذاقهما مميز في حلقها ، رغم ما حدث بها ، وما مرت به كانت تستشعر قيمة

الأمان الذي أصبحت تنعم به الآن ، بعد تلك اللحظات المميته التي مرت بها

دلف الطبيب إلى الغرفة ، وهو يقول بوجه يظهر عليه الأسى :

- حمد الله على السلامة

أماءت برأسها في صمت ، تابع وهو يفحصها :

- حاسة بأى ألم

قالت بنبرة ضعيفة :

- بطنى بتوجعنى اوى

- دة طبيعى ، انتى كان عندك نزيف حاد ، واضطرينا نستقصل الرحم ، ودة هيخليكى

تحسى بالألم شوية

صدمت لسماعها هذا الخبر ، إبتلعت غصتها في صمت وقد إغرورقت عيناها بالعبرات

فتابع الطبيب :

- ياريت تحاولى تبلى حد من أهلك عشان يجى لأنى بلغت البوليس عن حالتك ، واضح

انها حالة إغتصاب ، ولازم البوليس يحقق فى الموضوع

لم تحتمل ما ينطقه من كلمات ذكرتها بما حدث لها ، فزرقت عيناها العبرات لتشق طريقها على وجنتها في صمت

غادر الطبيب الغرفة في حين إنحنى ذلك الرجل الودود عليها وهو يقول :

- هونى على نفسك يا بنتى ، وان شاء الله ربنا مش هيسيب حقك

أخرج هاتفه من جيب سرواله وهو يقول :

- قوليلى رقم اى حد من أهلك اقدر اكلمه عشان يجيلك

هزتها كلماته فهى لا تعلم أحداً من الممكن أن يأتيها ليطمئن عليها ، فأين والديها ؟

صمتت لبعض الوقت ثم لقنته بعض الأرقام ، فرفع هاتفه إلى أذنه بعد أن سجل بها تلك الأرقام

أنزل الهاتف وقال بخيبة ألم :

- مفيش حد بيرد

جاءت بعض الأفكار فى بالها ، فها هو تامر لا يرد على هاتفه وهى لا تعرف أحداً غيره من الممكن أن يأتي لها

كانت تسترجع فى عقلها كلماته التى قذفها فى وجهها ، وهى تشعر بالألم ، لم تكن تتوقع منه تلك المعاملة القاسية ، لازالت ترى نظراته الحادة التى جرحتها بلا رحمة ، نزلت الدموع من عينيها دون أن تدرك

تذكرت ذلك القلب الذى يدق فى جوفها بجانب قلبها ، يشعر بما تشعر به ، يفرح لفرحها ،
ويحزن لحزنها

مسحت بكفها دموعها وهى تتذكر أنه الآن حزين لأجلها ، وضعت يدها على بطنها كأنها تطمئنه
على حالها ، وتبث له الحب

وعلى وجهها إبتسامة رضا لوجود من يشعر بها ، فى ظل بُعد من حولها عنها ، فلا يشعر بها
غيره ومربيتها

رنين الهاتف جعلها تنظر بجانبها لترى رقم غير مسجل بهاتفها ، وضعت يدها على أذنها بعد أن
ضغطت على زر الرد ، قائلة :

- الو

ليرد عليها صوت تعرفه جيداً :

- ابوة يا بوسى ، الحقينى انا فى المستشفى

لتقول بلهفة :

- اية اللى حصلك يا شيرى ؟

زادت شهقاتها وهى تقول :

- انا فى ناس خطفونى واغتصبونى

إنتفضت من على الفراش وهى تقول :

- اية ؟ طيب قوليلى انتى فى مستشفى اية بالضبط ؟

نزلت على الدرج بعد أن علمت عنوان المشفى ، إتجهت إلى غرفة المكتب حيث يقبع فيها حسام كعادته ، ترددت قليلاً قبل أن تطرق على الباب ، ليرد هو بطريقة روتينية :

- ادخل

دخلت بقلب ينتفض من مواجهته ، يخفق لرؤيته ، ولكن ما أتت إليه غلب على كل ما بها رفع وجهه لينظر لها في صمت ، قالت وهي تحاول أن تبدو ثابتة :

- شيرى صاحبتى اتصلت بيا وقالت انها فى المستشفى

قال بدهشة وهو يقوم من مقعده :

- خير ؟ اية اللى حصل ؟

ردت وقد خانها دموعها :

- مش عارفة ، بتقول فى ناس خطفوها و ... و و

لم تسعفها الكلمات كي تنطق بما حدث ، أطلقت العنان لعبراتها تعبر عما بداخلها توجه إليها بوجه يظهر عليه ملامح الفزع ، ثم قال بصوت إنتصر فيه الحنان قائلاً :

- طيب خلاص اهدى ، روحى غيرى هدومك ويلا نروحلها

نظرت له من بين دموعها بعيون ممتنة ، وهي تقول :

- شكراً

وحيدة كعادتها ، في فرحها وحيدة ، في حزنها وحيدة

تتجرع الألام وحدها ، دون أن يشعر بها والديها ، ما حدث جعلها تعلم أنها لا تسوى أى شئ ،
فهي كورقة ضعيفة ولكنها لم تكن بيضاء فقد لطحها سواد قلبها بما يحمل من حقد وكرهية ،
وقد أصبحت تلك الورقة مهترئة الآن ، ولكن ما مزقها هو ذلك السواد الذى لطحها ، مزقها
هى قبل أن يمزق من حولها

ترقرقت الدموع من عينيها لترسم طريق أحزانها على وجنتيها

دلفت تلك المرأة السمينه برداءها الأبيض ووجهها البشوش وهى تقول :

- عاملة اية دلوقتي يا حبيبتي ؟

أماءت برأسها إمامة بسيطة دون أن تتحدث ، رتبت الممرضة على كتفها بعد أن أوصلت بيدها
ذلك الخرطوم الدقيق الذى يمدها بالغذاء مع الدواء ليتسلل قطرة بقطرة إلى دمها ، وغادرت
الغرفة وهى تدعو لها أن يلهمها الله الصبر على ما حل بها

وما إن غادرت الممرضة حتى دلفت بوسى بلهفة ومن وراءها حسام ، ليهيلهم شكلها وهى بوجه
متورم من كثرة الكدمات

هرعت إليها بوسى محتضنة إياها وهى تبكى

فقالته شيرى من بين عباراتها المنهمرة :

- سامحيني يا بوسى

فضمتها بوسى أكثر إليها ودموعها لاتزال مستمرة فى الهطول

غادر حسام الغرفة وتركهما لحالهما

أخرج ياسر من جيبه رزمة من ساحرة النفوس الضعيفة ومد يده بها للجالس بجانبه في
سيارته وهو يقول :

- دة نص حسابك ، النص التانى هسلمه لمراتك لما يتم المراد

أخذ ذلك الرجل منه النقود وهو ينظر لها بسعادة كأنها سلبت عقله ، وقبلها ثم رفعها إلى
جيبه ليديها بعدها بجيب سرواله ، وهو يقول بحماس زاد للضعف بعد إمتلاء جيبه :

- تمام يا ياسر باشا

فيصرفه ياسر بإشارة من يده وهو يقول :

- روح انت دلوقتي

فيحيه ذلك الرجل بإشارة من يده على رأسه وبوجه ممتن وهو يترجل من السيارة ، فينطلق
بها ياسر وهو يشعر بالسعادة

كان يجلس بهذا الكرسي الموجود خارج تلك الغرفة المغلقة ، حينما خرجت منها بوسى فزعة
ووجهها مغطى بالدموع وهى تصيح به :

- الحقنى يا حسام مش عارفة مالها ، انهارت وبدأت تصرخ ، مش عارفة اعملها اية ؟

قال وهو يهرول فى إتجاه غرفة الطبيب :

- طيب خليكى معاها وانا هنادى الدكتور بسرعة

حضر الطبيب على عجل ومعه بعض الممرضات وأخرجوا بوسى خارجاً وبدأوا في محاولتهم لجعلها تخضع لهم حتى يتمكنوا من إعطاءها مهدئ

كانت تراهم من وراء الباب المفتوح قليلاً وجسدها ينتفض وهي تنتحب حينما أحاطها حسام بذراعه وضمها إلى صدره وهو يقول بحب :

- اهدي عشان خاطري ، خلاص كفاية

قالت من بين دموعها :

- ليه عملوا فيها كدة ؟ دي معملتلهمش اى حاجة ، ليه عملوا كدة ؟ ليه في ناس بتكره بعض كدة ؟

رق قلبه لها وخر ساجداً أمام ضعفها ، رفع وجهها بأنامله ومسح بكفه تلك العبرات المنهمرة على وجنتها ، وقال وهو ينظر بعينها المسلطة عليه :

- كفاية كدة ، ويلا عشان نروح

أماءت برأسها في إيجاب وهي لازالت تنظر بعينيه ، وخرجوا من المشفى وهو لا يزال يحيطها بذراعه كأنه يحميها من الناس جميعاً ، يحميها حتى من بطشه

فقر واحتياج ، أفواه كثيرة بحاجة للطعام والشراب ، حضن امرأة عانت وصبرت ، تحملت وساندت

كانت صورهم تتقازف في مخيلته وهو يتجول بين الحانات ليبتاع لهم ما يشتهوه ، فهم فلذات أكبادهم ، قطعه منه

لقد تحمل كثيراً رؤيتهم جوعى ، محتاجين

فقرر أن يضحى بنفسه من أجلهم ، ومن أجل تلك السيدة الحنون زوجته ووالدتهم

سبعة من الأبناء في عمر الزهور يعيشون في بئر من الحرمان

سوف يأمن لهم مستقبلهم بتلك النقود التي سوف تغنيهم حتى عن وجوده لعدة سنوات

لم يحدث أحداً بالأمر ولا حتى نفسه ، لقد تردد كثيراً عندما عُرض عليه ذلك الأمر ، ولكنه

حسم أمره حينما رأى أصغر أبناءه سهيلة تعبت مع القلط في قمامة الجيران بحثاً عن ما

يسد جوعها

نزلت دمعته وهو يحتضنها ألماً ، شعور بالعجز أصبح ملازماً له

لم يفكر مرة أخرى فقط هاتف ذلك الغريب الذى طلب منه أن يقوم بهذا الفعل الغير قانونى

في مقابل حفنة من النقود تنعش حياة أبناءه وزوجته ، وفي المقابل سنوات قليلة في السجن

سوف يخرج بعدها إلى حضن عائلته

وذلك البرئ الذى سوف يأخذه طوفان ما سوف يفعله إلى نهاية مستقبله ، ما ذنبه ؟

هكذا حدثه ضميره المستيقظ ، ولكنه أسكته سريعاً وهو يقول في نفسه : وما ذنبى أنا وأبناءى

أن نعيش حياة الأموات لا أحد يسأل عنا ، أعمل ليل نهار لأحصل بعض الجنيئات التي لا

تكفى إطعام أهل بيتى بعض القيمات

عاد إلى منزله فرحاً وهو محمل بما لذ وطاب ، إستقبله أبناءه بسعادة عارمة مع بعض القبلات التي يخفق لها قلبه

أعطاهم كل ما بيده ووضع رزمة نقدية في حجر زوجته ، ليبتسم لها قلبها قبل وجهها وهي تقول :

- اية دة كله يا متولى ؟

ليرد بأعين زائغة :

- ادوني مكافئة في الشغل

فتنفرج أسارير تلك الزوجة الطيبة وهي تدث النقود تحت وسادتها ، ثم تقول وهي تهم بالمغادرة :

- انا هقوم اعملك لقمة تاكلها

فيمز رأسه بإيجاب دون أن يتحدث ، ويظل ينظر إلى أبناءه وهم ينعمون بذلك الطعام الشهي الذي أحضره لهم لتوه ، وتعلو وجهه إبتسامة لم تلبث إلا أن هربت سريعاً وهو يتذكر الليالي التي سوف يقضيها بين جدران السجن بعيداً عنهم

الفصل التاسع عشر

رغم ما بها من ألام وما تشعر به من أسى ، كان قلبها يخفق لقربه
كانت تنظر له من الحين للآخر وهي تجلس جانبه وهو يقود السيارة عائداً بها إلى المنزل ، كان
يخالجه الكثير من المشاعر المتضاربة ولكن ما كان يغلب عليه هو الحنين إلى إحتوائها مرة
أخرى

وصلا إلى المنزل وقفا أمام الدرج يتلقيان نظرات الشوق المتبادلة ، حين قطعها هو قائلاً :

- اطلعي نامى دلوقتى ، وحاولى متفكريش فى حاجة

وفر هارباً من شوقه إليها الذى يظهر جلياً بعينيه متوجه إلى غرفة مكتبه

فى حين صعدت هى الدرج بوجه واجم ، إستدارت تنظر له وهو يرحل إلى أن إختفى عن نظرها

دلفت إلى غرفتها وهى غارقة فى همومها ، إستعانت بحمامٍ دافئ حتى تزيح عنها تلك الهموم ،

وخلدت فى فراشها وصورة شيرى وهى فى المشفى لم تفارق ذاكرتها

- خلى بالك يا متولى انت لا شفتنى ولا تعرفنى ، مفهوم ؟

قال تلك الكلمات عبر هاتفه بعد أن نفث دخان لفافة تبغته فى الهواء ، رد الطرف الآخر :

- تمام يا ياسر باشا

- تمام يا متولى ومتخافش على ولادك والجماعة انا هبعثلهم واحد ببقيت حسابك ، وهخليه يعدى عليهم كل فترة يشوف طلباتهم
- الف شكر يا ياسر باشا

أغلق الهاتف وهو منتشياً ، ويشعر بانتصاره الذى حصل عليه بعد أن صبر طويلاً

ضحك بسخرية ، وهو يقول :

- لا حول ولا قوة إلا بالله

ضيقت عينها وهى تقول بإستغراب :

- بتضحك ليه ؟

فقال وهو ينظر لها :

- تعرفى يا شيرى يا بنتى ، ان أنا ومراتى بنتمنى اليوم الى يرجع فيه ابننا ، دة أنا خايف لحسن أمه تموت بحسرتها على فراقه
- بعد الشر عليها ياعمو ، يارب يرجعلكم بالسلامة

ربت على كتفها بحنان ، وهو يقول :

- ويارب كمان والدك ووالدتك يرجعوا بالسلامة

قالت والدموع تتوق للخروج من عينها :

- ما أظنش ياعمو

- ربنا كبير يا بنتى ، وبعدين مش انتى وعدتيني تعتبريني زى والدك ، والحاجة دى نفسها

تشوفك اوى من ساعة ما كلمتها عنك ، بس لولا رجليها تعبها كانت جاتلك

- ربنا يشفيها

- امين ، ويتم شفاكى على خير عشان تيجى انتى تزورها بنفسك

إبتسمت له بحب لم تشعر به من قبل تجاه هذا الرجل الغريب الذى أنعش بداخلها

أحاسيس قد كانت فقدتها بفقدان والديها

طرق باب الغرفة ، ثم دخل بعدها حسام ليلقى عليهم التحية ، سألته شيرى بعيناها قبل

لسانها :

- فين بوسى ؟ هى تعبانة ؟

ليرد ببعض الحرج :

- هى تعبت شوية ، بس كانت عايزة تطمن عليكى ، وانا قتلتها انى هاچى اطمن عليكى

بنفسى ، انتى عاملة اية دلوقتى ؟

لترد ببعض الحزن :

- الحمد لله

ليقف ذلك الرجل المسن بعد أن صافحه حسام ، وهو يقول :

- طيب انا همشى بقى يا شيرى ، وبكرة الصبح ان شاء الله هتلاقيني عندك

لترد وقد عادت الإبتسامة لترتسم على وجهها :

- ماشى يا عمو صلاح هستناك ، وابقى سلملى على طنط نهلة كثير

فودعها بإشارة من يده وهما يتبادلان الإبتسام ، وترك الغرفة

قالت شيرى بإمتنان :

- انا متشكرة اوى يا حسام انك تعبت نفسك وجيت

- متقوليش كدة ، دى بوسى بتحبك اوى ، وبتعتبرك زى أختها

نزلت كلماته كالخنجر المسنون الذى غرسه فى صدرها ، إبتلعت غصتها وهى تتذكر ما كانت

تخطط له دائماً للإيقاع ببوسى

قالت بضيق :

- وانا كمان بحبها اوى ، واكتشفت انى مليش حد غيرها فى الدنيا دى

ثم قالت وكأنها تذكرت شيئاً هاماً :

- على فكرة هى بتحبك اوى ، وندمانه اوى اوى على اللى هى عملته ، ياريت تسامحها ، دى

طيبة اوى وملهاش حد غيرك

أماء برأسه فى إيجاب ، وقال وهو يهم بالمغادرة :

- الحمد لله انك احسن من امبارح ، ولو احتاجتى اى حاجة اوعى تترددى انك تبلغينى او

تبلغى بوسى

إبتسمت برضا دون أن تتحدث ، وظلت تنظر له إلى أن رحل

- خلاص يا متولى حملت العربية

رد ببعض التوتر :

- تمام يا ريس فتحى

ربت فتحى على ظهره وهو يقول :

- طيب يلا اطلع بيها عشان تلحق توصل قبل الليل

إبتسم بجانب فمه وهو يرد :

- وجب ياريس

صعد تلك الشاحنة المحملة بالبضاعة التى سوف ينقلها إلى مخازن الشركة بمحافظة

الدقهلية ، جلس خلف المقود وهو يعلم تماماً الطريق الذى يخطو إليه

كان يعلم أن ياسر قد بلغ الشرطة بمواصفات السيارة وما تحتويه وأنه سوف يلقى القبض

عليه مع أول لجنة مرورية سوف يمر بها

إنطلق بقلب يرتجف إلى مستقبل واهى لا يعلمه ، ولكن كلام ياسر كان يتردد بذاكرته وهو

يطمئن أنه سوف لا تتعدى سنوات سجنه الثلاثة سنوات

أغمض عينيه فى ألم وهو يتذكر صغاره السبعة وهم متعلقون برقبتة مودعين إياه بتلك

القبلات الحارة ، وتلك النظرة العاشقة التى تلقاها من زوجته قبل المغادرة

لا يعلم متى اللقاء ؟ وكيف سيتلقون الخبر ؟

نفض تلك الأفكار عن رأسه ، وبدأ يشق طريقه مسرعاً إلى ذلك المصير الذى إختاره بمحض

إرادته

ظلت الإبتسامة مرسومة على ثغره منذ أن غادر المشفى ، كان يقود سيارته عائداً إلى المنزل بلهفة وحنين إلى زوجته ، فلقد قرر أن يخضع لقلبه الذى أنهكه الشوق وأضناه الحنين ، فلن يظل مختبئاً خلف صخرة كبريائه بعد الآن ، سوف يحطمها لأجل قلبه ، لأجلها أميرة قلبه ومن ربعها على عرشه سلطنة

وصل إلى المنزل صعد الدرج بسرعة يدفعه قلبه إليها دفعاً ، طرق على الباب ولم يستطع الصبر حتى تفتح هى الباب

فتح الباب وولج إلى الداخل بقلب يرقص طرباً لرؤيتها ، دهشت لرؤيته أمامها ، خفق قلبها لبسمته التى أذانت وجهه

قال وهو لا يزال على إبتسامته :

- عاملة اية دلوقتى ؟

قامت من جلستها وهى تحاول أن تتمالك نفسها حتى لا يفضحها شوق عيناها :

- كويسة

إقترب منها ووضع يده على بطنها وهو يقول :

- وابننا عامل اية ؟

نظرت إلى يده وهى على بطنها ، ثم قالت بابتسامة صغيرة :

- كويس

نظر لها بإشتياق قائلاً :

- بس أنا بقى مش كويس

نظرت له بدهشة ، وهي تقول :

- ليه ؟

ترك أنامله تتخلل داخل ليل شعرها وهو يقول بحنان :

- وحشتيني أوى

لتتسع إبتسامتها وتظهر تلك الورود الحمراء على وجنتها تعبر عن خجلها ، ثم تتحول نظرتها لتبادله الإشتياق وهي تقول :

- وانت كمان وحشتنى أوى

ليقترب بوجهه من وجهها حتى يروى عطشه من رحيقها

ولكنها فزعت بين يديه حينما سمعت ذلك الصوت المنتظم لسرينة سيارة الشرطة يقترب من الفيلا

هرع حسام إلى الشرفة في حين إرتدت هى شال ليغطى شعرها وركضت خلفه لتعلم ما يحدث

كانت سيارة الشرطة قد توقفت داخل الحديقة ، وترجل منها ثلاث رجال من الشرطة

كانت تنظر له بدهشة ممزوجة بخوف ، طمئنتها بنظرة حانية ونزل إلى أسفل بصحبتها ، وقبل

أن يسأل أى منهم عن سبب مجيئهم إلى منزله جاءت الإجابة عندما قال الضابط بطريقة

جامدة موجهاً حديثه لحسام :

- حضرتك الأستاذ حسام مجدى محمد نور الدين ؟

أماء حسام برأسه وهو يجيبه :

- أيوة أنا

رد الضابط وهو يمد يده بورقة إلى حسام :

- معايا امر بالقبض عليك

كلمات إعتاد أن يتلفظ بها ، كلمات سهلة على لسانه ، صعبة على مسامع من يتلقوها

وضعت يدها على ثغرها تكتم شهقتها وهي تقول بفرع :

- حسام ، لا أكيد فيه حاجة غلط

إبتلع حسام غصته وهو يحيط كتفها بذراعه لهدئها ، ثم قال موجهاً حديثه للضابط :

- انا مش فاهم حاجة ، هو فيه اية بالضبط ؟

رد الضابط وهو يشير له تجاه الباب :

- اتفضل حضرتك معايا وهتعرف كل حاجة

نظر حسام لبوسى نظرة يبتث بها الثبات والطمئينة وهو يقول :

- متقلقيش يا حبيبتي ، انا متأكد ان فيه حاجة غلط في الموضوع

وتركها ورحل معهم ، وهي تنظر له بعيون تزرف الدموع ، كادت أن تركض خلفه لولا أن المربية

منعتها من ذلك وهي تدعو الله بقلبيها أن ينجيه

صمت يبوح بكل ما يعتمل داخله ، عينان ينظران إلى لا شئ ، مشاعر تتصارع بداخله ، أفكار

تثور بعقله ، أسئلة كثيرة لا يجد لها إجابة

ماذا حدث؟ وكيف حدث؟ ولماذا حدث؟

لا يشعر بشئ ولا بأحد ، من يراه يشعر أنه لا يرى ما أمامه في تلك الغرفة المظلمة التي لا ترى الشمس ولا ينيرها سوى تلك الطاقة الصغيرة التي تتخللها تلك القضبان الحديدية الرفيعة ، التي تصرخ في وجوههم بظلمة العبودية والقهر ، ونفهم بعيداً عن معالم الحياة مع زوهم ، بإحتجازهم في ذلك الجُب

تقلصت عضلات وجهه قليلاً حينما سمع صوت ذلك الرجل الجالس بجانبه ، وهو يهمس بأذنه :

- سامحني يا أستاذ حسام

فإستدار بجسده إلى صاحب الصوت ، لتتحول حالة الجمود التي كان عليها إلى ثورة تفاجئ بها جميع الحضور

حينما أمسك حسام بتلابيب ذلك الرجل ودفعه بوجه صارخ إلى أن صدمه بالحائط ، ثم فاجأه بلكمة قوية على وجهه ، وكاد أن يكمل ما بدأه بلكمة أخرى لولا أن بقية الرجال الجالسون معهم بنفس الغرفة أمسكوا بحسام وأبعدوه عنه وحاولوا تهدئته ، لكنه كان مثل البركان الثائر ، فلم يكن يرى أمامه غير ذلك الذئب البشرى ، الذي زج به داخل السجن دون أي ذنب إقترفه ولا حتى سبب يعلمه

جلس بعد ضغط من حوله عليه ، كان صدره يعلو ويهبط وعيناه منصبة بنظرات شرسة على متولى الذى ولج إلى السجن قبله بسويغات قليلة

بعد أن أفاق متولى من صدمته ، تدارك نفسه وإستجمع شجاعته ، توجه ليقف أمام حسام بإنكسار تام ، قائلاً والخزى يماً حروفه :

- الفقر والجوع همه الى خلونى اعمل كدة

نظر له حسام شزراً ، وقال بصوت به أنين كأنه يأتي من وادٍ سحيق :

- ودلوقتي بقى خلصت من الفقر والجوع على حسابي ؟ دوست عليا عشان تعيش انت ؟

رد ببعض الألم :

- ياريت أنا الى كنت جعان ، لكن لما يبقى حته منك بتجرى على الارض بتصرخ وتبكي

من كتر الجوع ، بتبقى زى المجنون مش عارف تعمل اية ، مصدقت شوفت الفلوس

بتترمي قودامى ، الفلوس الى هتخلى ولادى السبعة يعيشوا ويلاقوا لقمة ياكلوها

نظر حسام له بغضب ، وقال بإستهجان :

- كان ممكن تنحت فى الصخر عشانهم ، بدل ما تمشى فى سكة الحرام

جلس بجانبه ، وقد بدأت عيناه تزرف الدموع وهو يقول :

- مين الى قالك يا بيه انى منحتش فى الصخر عشانهم ، لكن مبقاش بايدى ، شوية

الملايم الى بحصلهم اخر الشهر مبيكفوش العيش الحاف

رد حسام وقد أسند رأسه على يده :

- وتفتكر ربنا هيباركلك فيهم وانت بتأكلهم بمال حرام

دقت كلمات حسام فى عقل متولى كالناقوص ، وبدأ يخشى على أطفاله من غضب المنتقم

الجبار ، أجهش بالبكاء وأخذ يدعو الله ألا يعاقبه فيهم ، وينتقم منه هو ، لا من صغاره

الفصل العشرون

كانت ترتعش في فراشها ، فضمتها المربية إليها بحنان وهي تقول:

- متخافيش يا بنتى ان شاء الله ربنا هينجيه

ردت من بين دموعها :

- انتى مسمعتيش يا دادة منصور المحامى قال اية ، دة قال انه ممسوك فى قضية إتجار مخدرات

لتمسح المربية على شعرها ، وهي تقول :

- ادعى ربنا ينجيه يا بنتى ، ربنا عالم انه مظلوم ومستحيل يضره أبداً

كان يقرع كأسه المملوء بالخمر مع تلك الفاتنة التي تجلس بجانبه ليجرعه بعدها دفعة واحدة وقد تعالت ضحكاتهما الخليعة ، فتتعالى ضحكاته هو الآخر ويميل رأسه تجاهها ليمس بأذنها ، فيتركا بعدها هذا الملمى الليلي متوجهين إلى سيارته بخطوات مترنحة قليلاً ، وقادها متجه إلى منزله فهذه ليلة مميزة بالنسبة له ، فقد تخلص أخيراً من غريمه ، وقد فُتح الباب أمامه ولم يبقى سوى أن يخطو بخطوات واسعة تجاه معشوقته ومن حفرت إسمها داخل صدره

لحظات من المجون والغفلة قضاها في أحضان تلك المرأة التي لم يكن يراها هي ، بل يراها بوسى ، ضحكة بوسى ، نظرة بوسى ، لمسة بوسى ، بئر بوسى الذى غرق به

كانت قد تحسنت حالتها كثيراً وعادت إلى المنزل مرة أخرى ، لتطوى تلك الصفحة من ذكرياتها الأليمة ، وتنسى ما بها من أحزان

نست كل ما كانت عليه وقررت فتح صفحة جديدة نقية بلا حقد وضغائن ، ولا فسق أو استهتار

نست كل من كانوا بصفتها السابقة ، كل من أذوها حتى والداها قررت أن تنساهم وتخرجهم من نطاق حياتها بعد أن هاتفتهم أثناء مرضها ، ولم يعيروا أى إهتمام ولا حتى جاءوا لإطمئنان عليها وتحججوا بإنشغالهم في أعمالهم ، وإكتفوا بالإطمئنان عليها عبر المحادثات الهاتفية رن هاتفا فردت بوجه باسم قائلة :

- ازيك يا عمو وحشتنى

ليأتها صوته من الطرف الآخر :

- الحمد لله يا شيرى يا بنتى ، انتى عاملة اية دلوقتى ؟

- الحمد لله ، احسن كثير

- عال اوى ، خدى بقى نهلة مراتى عايزة تكلمك

لترد نهلة بسعادة :

- حمد الله على سلامتك يا حبيبتي

لتقول شيرى :

- الله يسلمك يا طنط
 - مش ناوية تيجى تزوريني بقى ، نفسى اشوفك اوى ، من كتر كلام صلاح عنك حبيتك اوى
 - وانا كمان نفسى اشوفك اوى
 - خلاص هستناكى
 - قريب اوى هجيلك
- وأنهت محادثتها الهاتفية وهى فى غاية السعادة لتلك المشاعر الجياشة التى تغمرها ، والتى كانت تفتقد لها كثيراً

ليرن هاتفها مرة أخرى ، فترد قائلة :

- الو
 - ازيك يا شيرى عاملة اية ؟
 - الحمد لله كويسة يا تامر
 - كويس انى اطمت عليكى
 - متشكرة اوى يا تامر ليك ، انا عارفة انك تعبت معايا الفترة اللى فاتت
 - يا بنتى بس انتى بتقولى اية ، خلى بالك من نفسك ، ولو احتجتى اى حاجة كلمينى
 - اوكى تمام يا تامر
- أغلقت الهاتف وهى تشعر بالراحة بعد أن إقتنع تامر بحديثها المسبق معه ، بأن يتركها بوسى تعيش بحضن من أحبت ، دون أن يحاولوا التفريق بينهم

إستندت بظهرها على الأريكة بأريحية تخرج من داخلها وتغمرها براحة بال لم تعهد لها ، فى ظل الرضا التى باتت تشعر به ، وتلك الإبتسامة الخلافة التى إرتسمت على ثغرها لتنير وجهها كأنها تخرج من داخلها

حيرة وتخبط هو كل ما يشعر به ، لا يعلم متى سوف ينتهى هذا الكابوس ؟ وأين المفر منه ؟ أفزعه صوت ذلك الشرطى وهو يصيح بصوته الجهورى بعد أن تعلقت به أنظار الجميع :

- المتهم حسام مجدى نور الدين

فنظر له حسام بترقب ، يحثه على الإسترسال ، فتابع قائلاً :

- قوم معايا على مكتب حضرة الضابط

ليستقيم ويذهب بصحبته إلى تلك الغرفة التى يجلس بها الضابط خلف مكتبه ، وأمامه يجلس منصور المحامى ، قيقول حسام بلهفة موجهاً حديثه إلى منصور :

- منصور انا مش عارف اية اللى حصل ؟

ليقول الضابط وهو يهيم بمغادرة المكان :

- انا هسبكم تتكلموا براحتكم

فينصرف ، ليكمل حسام وأنظاره معلقة بمنصور :

- فى واحد معايا فى الزنانة اعترفى ان هو اللى حط المخدرات فى العربية ، وطلب منى انى

اسامحه ، وقالى ان فى حد اداله فلوس عشان يعمل كدة

رد منصور وقد إنفرجت أساريه :

- عظيم جدا ، الراجل دة اكيد بيشتغل عندك
- للأسف ايوة
- يعنى ممكن نخليه يشهد لصالحك
- ودة هيحصل ازاي يا منصور ؟

إستند بإحدى يديه على فخذه وهو يقول بتفكر :

- حاول تعرف منه مين اللى سلطه يعمل كدة ؟
- تمام

ثم اقترب برأسه من منصور وهو يستطرد بقلق :

- بوسى عاملة اية ؟
- كانت عايزة تيجى ، وانا قلتها هعملها اذن بالزيارة

فرد بسرعة :

- لا ، اوعى تخليها تيجى ، مفهوم ؟
- تمام يا استاذ حسام ، كل اللى حضرتك عايزه هيتنفذ

بوسى بعصبية :

- يعنى اية مش عايزنى اروحله ؟ انا هتجنن وأشوفه

قالت كلمتها الأخيرة وعبراتها تنهال على وجنتها

رد منصور قائلاً:

- والله يا مدام بوسى هو قالى انه ومش عايزك تدخلى المكان دة

قالت بوسى من بين شهقاتها:

- يعنى هو عايزنى ابقى بعيدة عنه؟

لتربت المربية على كتفها وهى تقول:

- هو مش عايزك تتهدلى يا بوسى ، خايف عليكى يا حبيبتي

نظرت لها من بين دموعها قائلة بتأثر:

- نفسى أشوفه يا دادة

- ياسر الشامى؟

- معرفش اسمه اية بالكامل ، كل اللى اعرفه ان اسمه ياسر باشا وبس

ربت حسام على كتف متولى وهو يقول:

- تمام يا متولى ، كدة انا عرفت هجيبه منين

إنتفضت واقفة مكانها حينما دخل عليها منصور المكتب بوجه مقتضب وهو يقول بحزم:

- انسة سحر ، عايز العقد اللى بين شركتنا وشركة الشامى يكون على مكتبى حالاً

لترد بحروف متلعثمة:

- شركة الشامى ؟

- ايوة يا انسة ، بسرعة يكون العقد عندى

وتركها وغادر الغرفة وهى تشعر بأن أرضها تدور بها فى دوامة لا تستطيع الخروج منها

- اهدى يا بوسى ، متقلقيش اكيد هيخرج ومش هتثبت عليه التهمة

لترد وهى تمسح دموعها :

- يارب يا شيرى ، انا حاسة انى هموت من غيره ، يارب يرجعلى بالسلامة

- طيب مش المحامى قالك ان الراجل السواق اعترف لحسام بالحقيقة ومستعد يشهد

معاه

- هو قاله ان فيه واحد هو اللى سلطه يعمل كدة

ردت شيرى بإستغراب :

- والواحد دة مين ؟ وليه عايز يأذى حسام ؟

- واحد اسمه ياسر الشامى ، انا حتى معرفهوش

نزل إسمه كالصاعقة على مسامع شيرى ، وقالت وهى تنظر أمامها ، ولازالت على صدمتها :

- انا بقى اعرفه

لتحدق بوسى بعينها بشيرى وهى تقول بدهشة :

- تعرفيه ؟

- انتى اكيد شوفته قبل كدة

فضيقت بوسى ما بين عينها وهى تنظر لها ، تحثها على المتابعة ، فقالت شيرى موضحة :

- كان بيسهر معانا فى الديسكو ساعات

ردت بوسى بإستغراب :

- طيب وهو هيعمل فى حسام كدة ليه ؟

- عشانك

ردت بوسى بصدمة :

- عشانى ؟

تابعت شيرى وهى تحاول ألا تتأثر لتذكرها تلك الأيام التى محتها من ذاكرتها ، لكنها تعود إليها رغم عنها :

- عشان بيحبك ، واتجنن لما عرف انك اتجوزتى

نظرت لها بوسى بصدمة ممزوجة بألم ، ثم قالت وكأنها أفاق لتوها إلى شئ ما :

- انا لازم أقابله

شهقت شيرى ثم قالت :

- تقابليه ازاي ؟ انتى ناوية تعملى اية بالظبط ؟

- مش هو بيحبنى انا ، تبقى معركته معايا انا مش مع حسام

إستغرب شيرى ما تراه أمامها على وجه بوسى وفى كلماتها ، هل هذه هى صديقتها الرقيقة ؟ أم هو الحب الذى جعلها تودى بحياتها فى مقابل من أحبت ؟

أمسكتها بكلتا يديها من ذراعها ، وبدأت تهزها قائلة :

- فوقى يا بوسى ، اوعى تفتكرى نفسك جامدة وأده ، انتى متعرفيش ياسر دة شرانى اد اية ؟

نزعت نفسها من بين يدها ، وقالت بصرامة :

- عارفة كويس وإلا مكنش عمل كدة فى حسام

نظرت أمامها بنظرة تحدى لم تختبرها شيرى من قبل ، وهى تتابع :

- انا هعمل كل اللى هقدر عليه عشان انقذ حسام ، ولو مش ناوية تساعدينى خلاص خليكى انتى

رأت شيرى أمامها بقايا امرأة تبحث عن وليفها الذى سوف يعيدها مرة أخرى إلى الحياة ، رأت بعينها نظرة إصرار وتصميم ، وإستشعرت من خلالهما أنها لن تقدر على إرجاعها عن ما تنوى على فعله ، فقالت ببعض القلق :

- طيب سببى انا ارتب للموضوع دة ، وهخليكى تقابليه

أماءت بوسى برأسها وهى تشعر ببعض الراحة

توجهت إلى مكتبه بقلب ينتفض رعباً ، وخطوات متعثرة ، وأعين زائغة

طرقت على الباب بيد مرتعشة ، شعرت أن هواء الغرفة كاد أن يسحقها حينما حمل صوته إلى أذنيها وهو يقول :

- ادخل

دلفت وهى تنظر إليه وقد كان غارق فى أوراقه ، فقالت بصوت خرج من جوفها بصعوبة :

- انا ملقتش العقود بتاعت شركة الشامى

نظر لها بوجه نائر وهو يقول بإستهجان :

- يعنى اية مش لاقياهم يا انسة ؟ اية عفريت جه واخدهم ؟

إبتلعت غصتها ، ثم قالت وهى فى قمة توترها وقد إغرورقت عيناعها بالعبرات :

- مش عارفة بجد راحوا فين ؟ ممكن يكون الاستاذ حسام اخدهم من الشركة

قام من مكانه ، وقال وهو يخبط بيده على المكتب مستنكراً لما تقوله :

- ممكن ؟

أشار بأصبعه أمامها وهو يقول محذراً :

- قودامك ربع ساعة وتكون العقود على مكتبى ، وإلا هتتحولى للتحقيق يا انسة ،

الاستاذ حسام أكدلى انهم معاكى ، يا إما بقى تكونى بعثيم لحد ، واكيد فى التحقيق

هنعرف كل حاجة

إنهارت مع تلك الكلمات ، ودخلت فى نوبة من البكاء لم تتمالك فيها نفسها ، شعرت بحجم

الخطأ الذى إقترفته بسذاجتها ، ندمت على ما فرطت من مشاعر جعلتها تنجرف خلفها دون

تفكير حتى خانت صاحب عملها الذى لا ذنب له غير أنه منحها تلك الوظيفة

إقترب منصور منها وأمسكها بقبضة حديدية من يده لذراعها ، وقادها إلى المقعد حتى أجلسها

عليه ، وجلس بالمقعد المقابل لها ، أسند مرفقيه على فخذيته وإنحنى تجاهها لينظر لها بتمعن

كى يسبر أغوارها وهو يقول بحدة :

- عايز أعرف اية اللى حصل بالضبط ؟

هذا اليوم يشبة سابقه من أيام كثيرة مضت ، لا جديد يحدث ، ولا شئ يشعر به سوى العجز فهو لا يقوى على فعل أى شئ ، لا يقوى حتى على حماية زوجته أو حتى رؤيتها ، تلك الحوائط الأربع تخنقه ، تضيق عليه ، ترقد كالصخر على صدره ، تمنعه من التنفس ، فهواءه فى رؤياها ، ونعيمه فى نظرة عينها الحنونة ،

بدأ يدعو من بيده ملكوت كل شئ ، الذى له القدرة وحده على أن يخلصه من هذا الكرب ، كان يناجيه فى كل صلاة بعيون باكية وقلب خاضع ضعيف ، كان يوقن أن الله لن يضيعه أبداً وسوف ينجيه من هذا الفخ الذى وقع فيه

- ازاي عايزة تقابله ؟ دى اكيد اتجننت

ردت شيرى موضحة :

- احنا مش هنسيها ، لازم نساعدھا ، زى ما كنا السبب فى اللى حصلھا لازم نصلح غلطنا
يا تامر

- ايوة بس انا مش موافق ، انتى قلتى ان ياسر دة عايزھا ، يعنى أكيد هتكون فى خطر

- ما انا قلتلك مش هنسيها لوحدھا قصاده ، هنكون معاھا من غير ما نظهر فى الصورة

قال ببعض القلق :

- خايف عليها

- رينا يستر

الفصل الحادى والعشرون

بخطوات ثابتة تشق طريقها إليه ، سوف تقف أمامه مرة أخرى ولكن تلك المرة غير سابقمها ، فمى لم تعد تلك الضعيفة ، فما مرت به جعلها أقوى ، أصبحت لا تخشاه ، لا ترهبه ، لم يعد قلبها يخفق له ، فقد أصبح يمقته ويمقت طلته وصوته وحتى اسمه

أرجعت خصلات شعرها النائرة للوراء بأطراف أناملها وهى تمشى داخل جدران شركة الشامى حتى وصلت لغرفة مكتبه ، فلم تجد أحداً بمكتب السكرتيرة ، ووجدت باب غرفته مغلق ، تقدمت بخطوات واثقة وفتحت باب غرفته دون أن تطرق عليه ، كأنما إستنتجت ما يحدث بالداخل ، وبالفعل كان إستنتاجها صحيح

وجدته يجلس خلف مكتبه على مقعده الوثير ، وتلك الحسناء المثيرة بهيئتها وملابسها تجلس أمامه على المكتب ، فى مشهد ينم عن وجود علاقة خفية بينهم

فزع ياسر وسكرتيرته عندما ظهرت شيرى فجأة أمامهم ، وبدأا يحدقا بها بدهشة تحولت إلى غل عندما بدأت هى بالضحك فى سخرية وهى تقول بهكم :

- طول عمرك رمرام يا ياسر

نظرت لها السكرتيرة بحنق وتركتهم وغادرت المكان ، فى حين قال ياسر بإستهجان راداً على شيرى :

- عشان كدة عرفتك يا حياتى

تقدمت لتجلس على المقعد المقابل لمكتبه ، ولأزالت على إبتسامتها ، ثم قالت بعد أن وضعت قدماً فوق أخرى :

- طول عمرك ذوق يا روجي

رأى بعينها نظرة لم يعهدها مسبقاً منها ، فقد رآها فجأة أمامه كالشجرة الشامخة التي لا تخشى العواصف لإمتداد جذورها بأرض ثابتة

تابعت بتغنج :

- وعشان كدة حبيت أنا كمان أكون ذوق ، وقلت أجي اباركك

لم يستطع أن يخفى صدمته بروحها الجامدة ، ولكنه حاول أن يبدو ثابتاً وهو يقول بسخرية :

- تباركيلي ؟ على اية بقى إن شاء الله ؟

نظرت بعينيه وهي تقول :

- أباركك على وصولك للهدف اللي كنت بتحلم بيه ، عرفت ان حسام في السجن والجو خليلك خلاص

أشعل لفافة من التبغ في فمه وألقى بالقداحة على المكتب أمامه بلا مبالاة ، وقال بعد أن أخذ نفساً منها ونفث دخانه في الهواء بهدوء مستفز :

- الله يبارك فيكي يا ستى

إبتسمت بجانب فمها وهي تقول :

- مش عايز تعرف أخبار بوسى اية ؟

زاغت نظراته الحائرة التي كانت تدل على شغفه لمعرفة ما سوف تقوله ، ثم قال :

- ياريت تقولى اللى انتى جاية تقوليه على طول يا شيرى من غير لف ودوران

إستقامت لتسير بخطوات ثابتة حتى جلست مكان تلك الحسناء التي كانت جالسة أمامه منذ قليل ، ثم قالت بدلال أجادته :

- بصراحة حالتها صعبة اوى ، مش عارفة تزعل عليه ولا تفرح انها خلصت منه

ضيق ما بين عينيه وهو ينظر لها ، ثم قال بتفكر :

- يعنى اية ؟ مش فاهم

وضعت يدها على صدره وهي تطرق بأصابعها على صدره قائلة :

- يعنى همه أصلا كانوا هيطلقوا ، حتى لو مكنتش دخلت إنت بلعبتك عشان تفرق ما بينهم

قال بصدمة :

- يعنى همه كانوا هيطلقوا ؟

- اممم كانوا هيطلقوا ، بس بصراحة صعب عليها كثير لما دخل السجن

عادت أدراجها إلى مقعدها وهي تسير بهدوء وهو يتابعها بعينه

فقالت وهي تنظر له نظرة تعنيها جيداً :

- يعنى هي بس محتاجة حد يساعدها عشان تاخذ قرار ، تكمل ولا تطلق

قال بعصبية :

- تكمل ازاي؟ دة واحد هياخد حكم تجارة مخدرات ، والقضية لبساه

إبتسمت إبتسامة خبيثة لنيها منه وهي تقول :

- انت عملت اية بالظبط ؟

زفر وهو يقول بعيون تحمل المكر والدهاء :

- لبسته في قضية مش هياخد فيها أقل من مآبد

وضعت يدها على المكتب وهي تقول :

- دة انت جن ، بس ازاي رتبته دي ؟

للتعالى ضحكاته وهو يقول :

- جرا اية يا شيرى ؟ عايزة تتعلمى ولا اية ؟ اهو لبستهاله وخلص

إبتسمت وهي تقول :

- يعنى مش عايز مساعدتى في حاجة ، السمكة بتاعتك خلاص لقطت الطعم ، تحب

تشد السنارة لواحدك ولا عايزنى اشدها معاك ؟

نظر لها بخبث قائلاً :

- وانتي هتعملى معايا كدة ليه ؟

قالت بترفع :

- تقدر تقول حبة اتخلص من كل الناس اللى ضايقونى بالدور

أدرك ذلك التلميح الذى ترمى إليه كلماتها ، تعالت ضحكاته ، ثم قال وهو يحاول أن يهدئ من ضحكاته :

- الكلام دة كبير عليكى يا شيرى

- انا عارفة انك جامد يا ياسر ، بس متنساش يوضع سره فى أضعف خلقه

عادت ضحكاته لتتعالى مرة أخرى ، ثم إقترب منها ، وعبث بخصلة من شعرها بطريقة مستفزة ، وقال بنبرة متعالية :

- مفتكرش النملة تقدر تنتصر على الأسد ، ولا اية ؟

أزاحت يده بعيداً عنها وهى تقول بنظرة تحدى :

- اللى تشوفه يا ياسر

وضعت نظارتها الشمسية على عينها وهى تهتم بالمغادرة ، لتقول وهى تشير له مودعة :

- هشوف ميتها اية وهكلمك ، سلام

رد وهو يتابعها بنظراته :

- سلام

نفض مهاتراتها من تفكيره ، واحتلت مكانها سالبت عقله ، وهو يتذكر حديث شيرى عن حالها

أرجع رأسه للخلف وهو يرسم أياماً سيعيشها مع حبيبته بوسى

غادرت شيرى المكان ، ركبت سيارتها وقبل أن تديرها وتنطلق فتحت حقيبتها وأخرجت هاتفها وأوقفت تشغيل المسجل وهى تبتسم بإنتصار ، قائلة :

- دلوقتي هتشوف النملة هتعمل اية يا اسد

- انا عايزاك تعرف حاجة واحدة بس ، انى بحب حسام ، وعمري ما حبيت غيره

نزلت كلماتها كالنار تكوى بقلبه على الرغم من إدراكه لها مسبقاً ، لكن وقعها على مسامعه كان أقوى مما تصور

رد بندم :

- انا عايزك تسامحيني على اللى عملته ، دة كان تصرف طايش منى

إبتسم بجانب فمه بحزن ، وهو يسترسل :

- كنت فاكر انى بكدة برجعك ليا من تانى

ردت بأسى :

- مش زعلانة منك يا تامر

نظر بعينها يحاول أن يعلم حقيقة ما تقول ، فأمادت برأسها وثغرها يحمل شبح إبتسامة جوفاء

قالت شيرى لتتمى ذلك الحديث الذى أثار الذكريات الغابرة وأخرجها من مكنونها إلى عقولهم مرة أخرى :

- خلاص بقى يا جماعة دلوقتى لازم نقدم التسجيل دة للنيابة ، واكيد بعدها هيتقبض عليه على طول

ردت بوسى بوجه واجم :

- لا ، مش كفاية ، لازم نحاول نجيب منه العقود اللى ادتهومله الهبلة اللى اسمها سحر ، هى دى اللى هتثبت ان الشحنة دى كانت بتاعت شركته ، وكمان هتثبت ان كان فيه تعامل بين شركتنا وشركته

لترد شيرى بحيرة :

- ودى هنجبها ازاي

- لازم اقبله الاول يمكن اقدر اعرف منه حاجة

ليقول تامر بفرع :

- ارجوكى يا بوسى متمهورش ، استنى انا هرتب للموضوع الاول انا وشيرى وبعدين هنقولك

يشعر بتوقف الزمن وتجمد الأحداث ، لا يقوى على إدراك واقعه ولا حتى تنبأ مستقبله ، كأنه أصيب بضمور فى المخ أدى إلى تعطل جميع أجهزته

كل ما يراه أمامه هو صور أبناءه السبعة وزوجته المسكينة ، وكان يسأل نفسه عن حالهم بعد ما علموا بما حدث له ، وها هو الأخرق الذى كلفه بتلك الفعلة لم يبعث له من يطمئنه على حالهم ولا حتى أرسل له محامى للدفاع عنه كما وعده

هل تلك هي النهاية ؟ ام أنه يوجد نهاية أخرى أسوء ؟

ليته كان غارق في أحلامه التي هيئها له شيطانه ، ليته يصحو ليصبح كل ما حوله سراب
يتطاير كالدخان أمامه ، ليته يعود إلى منزله يلعب أطفاله في تلك الغرفة الدافئة التي
ضاقت عليهم

إنته على صوت من يجلس بجانبه ، وهو يقول :

- ادعى ربنا وهو اللى هينجينا

ليرد ببعض الأسى :

- متخافش يا استاذ حسام ، ربنا عمره ما هيظلمك ، لكن انا غلظت ولازم أخذ جزائي

فأخرج حسام من صدره تهيدة حارة وهو يقول :

- يارب نجينا من الابتلاء دة على خير

كان يتابعها في مرآة سيارته بهيئتها المثيرة ومشيتها الفاتنة ، وصوت كعب حذاءها على الأرض
يصرخ كصوت إنذار لجميع من بالشارع للإنتباه لذلك الغزال المار بينهم

غمز بعينه لذلك الرجل الذى كان يقف مستنداً بظهره على عامود الإنارة ، ليتحرك ذلك
الرجل إثر إشارته متجه نحوها

كانت تسير نحو سيارتها غير مبالية بتلك العيون التي وقعت في وحل جمالها الساحر

عندما باغتها ذلك الرجل وخطف حقيبة يدها ، لتفاجئ جميع من بالشارع بصرختها

فيترجل هو من سيارته متجه نحو ذلك اللص في سرعة ، فقد جاء دوره في ذلك الفيلم الذى أخرجه هو بدهاءه

فيضربه عدة لكلمات وينزع من يده الحقيبة ، في حين يدعه يفلت من برائنه ليهرب في مشهد ظنه الجميع أنه فر من بين يديه دون إرادته

ليعيد ذلك البطل المغوار والفارس المقدام تلك الحقيبة إلى تلك الحسناء مرة أخرى ، فتشكره بإبتسامه وهى تقول ممتنة :

- متشكرة اوى

فيرد بإبتسامته الجذابة :

- العفو يا انسة ، دى حاجة بسيطة

ثم يشير إلى حقيبتها وهو يقول :

- شوفى لتكون حاجة وقعت منها

فتستجيب لأمره ، ثم تنظر له ولازالت على إبتسامتها :

- لا مفيش حاجة وقعت ، ميرسى اوى ليك

فيقول بنظرة إعجاب أجاد إصطناعها :

- لا شكر على واجب ، وبعدين القمر اللى زيك لازم يكون في راجل معاها يحميه من

الذئاب البشرية اللى مالية الشوارع

فترد له تلك النظرة بمثلها وهى تقول :

- مرسى لذوقك

فيمد يده لها ليصافحها قائلاً :

- انا مبسوط اوى ان الظروف جمعتنى بيكى ، معاكى تامر ، وانتي ؟

- ياسمينا

إبتسم بشغف وهو يقول :

- اجمل ياسمينا فى الدنيا

- بقولك خلاص البت دى بقيت فى جيى

لتخبط بيدها على صدره وهى تقول :

- جامد طول عمرك يا تمورة ، مكنتش اعرف انك هتوقعها بالسهولة دى

ليعدل من هيئة ملابسه وهو يقول مازحاً بطريقة متكبرة :

- انا مش اى حد يا بنتى

- تمام كدة اوى انا هبلغ بوسى تصبر بس شوية وكل حاجة هتمشى مضبوط

- قوليلها يومين بالكثير وتكون العقود عندها ، ياسمينا سكرتيرة ياسر هتفتحلنا

الابواب المتقفلة كلها

فتهم بالمغادرة لولا أنه يوقفها بكلماته وهو ينظر لها بتأثر :

- خلى بالك منها يا شيرى

فتبتسم له بود قائله :

- متقلقش يا تامر

كان بمكتبه يطلع على بعض الأوراق حينما رن هاتفه ، رد دون أن ينظر إلى إسم المتصل ،

فجاءه صوتها وهي تقول :

- ازيك يا ياسر ؟

- اهلا يا شيرى ، عاملة اية ؟

- صحيح بتسأل عليا ، ولا على قطتك ؟

خفق قلبه وهو يقول :

- فى حاجة جديدة حصلت ؟

قالت ببطئ :

- فى اننا رايعين دلوقتى النادي ، وممكن اوى نقابلك هناك

قال بلهفة :

- هى عارفة انى هقابلكم ؟

- لا طبعا انت هتقابلنا صدفه ، وسيبنى انا بقى اعرفكم ببعض

إنفجرت أساريره وهو يقول :

- تمام انا هروح حالاً دلوقتى على النادي

أغلق الهاتف وإتجه خارج شركته ليذهب إلى النادي

أما هي أغلقت الهاتف لتبتسم لمن كانت تجلس بجانبها وتنظر لها بأعين مترقبة ، ثم قالت
مطمئنة :

- وقع زى الجردل ، وهيسبقنا على هناك

فتبتلع بوسى غصتها وهي تقول :

- تمام انا هقوم البس عشان نروحله

الفصل الثانى والعشرون

رأه وهو يخرج بسيارته من جراج الشركة ، وظل ينظر إلى هاتفه كأنه ينتظر من يحدثه ،
وبالفعل رن الهاتف ليرد بلهفة :

- ايوة يا شيرى ، لسة ماشى دلوقتى
- خلاص تمام يا تامر هو هيروح النادى زى ما قالى
- تمام ، يلا سلام دلوقتى
- متنساش لما تخلص تبلىغنى
- اوكى

أغلق الهاتف وترجل سريعاً من سيارته ليدخل بدوره إلى الشركة

أما هى فإتجهت إلى غرفة بوسى لتراها تقف أمام المرأة وهى تحكم ذلك الشال الذى صبغ
باللون الوردى على رأسها ليضفى حمرة على وجهها زادتها جمالاً بالرغم من حزنها
رأتها كالزهرة الذابلة ، تنظر إلى نفسها بالمرأة بوجه واجم ، قالت بقلق :

- لو قلقانة يا بوسى بلاش نروح ؟

لترد بإصرار وتصميم :

- لا ، لازم نروح يا شيرى

ثم ظهرت الدموع متلألأة بعينها ، تتوق للهطول ، وهي تتابع بألم :

- حاسة انى بخونه

فإحتضنها شيرى وهي تقول :

- متكبريش الموضوع يا بوسى انتى بتعملى كدة عشانه
- لو كان عارف انى هروح اقبله مكانش هيوافق
- مهو انا كمان وتامر مش موافقين ، لكن انتى اللى مصممة

مسحت عبارتها وهي تقول وقد تمكن التصميم منها :

- لازم نروح مفيش حل قودامى غير كدة

رتبت شيرى على كتفها وهي تقول :

- متقلقيش ، انا مش هسيبك ، وهفضل معاكى

كانت تنظر بتلك المرأة الصغيرة بيدها وهي تضع بعض من مساحيق التبرج ، عندما إتسعت

إبتسامتها لرؤيته يقف أمامها بإبتسامته الخلابة

فألقت ما بيدها أمامها على المكتب ، وذهبت ناحيته ولفت ذراعها حول عنقه ، وهي تقول

بتغنج :

- كنت لسة هكلمك دلوقتى ونتقابل يا حبيبي ، معقول بقيت بتحس بيا لدرجادى يا تامر

؟

فقال وهو يخرج من جيبه قارورة صغيرة دون أن تشعر :

- اكد طبعاً يا حياتي

ثم لم يلبث قليلاً حتى إحتواها بأحد ذراعيه وبيده الأخرى وجه ذلك الرذاذ الذى يخرج من القارورة الصغيرة تجاه أنفها ، حتى لانث جميع أطرافها وأسبلت جفونها مستسلمة لرائحة ذلك المخدر

حملها ووسدها تلك الأريكة التى توجد بأحد أركان الغرفة ، ثم أسرع بغلق باب غرفتها عليهما جيداً ، حتى لا يأتى أى متطفل ليكشف أمره

وأتجه إلى باب غرفة ياسر الموجود بغرفتها ، بحركات سريعة بدأ عمليات البحث فى كل الأدراج والرفوف ، يبحث عن ضالته كأسد جائع يبحث عن ما يطفى لهيب معدته المتأوهة جوعاً

ضغطت على يدها برفق تبثها الطمئينة ، فبادلتها بنظرة ودودة وهى تقول:

- انا مش قلقانة منه ، انا عارفة ان ربنا معانا ومش خايفة

- يارب تامر يخلص بسرعة وقعدتنا معاه متطولش

- ان شاء الله هيلاقى العقود وهنمشى من هنا مبسوطين ، انا واثقة من كدة

فابتسمت لها شيرى وهما يعبران بوابة النادى ليكملوا ما إتفقوا على فعله

كان ينفث دخان لفافة من التبغ فى الهواء بتململ ، عندما رآهم يمران أمامه ، لم يستطع الصبر أكثر من ذلك ، قام واتجه ناحيتهم وبأعين معلقة ببوسى ، وجه حديثه لشيرى قائلاً:

- ازيك يا شيرى عاملة اية ؟

لتبتسم له شيرى وهى تقول :

- اهلا ، ازيك يا ياسر ، عامل اية ؟

- الحمد لله

فتشير بيدها تجاه من كانت تقف بجانبها قائلة :

- بوسى صاحبتى

فمد يده ليصافحها ، وهو يقول :

- اهلا وسهلا يا بوسى

فانتقلت ببصرها من وجهه إلى يده الممدودة تجاهها ، لتشعر أنها ممدودة تجاة رقبته لتخنقها

لم تستطع لمس يده ، إبتلعت غصتها وهى تقول هرباً منه :

- انا هروح الحمام يا شيرى ، وهرجلك على هنا

لتنظر شيرى بعينها بقلق ، وهى تومئ برأسها فى إيجاب

وتفر كنسمة هواء شاردة فى يوم حار من أيام الصيف ، جاءت للحظة لتبهج القلب ، ثم

غادرت لتترك فى القلب حسرة عليها

نظر ياسر بأسى إلى شيرى ، ثم قال :

- هى مالها؟ فى اية ؟

لترد شيرى مطمئنة :

- مفيش حاجة متقلش ، هى بس كانت متضايقه وانا خرجتها من البيت بالعافية

فزفر بضيق فى الهواء ، ثم قال :

- لسة برده زعلانة عليه ؟

- يعنى ؟ دة دورك بقى تنسهولها

أماء برأسه وهو ينظر أمامه فى وجوم ، حتى رجعت الإبتسامة لتزين ثغره مرة أخرى عند عودتها ، فقالت شيرى :

- تعالوا ندخل نعد فى الكافيه نشرب حاجة ، اصلى عطشانة اوى

فيتوجهوا جميعاً إلى ذلك المكان وكل منهم يحمل نظرات تقول أسرار للأخر

شيرى فى محاولة للإطمئنان على بوسى ، بوسى فى محاولة لسبر أغوار ذلك الذى أطاح بزوجها داخل جدران السجن ، ياسر فى محاولة لبث شوقه لفاتنته ومن غرق فى غرامها حتى الشمالية

إبتسم بأريحية وهو يتهد قائلاً :

- أخيراً

كان ينظر بسعادة بتلك الأوراق بيده ، ثم حاول أن يعيد كل شئ مكانه ، حتى لا يعلم أى أحد بالأمر

وخرج يحمل ضالته بيده ، ليرى ياسمينا مازالت متوسدة الأريكة وتغط فى نوم عميق

فخرج سريعاً من جدران تلك البناية ليركب سيارته ، وينظر للأوراق بجانبه بسعادة وهو يقودها

كانت تشعر أن الدقائق أصبحت دهور ، الوقت لا يمر في جلسته المقيتة ، مضطرة أن تتحمل سهام نظراته التي تخترقها بجرأة ، وإبتسامته المسمومة ، وحديثه الثقيل على قلبها

كان قلبها يشعر أنه يختنق ، كانت تشعر أن الهواء تلوث ويجب ألا تتنفسه

إستطاعت أخذ جرعة من هواء المكان حينما رن هاتف شيرى ، فنظرت لها نظرة تعنيها ، وإستئذنت لتقف على بعد خطوات لترد على هاتفها

تابعتها بوسى بنظراتها ، وأخذت تتابع خلجات وجهها لتستنبط منها ما تتلقاه في الهاتف

ولكن ذلك المتطفل إخترق تفكيرها وهو يقول بإبتسامته التي لم تغادر وجهه منذ أن إلتقيا :

- كنتى بتحبيه ؟

سؤاله إخترق قلبها قبل عقلها ، كانت تكره تدخله في شئونها الخاصة وبالرغم من ذلك ردت بلباقة وإبتسامه رسمتها عنوة فوق شفيتها :

- اكيد

فتابع بإهتمام :

- ودلوقتى ؟

وجدتها صديقتها من الإجابة عندما أشارت لها بطرف عينها وهي تقول موجهة حديثها لياسر :

- معلش يا ياسر ، لازم نمشى

رد بإستغراب :

- خير ، فى حاجة حصلت ؟

- لا بس في حاجة مهمة ولازم نمشى

تفاجأ بما حدث وكاد الغيظ يطحنه وهو يجلس مكانه يتابعهما وهما يهما بالرحيل

قال بلهفة موجهاً حديثه إلى بوسى :

- لازم اشوفك تانى عشان نكمل كلامنا

ردت بسعادة لسذاجته ، ولتخلصها من جلسته :

- أكيد

ظل يتابعهما وهما يرحلا ، وهو لا يعلم لماذا تلعب به شيرى بهذه الطريقة؟ لابد أنها تقصد
إذلاله ، وترد له ما فعله بها

خبط بغل على الطاولة أمامه كأنه يصفعها على وجهها لما فعلته ، جمع أشياءه ، وإستدعى
النادل بإشارة من يده ، ودفع الحساب وغادر بما يحمله من أحزان

شعرت بلمسة لطيفة على وجهها ، فتحت عينها بإبتسامة ، لتجفل حين وجدته أمامها ، ثم
قال وهو يتجه إلى غرفته :

- اية اللى نيمك هنا يا يسمينا؟ لو تعبانة ممكن تروحي تستريحى شوية

تفاجأت من هذا الوضع الذى وجدت نفسها عليه ، وتذكرت تامر وما فعله بها ، قامت بلهفة
إلى هاتفها ، لتجده وقد أرسل لها رسالة ، فابتسم ثغرها عندما قرأت محتواها (كان نفسى
اشوف شكلك وانتى نايمة ، زى القمر حتى وانتى نايمة ، بحبك)

فتمتت بسعادة :

- مجنون

قالت بسعادة إفتقدتها منذ غياب القمر عن سماءها :

- انا متشكرة اوى يا تامر ، الحمد لله

- احنا كدة خلاص خلصنا مهمتنا ، انتى لازم تسلمى التسجيل والعقود للمحامى وان

شاء الله حسام هيرجع البيت فى اقرب وقت

فتقول وقد إغرورقت عيناها بالدموع :

- الحمد لله

فتحتضنها المربية وهى تقول بسعادة :

- الحمد لله يا حبيبتي ، ربنا يرجع هولنا بالسلامة

فتقول شيرى :

- ليه بس الدموع يا بوسى ، يلا روحى كلمى المحامى فورا وخليه يجى عشان ياخذ الأدلة

الى هتثبت ان حسام برئ

- حالا هتصل به

كان يجلس على الأريكة يتابع التلفاز بتململ ، وهو يتجرع الخمر حتى يحاول أن ينسى ما

تفعله به شيرى ، فمنذ آخر مرة كان معها هى وبوسى ، لا ترد على مكالماته الهاتفية

كاد أن يجن ، وهو لا يعلم أين ومتى سيلتقى بها مرة أخرى ؟

كم اشتاق لرؤياها ، لنبع حنانه يحويها ، لنبض شريانه وهى فى أحضانها ، لطعم حروف الحب
متشابكة باسمها ، لخلايا جسده تذوب فيها ، لواقع رسمه فى خياله ، لصورة تجمعهم بحبه
الذى خلق لأجلها

أخرجه من أحزانه صوت جرس الباب المزعج ، أحداً يطرق على الباب بشدة كأنما سوف
تنطبق السماء على الأرض

تقلصت خلجات وجهه لشعوره بألم فى رأسه إثر تلك الضوضاء ، أخذ يحاول القيام من
مكانه ، ومشى بخطوات حاول أن تكون ثابتة حتى وصل إلى الباب ليفتحه ، فتفاجأ برؤيته
لهذا الكم من الرجال يرتدون زى الشرطة ، إلا واحداً الذى تحدث بدوره قائلاً بصوت جاد :

- حضرتك الأستاذ ياسر الشامى

حدق بهم بعينيه وقد شعر أنه إستفاق مما كان فيه :

- ايوة أنا

- معايا أمر بالقبض عليك

شعر وكأن دلواً من الماء البارد قد سكب فوق رأسه من هول الصدمة ، إبتلع غصته ، ثم قال
:

- ليه ؟

- اتفضل معانا حضرتك وانت هتعرف كل حاجة

غمر قلبها الراحة والطمئينة وهي تنام بجانب مربيتها ، كانت لازالت قلقة من ما سوف يحدث بعد ذلك ، ولكن هناك ما هدى من روعها ، فهناك أدلة تثبت إدانة ياسر ، وقد نُج به داخل جدران السجن ، وسوف يخرج زوجها منه قريباً

سوف تصطحق شمس حياتها مجدداً لتتير أيامها ، وتتفتح زهور بستانها ، وتهل نسمات الهواء العليل لتطفئ لهيب شوقها ، وتغرد العصافير على أشجارها لتسكن أنين قلبها ، وتتوقف أنهار دموعها ، لترتوي عيناها برؤيته ، وتهل من نهر حنانه

فجأة فقد حرّيته ، بعد أن خططت ودبر لكل شئ ، وقرب على وضع مشهد النهاية ، إلا أن إرادة الله كانت أقوى منه

إعتقد أنه إمتلك خيوط الأمر بيده ، ظن أنه يقدر على تحريك الأمور كيفما يشاء

غاب عن عقله ملك السموات والأرض ، ومدبر الأمور كلها

ظن أنه ملك كل شئ بيده ، حتى إنفرط من بين أصابعه كحبات الماء

كان يشعر بأن الدنيا سوف تفتح أبوابها له ليملك كل ما تمنى كما إعتاد طوال عمره ، ولكنها

فجأة صُبغت باللون الأسود ، أظلمت كسماء بلا قمر أو نجوم

كان يجلس في الأرض يضم ركبتيه إلى صدره ويدفن رأسه داخلها يكثر الألم والندم على ما

إقترف من أخطاء

وها قد نفذ عدل الله في الأرض ليمنحه جزاءه كما منحه عمراً يسعى في الأرض وينتقى الخبيث

منه ليلطخ به نفسه قبل من حوله

إنّبه على صوت من يجلس بجانبه ، وهو يهمس في أذنه :

- نورت السجن يا ياسر يا شامى

ليصعك عندما يسمع نبذة هذا الصوت الذى يعلمه جيداً ، فينظر له فى دهشة ، لىبتلع غصته فى صمت ، فىستطرد صاحب الصوت مرة أخرى قائلاً بنبرة أكثر حدة :

- كنت فاكّر الدنيا سايبه وهتتفد بلعبتك القذرة

ليرد ياسر بسرعة :

- انا معملىش حاجة ، انت اللى عملت يا حسام ، العربية تبع شركتك والسواق اللى نقل البضاعة بيشتغل عندك

ليرد من كان يجلس بجانبه من الجهة الأخرى :

- بس انا اعترفت بكل حاجة وبرأت الاستاذ حسام

ليشعر ياسر بالصدمات تلو الأخرى ، فىنظر فى إتجاه الصوت ، لىجد متولى يجلس بجانبه ، فىقول بنبرة متهدجة إثر صدمته :

- يعنى انتو الاتنين اتفقتوا عليا ؟ بس مش مشكلة برده مفيش دليل إدانة ضدى

فىقول حسام وقد إستقام ليقف من مكانه ، وقال وهو ينظر أمامه :

- أظن بكرة قودام النيابة هتقدر تعرف إذا كانوا قدروا يثبتوا التهمة عليك او لا ؟

ساد الصمت بين ثلاثتهم ، كلٌ ذهب إلى دنياه من الأفكار ، تُرى ماذا سوف يحدث غداً ؟ وكيف سيكون مصير كلاً منهم ؟

مرت الشهور ما بين تحقيقات النيابة ومحاكمات وإستئناف ، ليزداد قلق بوسى وتوترها ولكنها كانت على يقين أن الله سوف ينجي حسام من السجن ، وجود المربية بجانبها ساندها لتظل واقفة على أرض ثابتة ، ولا تترك نفسها لأوهام الشيطان

أما حسام فكان يعد الأيام والليالي لكي يرجع إلى حبيبته التي إفتقدها كثيراً

صُدِم متولى كثيراً عندما علم أن عقوبته لن تكون كما خدعه ياسر ثلاث سنوات فقط ، فقد قال له المحامى الذى كلفه منصور بالدفاع عنه بناءً على أمر من حسام ، أن عقوبته سوف تكون أكثر من ذلك وسوف يبذل أقصى ما فى وسعه لتقليلها

جعلته الصدمة يعلم حجم ما إقترفه من ذنب فى حق أولاده قبل نفسه ، فقد ترك لهم أموالاً ونسى أن يترك لهم سقف يحميهم من وحشة الأيام ، لقد فقدوا والدهم الذى يحمل لهم معنى الأمان والأمان

أما ياسر فقد أيقن أنه سقط فى بحور من الألم متلاطمة الأمواج ، تصفعه كل موجة منهم على وجهه ، صفعات يستमित من ألمها ، تفقده وعيه ، وتغطس به داخل دوامة الندم التى لا نجاة منها ولا مفر

جاء ذلك اليوم الذى أستقبله جميعهم كيوم فاصل فى حياتهم ، كانت القلوب تنتفض داخل الصدور ، حُشرت أنفاسهم ، حينما سمع جميع الحضور ذلك الصوت الجهورى يصيح ليملى صدهاه جميع أركان القاعة :

- محكمة

لترتكز جميع العيون على وجه ذلك الرجل الجالس يتوسط بطلته المهيبه المنصة ، ترتقب خلجاته ، تنتظر كلماته التى سوف ينطقها لتحدد مستقبلهم قال وهو ينظر بالورقة أمامه :

- بسم الله الرحمن الرحيم

بعد الإطلاع على الأدلة المقدمة لنيابة جنابات القاهرة
قررت المحكمة

الحكم على المتهم " ياسر محمد كمال الشامى "

والمتهم " متولى حسن أحمد عباس "

بالسجن المأبد لكلٍ منهما

وبراءة المتهم " حسام مجدى محمد نور الدين " من التهمة المنسوبة إليه ، وذلك لعدم
كفاية الأدلة

تغيرت ملامح الوجوه لتأخذ أشكالاً مختلفة ، وجوه حزينة باكية ، نادمة على ما إقترفت ،
ووجوه سعيدة مهللة فرحة بالنجاة والخلاص

إغرورقت عيناها بالدموع وهى تنظر له وهو خلف تلك القضبان الحديدية ، وإبتسامة رضا
تنير وجهها

فبادلها هو بنظرة حنان وإشتياق وهو يبتسم

مدت يدها لتتلامس أيديهم من خلال ذلك الحائل الذى يفصل بينهم ، فى صمت لم يشعر به
غيرهم فى ظل تلك الضوضاء التى تملئ القاعة

عيون تنطق بالكثير ، قلوب تنبض باشتياق ، حينين أيدي مرتعشة تتعانق بلهفة محبين

نزعمهم من عالمهم صوت ذلك الشرطى ، وهو يأمر حسام بالتحرك ، فك بسطوته تشابك
أصابعهم ، لكن أنظارهم ظلت متشابكة ، حتى غاب عن عيناها

ساعات مرت كالسنين ، إنتظار مميت ، يجلس خارج مكتب الضابط حتى ينهوا إجراءات
الإفراج عنه ويخرج إلى حضن زوجته ومن ملكت قلبه وعقله

إبتسم وهو يفتح يده وهو ينظر إلى تلك الورقة المطوية ، التى وضعتها بيده بوسى ، فتحها
وقراها للمرة التى لا يعرف عددها

لتجرى عيناها على حروف كلماتها :

لن أسمح لك بتركى

فلتنسى نفسك معى

لن أكسر قلبك أبداً

لن أحن عهدك أبداً

سأظل بحضنك دوماً

لا تنسى أنى قطعة متقلبة المزاج

وسبيلى إلى قلبك فيه شئ من الدلال

فيطويها مرة أخرى وهو لازال على إبتسامته ، فيسمع صوت الشرطى وهو يصيح باسمه
ليدخل إلى الغرفة هو والمحامى لينهى أوراق الإفراج ويخرج للدنيا ، للحياة ، لبوسى

كانت تنتظر بلهفة وهى فى قمة توترها ، عيناها ثابتة على بوابة السجن ترتقب خروجه بقلب
ينتفض

طل عليها أخيراً ، نوره أضاء قلبها ، لتظهر السعادة على وجهها

كانوا جميعاً بانتظاره ، ترجلت هى على مهل من السيارة وقدمائها لا تكاد أن تحملها فى حين كان
يسلم هو على والدته والمربية وعيناه عليها ، إقترب منها وعيناه تبتسم لها قبل ثغره إحتضن
يديها بين كفيه وهو يقول بهمس :

- وحشتينى اوى

لترد بإرتجافة سرت فى جسدها كله :

- حمد الله على السلامة

فيستقلوا جميعهم فى السيارة ويتجهوا إلى المنزل

أخيراً في المنزل ، فقد نسى طعام الراحة ، أخذ حماماً دافئاً كان بحاجة إليه
 خرج منه ليجد بوسى ترتب له الفراش ، نظر بعينها طويلاً وهو يقبل يديها ، ثم ترك نفسه
 يغوص بين ذراعيها ، أغمض عينيه في حضنها

إمتعص وجهها قليلاً وأبعدت نفسها عنه وهي تقول بوجه خالي من أى تعبير :

- هطلقني بعد ما اولد بجد زى ما قلتلى ؟

وضع يده على بطنها التي أصبحت متكورة ، وهو يقول بابتسامة مشاكسة :

- والله لسة هفكر

ليخذها بحضنه مجدداً ، وهو يقول :

- متخافيش يا مجنونة ، هو في حد برده يقدر يعيش من غير ما يتنفس ؟ أهو انتى بقى

الهوا اللى انا بتنفسه

قال كلماته الأخيرة وهو ينظر بعينها

كادت أن تبتسم ، لكن وجهها تقلصت ملامحه مرة أخرى ، ضيق ما بين عينيه وهو يحاول أن
 يعلم ما أغضبها ، ولكنه قبل أن ينطق بحروف سؤاله ، أفزعته هي بصرخة لم تستطع كتمها

ليتملكه الذهول والفرع وهو يقول :

- مالك يا حبيبتي ؟ فيه اية ؟

لترد وهي تضغط بيدها على يده :

- مش قادرة يا حسام عندى ألم فظيع من الصبح ، بس خلاص مش قادرة استحملة
- يعنى اية؟ مش فاهم ، انتى هتولدى؟

لتباغته بصرخة أخرى ، ثم تقول :

- مش عارفة ، صحى مامتك ودادة واتصل بالدكتورة

ليرد وهو يهرع خارج الغرفة :

- حاضر يا حبيبتي

هلت بنورها إلى الدنيا ، لتجعل من يراها يشعر بالسعادة ، تلك الطفلة الجميلة التي توجت
زيجتهم

نظر حسام بوجه زوجته النائمة على فراشها بالمشفى وهو يقول بسعادة :

- زى القمر زى امها بالظبط

لتبتسم بوهن وهى تنظر لطفلتها النائمة بجانبها ، فيباغتها بلمسة حانية على شعرها وهو
يقول :

- عايزة تسميها اية؟

- رحمة

- جميل اوى يا حبيبتي

لتبتسم وهى تقول بتأثر :

- دى الرحمة اللى ربنا خلقها جويا عاشان تقرب ما بينا

فيميل برأسه مقبلاً جبينها ، ثم يقول :

- ربنا يخليكو ليا

فتقول والدته :

- ربنا يسعدكم يا بني

ليبتسموا لها ، فتقول المربية وهي تلاعب الطفلة بيدها بسعادة :

- تترى في عزكم يا ولاد

كانت تلعب بشعرها الأشعث ، الذي صبغ بلون الشمس من كثرة إلتقاءها به ، في ذلك الشارع الضيق ، ترسم خطوطاً بعصا تحملها بيدها ، تحفر على رمل الطريق أحلاماً تعيشها في خيالها البرئ فقط

عندما إنتهت لشيء جعلها تلقى ما بيدها وتبتسم بسعادة ، فيبادلها حسام الإبتسام وهو ينحن قليلاً ويفتح لها ذراعيه بابتسامته الجذابة لتجري نحوه وهي ترفع ذراعيها ليحملها وهي تقول :

- عمو حسام ، وحشتني أوى

ليحملها بين ذراعيه ، لتقول بوسى من وراءه وهي تصنع الحزن :

- هو بس اللي وحشك يا سهيلة ؟

لترد وهي محتضنة حسام :

- وانتي كمان وحشتيني أوى أوى

لترد عليها بوسى :

- ماشى يا بكاشة ، ممكن بقى ندخل جوة نسلم على ماما وأخواتك

فيدخلوا ثلاثهم إلى منزل متولى ، فمند خروج حسام من السجن وهو يداوم على زيارتهم هو وبوسى ، ويقضى جميع إحتياجاتهم

كانت تدثر الطفلة فى فراشها ، عندما شعرت بيد حسام تسحبها إلى الخارج ، ليمس بأذنها :

- وحشتيني يا قطتى ، اية من ساعة ما رحمة اتولدت وانا مش عارف اتلم عليكى خالص

لترد بابتسامة خجولة :

- وانت كمان وحشتنى اوى

فيعدل من وضع خصلة من شعرها نزلت على وجهها وهو يقترب منها ليقبلها ، فتنتفض

عندما تسمع صراخ طفلتها وقد إستيقظت مجدداً من النوم

ليبتسم وهو يقودها إلى غرفة الصغيرة ويظلا بجانبها وهما يشعران بفضل الله عليهم ، أن

جعل حياتهم مليئة بالسعادة

.. تمت بحمد الله ..